

العدد

4

فقه

ومشروعات موسيكية



أحمد الأحمدي

إصدار موسوعة اعرف دينك للعلوم الشرعية والنشر الإلكتروني

الحمد لله رب العالمين والصلاة والسلام علي النبي
الكريم-صلي الله عليه وسلم-



يسر موسوعة اعرف دينك للعلوم الشرعية والنشر
الالكتروني نشر سلسلة جديدة وهي بعنوان: **(فضفضة**

ومنشورات فوسبوكية)، وهو جمع مبارك لمقالات ومنشورات الأفاضل مخصصة
لمنشورات شهر واحد من الشهور الهجرية مع اختلاف الأفاضل حسب الحال ولكل
مجتهد نصيب..

وهذا الجزء من السلسلة للشيخ الفاضل أحمد الأهواني.. وما شاء الله لغزارة أنتاجه
وتناسق موضوعاته مع عنوان السلسلة كونها إجتماعية وفضفضة بصبغة شرعية
لمشاكل الزواج، وهو موضوعاً يحتاجه الكثير من شبابنا ليكون علي بصيرة.. ومن
ثم سيكون دوماً معنا في هذه السلسلة في جزء ثابت شهرياً مع غيره.. وهذا غير
السلاسل الأخرى له حسب الحال .

وبدأنا هذه السلسلة من شهر رمضان للعام الهجري ١٤٤٦هـ إلي ماشاء الله.
وهو جمع مبارك لمنشوراته لشهر واحد هجرياً نبدأ من آخر الشهر حتي أوله تنازلياً
والسلسلة لفرد واحد ومنشوراته وبغلافة خاصة.. ولكن بترقيم مستمر تصاعدياً إلي
ما شاء الله ويصدر منها من جزئين إلي ثلاثة كحد أقصى كل شهر هجري.. فتكون
مواضيعها بكل أعدادها وجبة متنوعة بتنوع الأفاضل ما بين سياسة وعلوم شرعية
وفقه.. الخ

وهناك سلاسل أخرى في الموسوعة: هذا ديننا-اقرأ-وهذه السلسلة فضفة ومنشورات
فوسبوكية، ونسعي للتطور والترقي بموسوعاتنا الإلكترونية.
ونسأل الله تعالى أن يتقبل منا هذا العمل لوجهه الكريم ولا يجعل للشيطان فيه حظاً
ولانصيباً.. والله المستعان

مع تحيات

موسوعة اعرف دينك للعلوم الشرعية



السلام عليكم ورحمة الله وبركاته

فكرة خاطئة عند بعض البنات ، وأنا نفسي مش عارف الشيطان دخل لهن من هذا الباب إزاي !

وصلني عن بعض الأخوات من الولي بتاعها إنها يوم الرؤية الشرعية هتخرج للمتقدم بالنقاب

هتقعد معاه وتتكلم وتفهم دماغه الأول ولو دخل دماغ سعادتها هتكشفه في نفس الجلسة أو في الزيارة الثانية

الحقيقة قعدت أضحك على التفكير دا وسطحيته وقلت للولي بتاعها -إنت عارف إحنا علشان الشاب يطلع من البيت بشياكة لو البنت معجبتهاوش بنقول له إيه ؟

=إيه ؟

-بنقول له وإنت طالع حاول تجيب الموضوع في الإستخارة!

تقول لهم: (بإذن الله هستخير وانتي كمان تستخيري)

لو عجبته بيتصل بعد يومين ثلاثة يشوف ردكم إيه

ولو معجبتهاوش بيقول إني صليت إستخارة وكل شئ قسمة ونصيب وربنا يعوض بنتكوا باللي أحسن مني ، كذا مجرحتهاش ولا حسستها إن المشكلة لازم تكون في الشكل ولا الهيئة

عارف كمان بنقول لهم يدخلوا عليكم بهدية إيه ؟

=ليه ؟

-علشان منحسش البنت إنها مجرد سلعة ، مش هدخل غرمان حاجة إلا لما تعجبيني ، إنت واخذ بالك من اللي بنعمله مع الشباب من اللي بنتك بتفكر تعمله معاهم ؟..بنحسها إنها مطلوبة ومرغوب فيها حتى مع الرفض ومبنيش ذرة تخدش حيائها أو كرامتها علشان دي غالباً هتعجب أخ ليا تاني وللازم أحافظله عليها

=طيب ما هي مكسوفة تخلع النقاب ؟

-هي مش مكسوفة تخلع النقاب ولا حاجة بدليل إنها هتخلعه في الزيارة اللي جايه ،
هي بس بتشغل دماغها والشيطان داخل لها من باب التستر الزائد اللي ربنا لم
يفرضه عليهم في هذا اليوم

=طب إيه الضرر في كدا لو حصل ؟

-البنات هتطلع للشباب بنقاب ، وبعد ما تقعد معاه ويدخل دماغها هيبغك إن تفكيرها
عجبه ، بينما هي أعجبت بشكله وتفكيره

الشباب هيروح الزيارة الجايه وممكن شكلها ميعجبوش [هو الاحتمال الباقي عنده] ،
لو طلع هيبقى عندنا احتمال أد إيه إنه مطلعش إلا علشان الشكل ؟

=طبعاً ١٠٠% 😊

-يعني هيبقى عندها يقين إن شكلها مش حلو ، ما هو مفيش غير الشكل اللي كان
ناقص ، والشباب اللي قاعدين نفهمه يطلع بالاستخارة إزاي هيقع في اللي بنحذره
منه ، دا غير إنه لما هيكلمني عن اللقطة دي هقول له اطلع من البيت فوراً ولو
حسيت براحة نفسية ومتروحش تشوف شكلها ثاني
عليه ؟

-علشان دي منتطعة ، لا تصلح زوجة ، قاعدة تشغل دماغها في التكاليف الشرعية
وفاهمه إنها واصله حاجة في الدين بقت حريصة على دينها أكثر من رب العالمين
نفسه

قال النبي ﷺ: (ما من أحدٍ أغيرُ منَ الله، من أجلِ ذلكَ حَرَّمَ الفَواحِشَ)

والنبي ﷺ قال للشباب عن رؤية المخطوبة: (انظر إليها)

دي واحدة ترجمت نصوص دينها إنها هي اللي تنتظر إليه وبس 🤔

=بعد الزواج يفرق الموضوع ؟

-بعد الزواج دي هنكون اكتشفنا عندها من البداية تشدد وخلل في المنهج ، الصنف
دا هتلاقه بيجادل في الحلال والحرام كتير وهتتعب اللي هيتزوجها ، إنت خلاص
فهمت من أول لحظة الشيطان بيلعب معاها منين

النتطع في الدين مش حلو والنبي ﷺ يقول: (هَلِكَ الْمُتَنَطِّعُونَ)

=شكراً جداً يا شيخ أحمد ، البنت دي كانت هتضيع الدنيا
-إحنا زي ما بنكون حريصين على نقل الشرع للشباب ، حريصين كمان على أخواتنا
واللي بيحصل منهم لأن كثير منهن للأسف مش فاهم كل الأبعاد دي وبعد الرفض
بيقعدوا يفكروا هو الشاب رفضنا ليه !

#زوجكم_الله_بالصالحات🌸



👉 هذا الأمر يا إخوة ما تكلمت فيه من قبل وهذه
عادتي ، لا أتحدث في مسألة كهذه إلا لو ثبتَ عندي
ورأيت بنفسي من أحوال الناس أنها قد انتشرت
وبدأت تعم بين الناس

رأيتها في الرسائل وسمعت بعضها في جلسات
الصلح ، وكنت دوماً أشدد في الأمر متى ما ظهر
أمامي

👉 أباح رب العالمين للرجل الاستمتاع بالمرأة بأي
كيفية شاء ، والعكس للطرف الآخر

ولكن....هناك حدود نص عليها الكتاب والسنة لا
ينبغي لمسلم أن يتعدها

قال تعالى في إتيان النساء: (فَأْتُوهُنَّ مِنْ حَيْثُ أَمَرَكُمُ اللَّهُ)

قال الإمام القرطبي (رحمه الله) : وَمِنْ بَمَعْنَى فِي ، أي في حيث أَمَرَكُمُ اللَّهُ تعالى
وهو القَبْلُ [أي الفرج]

وَنَقَلَ الإمام ابن كثير (رحمه الله) عن ابن عباس ، ومُجاهد ، وغير واحد هذا القول
أيضاً

وقال تعالى: (نَسَآؤُكُمْ حَرْثٌ لَّكُمْ فَأَتُوا حَرْثَكُمْ أَنَّى شِئْتُمْ)

السلام عليكم يا شيخ أحمد انا كنت
متريدة ومحرجه جدا انى اكلم حضرتك
فى الموضوع ده ولكن متكلمتش غير
لمى ياست وضقت بيا الدنيا

متزوجه من ٥ سنوات وزوجى من بعد
ثانى سنه للأسف بدأ يطلب من نكاح من
الدبر وانا كنت برفض رفض شديد وبعد
فترة جابلى كذا رأى لمشايف بجواز الأمر

وانا صدقت بس مكونتش مرتاحه فأنا
رفضت ثانى، ولكن بدون إطاله هو طول
الخمس سنوات وهو مش متوقف عن
الطلب وحياتنا سيئه جدا بسبب انى

قال الإمام السَّعدي (رحمه الله) : وفيه دليل على تحريم الوطء في الدُّبر ، لأن الله لم يبح إتيان المرأة إلا في الموضع الذي منه الحرث [وهو الفرج]
وهناك أحاديث كثيرة عن النبي ﷺ كثيرة تتحدث عن الأمر
منها ما رواه ابن ماجه وحسنه الترمذي من حديث ابن عباس ، وصححه إسحاق بن راهويه وابن الجارود وابن حبان وابن دقيق العيد والبوصيري والألباني
قال رسول الله ﷺ: (لا ينظرُ الله إلى رجل جامعَ امرأته في دُبُرِها)
(وعدم نظر الله للعبد دليل خذلان وكبيرة لا يُستَهان بها مطلقاً)
ومنها ما رواه أبو داود وصححه الألباني وقوى إسناده الإمام الذهبي
قال النبي ﷺ: (مَنْ أَتَى كَاهِنًا فَصَدَّقَهُ بِمَا يَقُولُ، أَوْ أَتَى امْرَأَتَهُ حَائِضًا ، أَوْ أَتَى امْرَأَتَهُ فِي دُبُرِهَا فَقَدْ بَرِئَ مِمَّا أَنْزَلَ اللَّهُ عَلَى مُحَمَّدٍ ﷺ)
فانظر كيف جَمَعَ بين جُرم إتيان وتصديق الكاهن مع إتيان الحائض مع إتيان المرأة في الدُّبر ، ثم جعل البراءة من الدين من نصيبهم جميعاً !
(إن الفعل شديد لا يُستَهانُ به)
وأقل ما يُقال في كل هذه الأحاديث الرادعة الواردة عن النبي ﷺ في هذا الأمر أنها مع كثرتها وتصحيح وتحسين العلماء لبعضها وتقويتهم للبعض الآخر بالشواهد أن الأمر من الموبقات لا يُمكن لمسلم أن يستهين بحُكمه

#أختنا_الفاضلة👉

زوجك إن ترك كل هذا لأجل قول شاذ مردود عليه قديماً وحديثاً من علماء المسلمين فهو مُتبع لهواه ، وَجَبَ عليك عدم مطاوعته فيه وإلا كان عليك شئ من الإثم الواقع عليه

فالواحب عليك عدم مطاوعته في ذلك ، ومداومة الدعاء له بالهداية وإن وصل الأمر لإدخال واحد من أهل العلم بينكما في نهاية الأمر فلا تترددي حتى ولو وصل الأمر للتفريق بينك وبينه

قال شيخ الإسلام ابن تيمية (رحمه الله) : (وَمَتَى وَطِئَهَا فِي الدُّبُرِ وَطَاوَعْتَهُ ، عُزِّرَا جميعاً ، وإلا فرق بينهما كما يفرق بين الفاجر ومن يفجر به)

ولكن لا يكون هذا إلا بعد محاولات منك أولاً وبإدخال أهل الدين [رغماً عنه] ثانياً ،
ثم مراعاة مصلحة الحفاظ على دينك وبين البقاء معه ثالثاً
ولا أنصحك بإدخال الأهل مطلقاً إلا بعد استقرار الواسع في نهاية المطاف لعدم تلويث
سمعته ومن ثم التأثير على سُمعة ونفسية أولادك... (أهل العلم فقط حبذا لو كانوا من
الأغراب)

[#تصحيح مفاهيم الزواج](#)



دائماً بتسمعوا عبارة أن
الرجال يخافون من المرأة
المتقنة
الحقيقة.... نحن نخاف
فعلاً من المرأة المتقنة
(مثل هذه الثقافة)
أما المرأة التي تُتقف
نفسها وتتعلم العلم الذي
ينفعها وتجعل فكرها تبعاً
للكتاب والسنة فهذه والله
نحملها فوق رؤوسنا
هبه دي مثال للمرأة التي
تتقفت نفسها من زبالات
الغرب ، جعلت معاني

خامساً:
لو كان المجتمع قذر على رأيك، فاعرف إن
أكبر قذارة فيه هي الأصوات اللي بتستهين
بالإنسانية وتتعامل مع مشاعر الناس كأنها
أرفف تتحمل أي شيء بدون حساب.
مش الست اللي عازية تحفظ كرامتها هي الل
محتاجة تتعالج، اللي محتاج يتعالج هو اللي
فقد الشعور بالإنسان، وافكر إن التعدد
رخصة مفتوحة لكسر القلوب وسحق النفوس
سادساً وأخيراً: نصيحة لوجه الله قبل ما تتكا
عن مواجهة الجاهلية راجع الجاهلية اللي في
عقلك أنت الأول، لأن الجاهلية مش بس
عبادة أصنام. الجاهلية كمان لما تستهين
بغيرك وبوجعه وتبرر كل شيء تحت حجة
الدين .
والمرأة اللي بتتألم من زواج زوجها عليها مش
مریضة، إنما حية القلب، عندها كرامة.
أما اللي بينظر للألم الإنساني بإستهانة ، وفكاه

رأيها: حد فالتلك إن الست بتعتبر زوجها ملكية
خاصة أياً؟
مين أسأل قال الكلام با؟
الست لما تتألم مش معناها إنها شايعة جوزها
ملكيتها عندها.
هي شايعة لنفسها شريكة حيا؟ موضع مودة
ورحمه، مش سلعة عليها ستيكر خد واحدة
ثانية بياش.
لم لو هو مش ملكية خاصة، هي كمان مش
ملكيتها خاصة له، ومن حقها لختيار حياتها يا
لتفضل عنه، يا تكمل معاه برضاها وعن
قناعة مش خوف من المجتمع والناس، أو
احتياج مادي والمطرار. (زوجه ده الدليل
بعد ربي يمين يمين يمين يمين يمين يمين يمين)
لحب تعرف إنه لما معلمة محترمة ملقطة
اكتشفت زواج زوجها عليها، ما احتفلت
الصدمة والتحررت؟ أو والده التحرت .
ودي ماكتش مريضة ولا نالسة دين، ولا
جاهلة .
دي كانت ضحية مجتمع قذر يقول لها مش
من حقك لتعززي على قراره ، القرار يخصه
هو لوحده (وده على اعتبار أن الزواج عقد
من طرف واحد) حرام لتطلي الطلاق .
حرام الخلع الآثم النفسي كلام فارغ ،
استعلمي أصيري فكان الحل الوحيد قدمها
الانتحار .
يبدو أن حضرتك قررت تلعب دور الطبيب
النفسي والمصلح الاجتماعي، والمفتي في
نفس ذات الوقت ، وطلعت على الناس
بحكمة الموسم: "أي ست لتضايق من التعدد
مريضة نفسياً أو متربة غلطاً"
خيني أصبح لحضرتك مفاهيمك اللي مش
عارفة حضرتك استنتاجها من فين بالصيغ
ويناه على أنه !
أولاً: لو كنت تفهم ألف باه إنسانيه، كنت
عرفت إن الكرامة مش مرفوض نفسي، وإن عزه
النفس مش انحراف أدريوي، وأن الآثم مش
لألم. خطأ - الكرامة والآنسا، مشاع طمعة

الكرامة وعزة النفس نابعة من كل شيء إلا من الدين

هبة بتتكلم عن التعدد وكأنه إهانة وكسر قلب وكرامة امرأة قرر الرجل أن يضيف لها أخرى حسب حاجته ورغبته التي لم يمنعه الله منها
تجعل من التعدد أداة لكسر عزة نفس المرأة ، ولو نظرت هبة للجانب الآخر ستجد أن التعدد نفسه كان مُتنفساً لامرأة أخرى
تُحدثك بعلم النفس والعلوم الغربية والنظريات وأخبار الحوادث ، ونَسيت الدين بل لما تكلمت في الدين رأينا هبداتها في المنشور السابق عابرة للقارات 🌸
تعليق هبة وضعته أمامكم لتتظروا إلى أي مدى وصل تَغَوُّط الفكر الغربي في عقول النساء ، وإلى أي مدى ارتضت المرأة أن تعيش كالأمة بعدما كانت حرة في ظل الإسلام

[#وإنا لله وإنا إليه راجعون](#)

[#تصحيح مفاهيم الزواج](#)



👉 اللي بتشوفوه قدامكوا دا عبارة عن تربية قاسم أمين وهدي شعراوي وصفية زغلول لجيل كامل من البنات ، جيل طالع مشوه لا فاهم دينه ولا فاهم عقيدته وبدأ الجيل دا يفسر القرآن بمزاجه كمان ويرد كلام العلماء....(ودي المصيبة)
أختنا (هبة) بتتكلم عن آية العدل بين الزوجات ،

فأني عقل يقبل بعد هذا أن يُترك نص كتاب الله الذي لا يأتيه الباطل، ويؤخذ بكلام بشر يخطئ ويصيب؟

وكيف يُعرض عن نص القرآن الصريح إلى اجتهادات بشرية مهما علا قدر أصحابها؟!

إحنا مأمورون بأن نقف عند حدود الله لا أن نُؤوِّلها بأهوائنا، ولا أن نقدم آراء البشر كأننا من كان على نصوص القرآن الكريم.

Heba...
إحنا مش بحاجة إلى أقوال ابن باز أو غيره، فكُتاب الله بين أيدينا، وكلامه بين واضح لمن كان له قلب أو ألقى السمع وهو شهيد.

فأله سبحانه وتعالى وهو أعلم بخلقه، يقول: (ولن تستطيعوا أن تعدلوا بين النساء ولو حرصتم). وهذا نفي صريح وقاطع لاستطاعة العدل مهما بذل الرجل جهده. وعدم العدل معناه الظلم، لا تفسير له غير ذلك.

وقال جل وعلا: (فإن خُفتم ألا تعدلوا

خرجت من الآية دي بعدم إمكانية التعدد مطلقاً ومن ثم الاكتفاء بزوجة واحدة بحجة.... (إحنا مش هنسب صريح القرآن وناخد بكلام حد) (الله ينتقم من هبدك ياأختاه)

👈 الله تعالى لما قال (فَإِنْ خِفْتُمْ أَلَّا تَعْدِلُوا فَوَاحِدَةً)

وقال في آية أخر: (وَلَنْ تَسْتَطِيعُوا أَنْ تَعْدِلُوا بَيْنَ النِّسَاءِ وَلَوْ حَرَصْتُمْ)

دا مش معناه نهى عن التعدد

الإمام ابن كثير مثلاً يقول في الآية دي: (لَنْ تَسْتَطِيعُوا أَيُّهَا النَّاسُ أَنْ تُسَاوُوا بَيْنَ النِّسَاءِ مِنْ جَمِيعِ أَوُجُوهِهِنَّ، فَإِنَّهُ وَإِنْ حَصَلَ الْقِسْمُ الصَّوْرِيُّ: لَيْلَةً وَلَيْلَةً، فَلَا بُدَّ مِنَ التَّفَاوُتِ فِي الْمَحَبَّةِ وَالشَّهْوَةِ وَالْجَمَاعِ)

الكلام دا نقله من أقوال سيدنا ابن عباس، وعبيدة السلماني، ومجاهد، والحسن البصري، والضحاك بن مزاحم

النبي ﷺ مثلاً كان متزوج من ٩ زوجات ، وكان يميل قلبياً لعائشة ، هل كذا النبي ﷺ لم يعدل ؟

هل كان التعدد في حقه مع هذا الميل كان حراماً ؟..ولو كان حراماً هل كان النبي ﷺ يفعلُه ؟

يبقى لازم تفهموا معاني القرآن كما فهمها وطبقها النبي ﷺ وصحابته ونقلته أمهات المؤمنين من أحواله الشريفة

أم المؤمنين عائشة رضي الله عنها قالت: (كَانَ رَسُولُ اللَّهِ ﷺ يَقْسِمُ بَيْنَ نِسَائِهِ فَيَعْدِلُ ، ثُمَّ يَقُولُ: "اللَّهُمَّ هَذَا قَسَمِي فِيمَا أَمْلِكُ، فَلَا تَلْمَنِي فِيمَا تَمْلِكُ وَلَا أَمْلِكُ) [يعني: القلب] كان يقسم يعني تقسيم الليالي في المبيت ويدعو الله ألا يحاسبه على مالا يملكه وهو القلب

يعني لما كانت القلوب بيد الله ، فوجبَ على المُكَلَّفِ ألا يجعل الميلَ القلبي يؤثر عليه فيطغى على إحداهن ويظلمها

العدل في النفقة الناس كمان بي فهموه غلط ، بي فهموا إن دي لو أكلت بـ ١٠٠ مينفesh الثانية تأكل بـ ٩٩ ج مثلاً

الفكرة في العدل في النفقة أن تكون المعيشة غير متفاوتة تفاوتاً يبدو منه الظلم واحدة بتحب الكباب والكفتة والثانية بتموت في السمك البلطي 🐟 الأولى واحدة أعلى مستوى لها من الرفاهية والثانية كذلك أيضاً... (بس الفلوس مش واحدة)

#باختصار_شديد👉

العدل في القلب والنفقة والجماع يتفاوتون ، وهذا ما وضحه الله بقوله: (وَلَنْ تَسْتَطِيعُوا أَنْ تَعْدِلُوا بَيْنَ النِّسَاءِ وَلَوْ حَرَصْتُمْ فَلَا تَمِيلُوا كُلَّ الْمِيلِ فَتَدْرُوهَا كَالْمُعَلَّقَةِ)... يعني كذا كذا مش هتقدروا تحققوا العدل الكامل ، ولكن لا تميل ميلاً زائداً ملحوظاً لإحداهن فتدريها كالمعلقة (يعني لا هي متزوجة ولا هي مُطلقة)

#فهمتي_ياهبه؟

#تصحیح مفاهيم الزواج



👉دي صورة امرأة منتقبة بتعرف المتابعات عندها رد فعلها لما زوجها يقول لها إن الشرع أحل له أربعة ! ماسكه سكين وبتقول لهن: (بالهداوة خالص)

فيه حالة من حالات الردّة العامة التي يُرَوِّج لها لتعصف بدين الأخوات فارق كبير بين غيرَ مسلمة طبيعية فطرية جبلها الله عليها وبين محاداتها لشرع الله عز وجل وتبشيع الشرع في عيون الناس



إن لم تنتبه الأخت المسلمة لمثل هذا قد تقع في الكفر عياداً بالله
في الرابط الأول وضعت فتوى الشيخ ابن باز بخصوص هذا الأمر فلترجعوا لها

[#أول تعليق](#)

[#تصحيح مفاهيم الزواج](#)



رحم الله زينب 🌸

القاضي شريح كان قاعد في يوم بيحكي لصديقه الإمام الشعبي عن قصة زواجه



(شريح) دا كان قاضي الكوفة في عهد سيدنا عمر بن الخطاب رضي الله عنه ،
والإمام (الشعبي) الفقيه التابعي المعروف

القاضي شريح بيكلم صاحبه عن زوجته (زينب بنت جبرير) بعد ٢٠ عام من زواجهم
بيقول إنه أول ما دخل عليها وتوضأ وصلى ركعتين وجدها تفعل كما يفعل
ثم لما مد يده ليضعها على ناصيتها قالت: (على رسلك أبا أمية)

يعني انتظر يا أبا أمية ، ثم قالت:

(الحمد لله أحمدته وأستعينه، وأصلي على محمد وآله، وأما بعد، فإني امرأة غريبة،
لا علم لي بأخلاقك، فبين لي ما تحب فأتيه، وما تكره فأجتنبه. فإنه قد كان لك منكح
في قومك، ولي في قومي مثل ذلك، ولكن إذا قضى الله أمراً كان مفعولاً. وقد ملكت،
فاصنع ما أمرك الله تعالى به، إما إمساك بمعروف، أو تسريح بإحسان. أقول قولتي
هذا وأستغفر الله العظيم لي ولك ولجميع المسلمين)

دي خطبة الزوجة قالتها لزوجها ليلة دخلتها ، بتقول له: (عرفني بتحب إيه وبتكره
إيه علشان أنا غريبة عنك ومعرفش طباعك ، ونصحته يعاملها بالمعروف)

القاضي شريح بيقول للإمام الشعبي بعد ما سمع كلامها
(فأحوجتني والله يا شعبي إلى الخطبة في ذلك الموضع)

يعني بقيت مضطر أقول خطبة أنا كمان ليلك دخلتي 😊

القاضي شريح قال: (الحمد لله أحمدته وأستعينه، وأصلي على محمد وآله. أما بعد، فإنك قلت كلاماً إن ثبت عليه يكن ذلك حظاً لي، وإن تدعيه يكن حجة عليك. أحب كذا وأكره كذا، وما رأيت من حسنة فابثتها، وما رأيت من سيئة فاستريتها)

يقول لها انتي بتقولي كلام لو هتثبتي عليه هيكون من حسن حظي ، ولو تركتيه هيكون حجة عليك ، وقعد يقول لها كل الحاجات اللي بيحبها وبيكرها الزوجة سألته تاني : (كيف محبتك لزيارة الأهل؟)

تحب أزور أهلي إزاي ؟

قال لها: (ما أحب أن يملني أصهاري)

يعني مش كتير علشان محدش يزهدق مننا

قالتله: (فمن تحب من جيرانك يدخل دارك آذن له، ومن تكره أكره)

يعني مين من الجيران يدخل عندنا ومين لأ ؟

قال لها: (بنو فلان قوم صالحون، وبنو فلان قوم سوء)

يقول شريح: (فبت معها بأنعم ليلة، ومكثت عشرين سنة، والله لم أعتب عليها في حياتي إلا مرة واحدة، وأشهد الله أنني كنت لها ظالماً!)

القصة دي منتشرة في كتب السير ، ولها روايات كثيرة ، واللي يهمننا منها هو موقف هذه الزوجة الصالحة

ياريت الأخوات يتعلموا من موقف (زينب) ويشوفوا كيف تملك حبها من قلب القاضي شريح بحسن أخلاقها لدرجة أنه صار يحكي عن حسن تبعلها لصديقه الشعبي

[#تصحيح مفاهيم الزواج](#)



شافين فكر الإماماء... نعوذ بالله
من هذا الضلال ، وربنا يبعد هذه
الأفكار عن عقول أخواتنا
الصالحات

في أول الرسالة قلت لنفسي... (هو
أنا حظيت من شأن المرأة إزاي) ؟
لما تشوف انتقاداتها تلاقىها بتكلمك
عن زوج هيعدد أو زوج مسؤول
مش هيشغلها ، أو زوج معاه الفلوس
مش محمل مراته عبء شراء
الطلبات

انت ليه مُصر تنزل من قدر المرأة ليه
دايما بتقلل من شأن الست وبتتكلم ع
أنها خادمه مربيه عابده أمه
يا استاذي الفاضل اتقي الله انا انسان
خلقني الله مثلك لم ينقصني شئ
بالعكس المفروض انا التميز عنك انا امك
واختك وابنتك بلاش توصل للرجال أنهم
لابد من التعدد لابد انك ماتشغلش الست
لابد من أنها ماتمسكش فلوس هو في
ايه بجد الست المحترمه محترمه ف اي
مكان وحتى لو معاها كتوز الدنيا بلاش
تتولوا شؤون المرأة ف الارض والله ربنا
ماوكلش الرجاله عن الستات كل واحد
هيتحاسب بعمله اتقوا الله بقا مسونا

هما دول الإماماء اللي بنتكلم عنهن.. عاوزه تكون أمة جارية لأي حد إلّا زوجها زي
ما الإعلام عاوزها

الست بتكلمك عن التعدد وكأنه حط من شأن المرأة!

تحس إننا لما بننصح واحد بالتعدد بنقول له: (توكل على الله واتزوج عروسة البحر
مثلاً)

ما هو بيتزوج امرأة برضو يا حيزبونة ، بيفتح بيت جديد مع أخت ليكي ، أخت
بتشيل تقصيرك غالباً في حقه وبتخليه ميقعدش مركز معاكي ، ما تحبي الخير لأختك
يا حاجة

وتقولك... (متشغلش الست)

ليه عندك إصرار تكوني أمة جارية خارج بيت زوجك..؟.. ليه مش فاهم
ثم انتي بتتكلمي عن الستات ليه؟... 😊

[#تصحيح مفاهيم الزواج](#)



الواقع الحقيقي

👉 الأخ اللي كل ما يسمع مني حاجة مش داخله دماغه يقوللي: (انزل للواقع شوية ياشيخ)

الأخ دا عايش معانا ؟..وللا حابس نفسه في أوضة النوم ؟ 😓
نفس الأخ دا في ٢٠١٣ وفي واقع أشد ظلمة من ده كان بيقوللي: (قايمة إيه وبدع زواج إيه اللي بتتكلم عنها ، مين هيفهم الكلام ده دي بقت ثوابت عند الناس) ودلوقتي شايفين الموضوع راح فين
نفس الأخ دا في ٢٠١٦ كان بيقوللي: (طب وبعد ما اتكلمت ، مين يعني هيقبل بكدا ؟)

قتلهم يومها: (لما تروحوا تتقدموا لحد خلوني أكلمه أو أروح معاكوا)
وشايفين النتائج بتنزل بشكل يومي دلوقتي إزاي
الشباب من ٣ سنوات قالولي: (ونلاقي بنت صالحة منين ، إنت مش شايف الواقع وللا إيه ؟)

ولما ربنا وفقنا والبنات لقوا فطرتهن في دين الله وبدأنا نفكر في أفكار لتجميعهم ،
انتوا بنفسكوا بقيتوا مش ملاحقين عاليبوت المعروضة وكل شوية واحد بيعزمني
على العقد بتاعه أو عقيقة ابنه أو بنته اللي كانت نتاج زواج زي ده
الشباب اللي كانت مشكلتهم في المشايخ المنسولين وبقينا نعلمهم الرد على شبهاتهم
وطريقة التعامل مع هرموناتهم
دلوقتي مبقيتش تلاقى منسون عنده جرأة ينشر النسونة ويسيب التعليقات متاحة
للجميع!

(الباطل بقى ضعيف والصورة الضخمة اللي إنت كنت شايفها له بقت تتهدم يوم بعد يوم)

فإنت ياعم ياللي بتكلمني كل شوية عن الواقع ، أنا قاعد على الناصية بتاعته منتظر
من زمان ، متتأخرش يا حاج 😓

[#استرجلوا_وبلاش_قصر_دِيل](#)


[#تصحيح_مفاهيم_الزواج](#)



ليه يا شيخ بتنصح بعض الأزواج عند التعدد ميعرفوش الأولى ؟
علو زوجك هيعدد هتعملي إيه ؟
لما طبعاً يعدد ليه ؟.. ناقصه إيه ؟.. يطلقني طبعاً يا إما أطلق بالمحكمة ويديني
قايمتي 🙄
طيب 😊



شاب محترم جداً وعنده أمانة ، ابتلاه
الله بمرض من الأمراض التي قد تخفى
على المخطوبة
بيقوللي إن أعراض المرض ظهرت عليه
منذ فترة واتعالج منها ، لكن الأطباء قالوله
إنها ممكن تيجي تاني في أي وقت
بالرغم من (الإحتمالية) دي إلا إنه باعتلي
رسالة بصوته (لولا الخصوصية كنت
سمعتكم كلامه)
بيقوللي: (قررت أكون صريح ومدخلش
أي بيت وأغشهم ، حتى لو مش هتزوج ،

ما شاء الله تبارك الله
إنت عملت الله عليك ، استعنت بالله
والناس وافقوا
جدع يا  والله ، إنت حد محترم ربنا
يبارك فيك ، هي دي الأمانة
بإذن الله صدقك دا هيكون سبب لخير
كبير لك
استعن بربك ، قادر يشفيك
١١:٥٥ ص

ودلوقتي الحمد لله دخلت بيت وفهمتهم كل شئ ووافقوا)

ياشباب ، اوعوا تغشوا حد ، خلوا عندكوا يقين في الله إنه ما كُتِبَ في نصيكم
لن يكون لغيركم ، وما قُدِّرَ لكم فقضاء الله المُبرَم لا يرد
(رُفِعَت الأَقلام ، وَجَفَّتِ الصُّحُف)

اسأل الله العظيم رب العرش العظيم أن يشفيك 🌸



مكالمة من أخ عايش في الخارج ، بيكلمني بعد زواج ١٠ سنوات وإنجاب ٣
أطفال بدأ يفوق من الوضع اللي هو عايش فيه وينتبه لعمره
الزوجة من يوم ما تزوجها وهي بتدعي السحر ، السبب دا بيديها فرصة كبيرة إنها
تتحجج له علشان ميطلبش طلبات معينة أو يأخذ حقه الشرعي ، ولو صوتها عالي
ومش محترمة بقى يقول: (يا عم اصبر عليها يمكن العفريت هو اللي كان بيزعقلي)



الأخ بيقوللي قعدت على كذا لحد ما نزلتها مصر ورحت بيها لشيخ يقرأ عليها گحل
نهائي لما زهقت فالشيخ قال له: (دي بتستعبط عليك)
الأخ مكنش مصدق غير لما الشيخ أثبت له إنها فعلاً بتستعبط ومفيش سحر ولا شئ
ونصحه بتطبيقها

بعد مكالمة دامت حوالي 1/2 ساعة وبعد ما فهمت منه كل أبعاد الموضوع دار بيننا

الحوار ده 🌸

-خلاص ياشيخ ، قررت أطلقها وأتزوج ، أنا تعبت منها جداً

=طب والعيال ؟

-العيال لو معرفتش آخدهم فأنا هستعوض ربنا فيهم خلاص أعمل إيه

=عارف في زمن الصحابة والتابعين كان عندهم حاجة كويسة أوي

-عندهم إيه ؟

=كان عندهم إماء (جواني) ، يعني الواحد من دول يتزوج من الحرائر ويخلف

منهم وبعدين يأخذ الإمام دول لنفسه كذا

دي حتى لو كانت أنجبت تبقى اسمها (أم ولد) يعني بترتقي شوية في الدرجة



دا زمان العزة ياشيخ ، فين كلامك ده

=أنا مش بقولك كدا علشان تروح تجيب أمة

-أمال إيه ؟

=الأمة موجودة بالفعل ، ممكن تسيبها تربى العيال وترجع إنت خطوة للخلف

لمصلحة عيالك وبعدين تتزوج الحرة اللي إنت لسه مشفتهاش

-برضو مش فاهم ، تقصد يعني إنها زي الجواري كدا ، أعتبرها كدا يعني ؟

=بالضبط ، هي غضبانة دلوقتي ؟

-أيوا ياشيخ ، بعد ما كشفتها

=طول ما هي بالوضع دا هتفضل مش مرتاح على عيالك في بيت غريب ، وكدا

كدا مش هتعرف تاخدهم في ظل قانون الحضانة الظالم ده

فعلاً

=هتجيب خطوة للخلف لصالح عيالك لاني متوقع إنها هتموت وترجع

فعلاً ، أنا ميسور مادياً وهي هتجنن وترجع لإنها عارفه إنها لو راحت ناحية

المحاكم مش هتاخذ مني زي ما كنت بصرف عليها وهي معايا

=زي الفل ، رجعتها وقعدها في شقتك واعتبرها (أمة) ومتحسسهاش بأي حاجة ،

بل اديها كمان شعور كدا بالأمان ... (والحرب خدعة)

-طب والمصاريف ؟

=عاوز أقولك لو تطول تصرف عليها أحسن من الأول والفلوس تعمل ضباب على

عينيتها وتبطل زن خالص وتفرغ دماغك من العيال شوية.... توكل على الله

كدا كدا هي اللي هتربيهم ، تربيهم في بيتك وللا تاخدهم برا ؟

-وأنا لما أسافر أعمل إيه ؟

=لما تسافر هتكون اتزوجت الـ (حرة) بنت الناس الأحرار اللي إنت لسه مشفتهاش

، بس اختار المرادي صح



-تسلم ياشيخ ، إنت قسماً بالله قلبت دماغي

[#تصحيح مفاهيم الزواج](#)



مشكلة كبيرة في غالب المكالمات والمراسلات اللي بتوصلني من خارج مصر
إن الأخ بيكلمني خلاص وهو واصل بزوجته لآخر مراحل الطلاق... (غالبية مشكلاتهم
مبتلحش نهائي)

السبب الأكبر لكدا إنه وافق تشتغل معاه علشان فكر الغربة عند معظمهم بيكون
تجميع أكبر قدر من المال علشان يوصل لمرحلة الاستقرار المادي.. فبيشغلها
غيره بيشغلها بس علشان تساهم في مصروفات إقامتها مع العيال
الزوجة بتشتغل وبعدين تقصر في بيتها وبعدين تبدأ تعاملك وحش علشان بقى عليك
ملاحظات وبعدين تطلب الطلاق علشان بقت شايفه إنها في غنى تام عن واحد يحاسبها
ويقول لها رايحه فين وجايه منين وهي سيدة أعمال زيها زيك
فبالله عليك... لو انت كرجل مش مستوعب خطورة عمل وتوظيف زوجتك بلاش
تنزوح واحدة تفسدها معاك ، وبلاش تتدروش وتقول لها في وقت الخطوبة لما تسألك
عن الشغل: (والله على حسب الشغل نفسه)
أهو على حسب دي هتكون سبب ضياع حياتك أقسم بالله

[#تصحيح مفاهيم الزواج](#)



اللهم اصلح بيوت المسلمين 🌟

يوم وقفة العيد لقيت شاب جايلي عالمطحن يكلمني عن مشكلة حصلت في زواجه
بعد سنة من الزواج

الشاب كان من سني تقريباً ، قاللي إن له تجربة سابقة في الزواج وفشلت ومعه طفل من الزوجة الأولى ، ولما تزوج مرة ثانية حصل عنده مشكلات وواحد صديق له قال له عليا يمكن يلاقي عندي حل لمشكلته

قعد يتكلم عن زوجته اللي صوتها بقى عالي ومتوترة دايماً واللي بسبب دا ضربها مؤخراً ضرب جامد وقال لها تروح عند أهلها أو ييجوا ياخدوها

سألته عن الزوجة فقاللي: (إنها كويسة جداً ومحترمة وإنه اتعرف عليها من خلال شغل وإنها تأخرت في زواجها شوية لدرجة إن سنها بقى قريب من السن بتاعه ، بس هو مش عارف إيه سبب النكد أو المشكلات اللي في حياتهم)

قلتلته: (هل فيه في أهلك أو أهلها حد حاول يتدخل ويحل المشكلات ؟)

قاللي: (إن والده بيتدخل كتير بس مفيش حل ، ووالدها جه أخذها ومن يومها وهي عمالي بلوكات مش عارف أتواصل بيها)

سألت الزوج: (هو إنت عصبي ؟)

فقاللي: (آه بصراحة ، بس هي اللي بتستفزني)

وساعتها قلتلته: (إنت رأيك في زوجتك إيه ؟..شايפהا بتصونك يعني وللا لها حاجات إنت شاكك فيها)

قاللي: (لا ياشيخ ، دي محترمة جداً أحسبها على خير)

حاولت أغوص معاه شوية في تفاصيل حياته ، لإن فيه مؤشر دقيق قد لا ينتبه له الإخوة للحالة دي من حالات الزواج وهو توجسها من عدم الخلفة ، وتفكيرها الدائم في فوات الفرصة نتيجة لمرور قطار العمر ، متزوجة من سنة ولسه مفيش خلفة في سنها ده دا يخليها قاعده متوترة وقلقانة ودا ممكن يطلع مع الزوج لإن مفيش أولاد ، بل دخلت مع الزوج بيني وبينه في العلاقة الخاصة واكتشفت شوية حاجات هو نفسه مش فاهمها ، اتفاجئ بيا وأنا بتكلم في الأمور دي معاه لإنه كان أول مرة يشوفني فقلتلته: (أنا أخوك متقلّش ، بيتك يهمني ، إنت لو علوز تسمع الكلام اللي يرضيك مش هتلاقي دا عندي ، زوجتك بالحالة دي في السن دا بالتفاصيل دي ملهاش غير توجس من الخلفة أو مشاكل معاك في العلاقة)

وعلشان مش هينفع أفصح أوي عن الأمور دي واللي فهمتهاله ، اتفاجئت بالأخ ماشي من عندي في حيرة وبيقوللي: (أنا كنت جايك في طلاق ، معقولة تكون المشكلة عندي ؟)

قلته: (صلح نيتك واتعلم لو عاوز ترجع بيتك وخلينا نرسم خطة لرجوعها بدل الكلام ، ومتهمش بالمشكلة عند مين لو عاوز ربنا يصلح حياتك)

تاني يوم اتصل عليا وقاللي: طول الليل بفكر في كلامك ، إنت عندك حق فعلاً وقعد يحكي لي على حاجات بتحصل على مدار السنة في توقيتات معينة بس هو مكنش عارف يتعامل معاها ولا فاهمها

وبعدين قاللي: (طب هي دلوقتي عمالي بلوكات علشان كنت ضاربها جامد آخر مرة ، أتواصل إزاي ؟)

قلته: (سيبك من فكرة التواصل معها خالص ، اشتغل مع اللي فوق صح هيخلصك كل حاجة تحت)

الشاب دا يا إخوة جه ليا ما يقرب من ٦ مرات ، لو رن عليا لقاني مش برد بتفاجئ بيه واقف في منتصف المطحن 🌪

مالك ياعم... إنت ساكن في العاشر معانا وللا إيه ؟

لا يا شيخ والله ، بركب عربيتي وبجيك أقعد معاك 😊

بالفعل... الشاب بدأ يقرب من ربنا جداً ويصلي على النبي ﷺ كثير ، وقاللي إن فيه حد من أهلها اتواصل مع والده وإن والده رايح يكلمهم

قلته: (ولا يشغلك كل ده ، إنت شغال مع اللي فوق وبس ، سيبك من كل حوادث الأرض)

وكل ما يبجي يكلمني أقعد أكلمه في حياته وعلاقته بربنا ، وبقيت أقعده معايا يحضر المشكلات علشان يشوف الدنيا بتمشي إزاي ، ودارت بيني وبينه صداقة على مدار

الـ ٣ أسابيع اللي فاتوا

من أسبوع قلته: (الزوجة فتحت البلوك ؟)

قاللي: (أبوا ، بعد قعدتهم مع أبويا ، بس للأسف أبوها علوز يطلق أو إني أجيب لها شقة في بلدهم)..بلد تبعد عن العاشر حوالي ١٥٠ كيلو ، مع العلم إن الشاب يسكن حالياً في مدينة بجوار العاشر..(في الجهة المقابلة لبلدة والدها كمان)
قلتلته: (متركزش في كل ده ، إنت شغال زي ما إنت ، ومن أسبوع بس قلتلته يدخل يكلمها عادي ويطمنن عليها)

ولما دخل كلمها لقاها بتعاتبه علشان عصبيته معاها وإنها مش منتظره منه كدا ، وليه يهددها كل شوية بالطرد من البيت وهكذا
قلت للشاب: (حدد يوم كدا نروح نقعد مع والدها)

قاللي: (أبويا وناس من أهالينا راحوا ومحدث عرف يعمل حاجة)
قلتلته: (هو والدها عامل إزاي؟)

قاللي: (كبير في السن ويصعب التفاهم معاها ، ووالدتها توفاهها الله ، بس ببصلي في مسجد جنب بيتهم لو هنروح له ممكن نصلي معاها ونكلمه)
وبالفعل...إمبارح سافرت معاها ووصلنا على أذان المغرب ودخلنا نصلي
حصل حاجة غريبة جداً ياإخوة في صلاة المغرب ، أنا نفسي والله كنت متعجب لها جداً

الإمام بيقراً في سورة البقرة ، وفي الركعة الثانية يقول: (وَيَسْأَلُونَكَ عَنِ الْمَحِيضِ قُلْ هُوَ أَذَى فَأَعْتَزِلُوا النِّسَاءَ فِي الْمَحِيضِ وَلَا تَقْرَبُوهُنَّ حَتَّى يَطْهَرْنَ فَإِذَا تَطَهَّرْنَ فَأْتُوهُنَّ مِنْ حَيْثُ أَمَرَكُمُ اللَّهُ إِنَّ اللَّهَ يُحِبُّ النَّوََّابِينَ وَيُحِبُّ الْمُتَطَهِّرِينَ * نِسَاؤُكُمْ حَرْثٌ لَكُمْ فَأْتُوا حَرْثَكُمْ أَنْتُمْ شَتْتُمْ وَقَدِّمُوا لِأَنْفُسِكُمْ وَاتَّقُوا اللَّهَ وَاعْلَمُوا أَنَّكُمْ مُلْقَوَةٌ وَبَشِّرِ الْمُؤْمِنِينَ * وَلَا تَجْعَلُوا اللَّهَ عُرْضَةً لِأَيْمَانِكُمْ أَنْ تَبَرُّوا وَتَتَّقُوا وَتُصْلِحُوا بَيْنَ النَّاسِ وَاللَّهُ سَمِيعٌ عَلِيمٌ)

(فَأْتُوا حَرْثَكُمْ أَنْتُمْ شَتْتُمْ وَقَدِّمُوا لِأَنْفُسِكُمْ) 😊

التفصيلات دي هي غالباً اللي كنت شغال عليها مع الشاب في كلامي معاها في العلاقة اللي هي بالكيف مش بالكم ! (واللي كتير من الشباب مش فاهمينه فيها)

حسيت إن دي رسالة من ربنا إن التشخيص بتاعي صح 😊

وأول ما قرأ (وَتُصَلِّحُوا بَيْنَ النَّاسِ)

عزمت أكمل في الموضوع واستبشرت خير وبعد الصلاة قلته: (إنت سمعت القارئ كان بيقراً إيه؟)

هز راسه وقاللي وهو مستغرب: (أيوا سمعت) 🙄

طلعنا من المسجد ووالدها قابلنا اسوأ إستقبال 😞، بل كان رافض يستقبلنا في بيته وبيزعق له وبيقول: (بعتبرك زي ابني ، تعمل في البنت كدا ؟..ساييها شهرين ؟..روح هات والدك وتعالني أنا لازم أشوف الراجل اللي دخل معاك)

قعدت مركز في طريقة الراجل في الكلام جامد علشان أفهم له أي مدخل (عنده ٨٠ سنة والنوعية دي يصعب التعامل معاها جداً)

الزوج قاعد يرد عن نفسه وأنا واقف ساكت ، لدرجة الزوج قاللي: (ما تتكلم ياشيخ أحمد)

غمزت له (يعني متتكلمش خالص) وقلت للراجل: (يقول لك إيه ياعم الحاج ، الأخ دا جه ليا العاشر حوالي ٦ مرات علشان يسألني في موضوعه ، ومن كثرة ما جه ليا دارت بيننا صداقة ، دلوقتي هو بقى صديقي ، وبدأت أتعامل مع مشكلته بمبدأ الصداقة ، قاللي إن حضرتك حماه فقلت لازم آجي أتعرف عليك لإنك حما صديقي ، وقاللي إن بنتك هي زوجته فقلت لازم أسمع منها هي كمان لإنها زوجة صديقي ولها حق عليا أفهم منها مشكلتها ، دلوقتي هينفع أسمع من زوجة صديقي وللا حما صديقي هيمشيني 🤔)

الراجل وقف متعجب من الكلام وهو بيحافظ على شحنة التوتر اللي معاه وأخذنا عاليبت 😊

قلت للزوج... (متتكلمش نهائي إلّا لو قتلتك اتكلم)

والد البنت اتصل بزواج البنت الثاني علشان يحضر ، وبالفعل جه وقعد معانا ، وطلع راجل محترم جداً تقريباً كان بيساعد معايا في الكلام

الزوج قعد يقوللي: (متخلّش والدها يتصل بحد ، كفاية ؟إحنا نقعد معاه)

قلتلته: (كل ما القعدة بتزيد بعرف أتفاوض على عكس الناس متقلقش ، استعن بالله ومتفكرش في الناس خالص)

قعدت أتكلم معاهم قبل حضور الزوجة في معرفتي بالشاب ده ، وقلتلهم: (أنا مش ببيع ديني علشان واحد أعرفه ، متخيلين أبيع ديني علشان شاب لسه معرفتي بيه من أقل من شهر ؟)

وبدأت أتكلم معاهم إن فيه مشكلة في البيت وأنا عاوز أفهمها ، وكل اللي حصل دا كان مجرد علاج للعرض مش للمرض ، إحنا مش بنركز مع الأعراض خالص علشان تكلموني عن بنت اتضربت أو يكلمني عن زوجة صوتها عالي عليه ، أنا بغوص فيما هو أبعد من ذلك)

الناس قعدوا ساكتين ومش عارفين يقولوا إيه ، ووالدها قاللي: (يا عم الشيخ ، إنت على دماغي ، بس دا حتى مكلفش نفسه يبجي يتكلم معاها ، نشوفه بيهدها بالطرد ليه كل شوية ويضربها بالشكل ده)

قلتلته: (أنا اللي قتلته كدا يا حاج)

قاللي: (إنت اللي قتلته ؟)

قلتلته: (أيوا يا حاج ، قتلته إن مشكلتك مشكلة خاصة بعلاقتك مع ربنا ، لازم تضبط العلاقة دي الأول وبعد كدا هتلاقي كل الأبواب بتتفتحك ، إنت شايف بنفسك أهوه حضرتك قاعد تسمعني إزاي دلوقتي) 😊

الراجل نادى على بنته تقعد ونسمع منها

بدأت أتكلم معاها قبل ما تتكلم وقلتلها: (شوفي ياأختي ، مفيش حد فينا معصوم ، كلنا بنخطئ ، الفكرة بس في واحد بيعالج الخطأ وواحد تاني بيتمادى في الخطأ ، مشكلتكم إنكم كنتوا بتعالجوا الخطأ غلط)

قالتي: (إزاي ؟)

قلتلها: (كنتي بتدخلي والدك ، ووالدك يدخل والده ، انتي ليه تدخلي الراجل المحترم دا في مشكلتك كل شوية ؟...ليه تزعجي الوالد...؟ هي دي جزاته كل شويه تقلقيه وتزعليه من زوجك ؟...وبعدين يعني والده عمل إيه ؟...ما هو لو عمل حاجة كان عملها من ٤٠ سنة فاتوا)

ياحاج....بعد إذن حضرتك ، محدش هيدخل في حياة صاحبي دا غيري بعد كدا ،
ومش عاوز حد يتكلم في السكن جنبكوا خالص ، السكن هنا بعيد عن شغل الزوج
وبكدا هيسيب بنتك وأنا مش عاوزه يسيبها خالص
وقلتله: (ممکن أقعد معاهم شوية على انفراد) ؟
الحمد لله وافق : جبت ورقة وقلم وبدأت أتكلم مع الزوجة في المشكلات الخاصة
ببيها

قلتلهما: اوعي تطلبي الطلاق من زوجك مهما كانت غلطته ، هو نفسه تهديده بالطلاق
غلط.. انتوا كدا بتخلوا الشيطان يدخل بينكم ويفرح وبتدوه أمل في تخريب حياتكم
أكبر غلطة إنك تعملي بلوك لزوجك ساعة المشكلة ، لو اتطلقتي متعمليش بلوك
كمان ، سيبى التواصل متاح حتى لو في فترة عدتك لعل وعسى نقدر نعمل حاجة
وقتها

قلتلي: (بس زوجي)
قلتلهما: (كل مشكلات زوجك أنا فهمتها ، ولو كنت شايف إنه مفيش منه أمل قسمًا
بربي كنت نصحتك تلحقى نفسك من دلوقتي)
قلتلي: (ياشيخ ، هو بيعترض على شغل بعمله من البيت ، عبارة عن VOICE
..(OVERتعليق صوتي على المنتجات وبيقوللي بغير
قلتلهما: (انتي عارفه إن التعليق الصوتي للنساء حرام لأنه داخل في الخضوع بالقول
(؟

هزت راسها كدا وسكتت
قلتلهما: (انتي بتسيبي الحرام علشان ربنا مش علشان الزوج ياأختي
الحمد لله الأخت اقتنعت بكل ده ، وزى ما توقعت إن حوار الشقة اللي جنبهم دا كان
حوار كدا والدها بيصعد بيه الموقف قدام والد الزوج مش أكثر علشان متضايق إن
الزوج مكبر دماغه

قلتلهما: (من غير تفاصيل ، الزوج دا كان عنده شوية مشكلات في التعامل معاكي
وأنا وصلتهاله ، هل عندكم مقدرة ترجعوا لربنا وتعملوا حياة دينية مشتركة ما بينكم
(؟

سألوني إزاي ؟

قُلتلهم: (الزوج مكلف بأنه يشدك لطريق ربنا ، كل يوم هاتوا درس واقعدوا استمعوا له لشيخ تكونوا بتحبوه ، اعملوا حياة دينية في البيت)
بقولك إيه: (دا رقمي ، كل ما يحصل مشكلة دخلي زوجك معايا في جروب واتس وبلاش تدخلني أهلك نهائي ، أو تعالوا نوروني حتى لو الموضوع بسيط)
وبعدين قُلتلها: (أنا هقول لأبوكي تيجي معانا دلوقتي ، عاوز منك بس متعترضيش خالص وخلي عندك ثقة فيا)
هزت راسها كدا وهي ساكتة

[دلوقتي بقى فاضل إني أخرجها من البيت ، ولكن والدها له حالتين بعد موت الأم



1/ إنه عاوز حد يونسه في البيت ، ودي حالة نفسية عند كثير من الناس اللي في السن ده ، وبالتالي بيخربوا على بيوت بناتهم بأي عذر وحجة
2/ إنه يكون راجل محترم بيقدم مصلحة بنته على نفسه

قُلتله: (ياحاج.... بعد إذنك... بنتك هترجع معانا)

قاللي: (معنديش مشكلة ، بس كمان يومين)

مديت إيدي له والراجل سلم عليا فقُلتله: (ياحاج ، تعاهدي قدام ربنا نطلع الشيطان دا من البيت ؟)

قاللي: (أعاهدك)

قُلتله: (لو بنتك مش هترجع معايا دلوقتي الشيطان هيشغل طوال الليل على زوج بنتك وكل الشغل اللي أنا عملته هيضع ، قول لبنتك لمي هدومك ياحاج بعد إذنك ومتخليش الشيطان يفرح فيا)

الراجل بص لبنته لقاها ساكتة...قال لها.. قومي يابنتي لمي هدومك

ورجعت معانا في العربية لبيتها

ورجعت بالشيطان معايا للعاشر علشان أحاسبه على انفراد 🤪

[#تصحيح مفاهيم الزواج](#)



👉 **قعد معايا يحكي لي عن طريقة زواج عمته** 🙋

بيقوللي في السبعينيات جدي اكتشف إن عمتي مش راضيه تسلم على ابن عمها ،
الدنيا كلها اتقلبت وجابولها مشايخ وعمدة البلد علشان يفهموها إن دا زي أخوكي
وانتوا متربين في بيت واحد وكانوا حاسين إن دي نبتة غلط هتطلع في القرية ،
ولكن البنت أصرت على رأيها

قعدوا يدوروا لها على أي حد شبهها ، جه في دماغهم الشاب الوحيد الملتحي في
القرية وكان لسه يادوب مخلص الكلية

قالوله: (عاوزينك تقنعها إن دا عادي مش حرام)

الشاب بالفعل راح معاهم والعيلة كلها اتجمعت وقعد يشرح لهم إن دي بنت مش
موجودة دلوقتي واللي زي دي لازم يساعدها ويحافظوا عليها ، وبعد ما خلص
كلامه جدة البنت خرجت له وقالتله: (طب لما هي كدا مفيش زيها ، ماتتزوجها) 🤔

الشاب قال لهم: (ياريت والله ، بس أنا مش معايا حاجة للأسف)
بعدها على طول جت له سفيرة خارج البلد واشتغل وأول ما بقى معاه فلوس نزل
واتزوجها 😊

ربنا يباركلها ويحفظها ، دلوقتي هي الزوجة الأولى من الـ٤ زوجات وأول واحدة
بدأت مسيرة الـ٣٥ عيل

[#بركات_الالتزام](#) 🙏

[#تصحيح_مفاهيم_الزواج](#)



أنا لم أقل بحرمة أن تمكث المرأة خارج بيتها لساعات طويلة ، المرأة ممكن أن تمكث خارج البيت أياماً مع محارمها عادي

تسافر بالأيام مع زوجها ، تجلس في بيت والدها لزيارتهم بإذن الزوج ، وهكذا

أنا تكلمت فحسب عن الفتاة التي تسافر وحدها وتمكث الساعات في المواصلات بسبب سفرها الذي يفهم منه أنه سفر... (مفيش سفر في حضر تمكث

يا شيخ هو حضرتك بتقول حرام المرأة تقعد برا بيتها لساعات طويلة طب بالنسبة ل البنات المغتربات عن اهلهم سواء ف نفس المحافظة او محافظة تانية عشان هما بيدرسوا ف جامعة ةكذا. ايه وضعهم اه انا مش منهم بس بسأل

حذف أظهار من المرسل؟

فيه المسلمة بالساعات بالطبع)

موضوع البنات المغتربات اللي بيقعدوا في مدينة جامعية فهذا عجيب جداً والله أن يناقش في أيامنا هذه

تسافر بغير محرم وهذا لا يجوز أولاً

وإن سافرت بمحرم تمكث بغيره في سكن طالبات وحدها في بلد غريبة وهذا ثانياً بعض العلماء أجازوا ذلك واشتروا الصحة الآمنة ووجود حراسة وهكذا...هل حضراتكم بتشوفوا الصحة الآمنة دي في الوقت الحالي ليكون عذراً لفتاة أمام الله !

في العاشر عندنا سكن جامعي لطالبات في كلية شرعية ، كنت أصلي في المسجد المجاور له لقربه من بيتي ، في يوم وجدت شيخ المسجد يقول لي: (أهل المسجد عاملين معاي مشكلة علشان مش عاوز أسكن في الأوضة اللي بنوها ليا في المسجد) قتلته: (طب مش عاوز تقعد ليه ؟..دي فرصة بدل السفر كل يوم)

قاللي: (البنات في السكن اللي جنبنا طول الليل يغنوا ويرقصوا وأنا حاسس إنني هتقتن) هتقتن

دا شيخ متزوج والله والبنات هناك بتوع كلية شرعية

الضوابط التي نتحدثون عنها في فتاواكم أنا لا أراها!

[#تصحيح مفاهيم الزواج](#)



👉 الأصل في المسلمة أنها لا تُصاحب إلا الصالحات ، وإن تعرفت على غيرهن فيكون ذلك من باب دعوتهن للدين لا من باب المصادقة والسير معها في طريق أو الخروج معها... (هذا بقيد أن تضمن المسلمة من نفسها درجة من درجات الثبات لتشتغل في دعوة الغير)

👉 أتعجب من أخت تسير في طريق بكامل لباسها الشرعي وبصحبتها امرأة متبرجة تلفت الأنظار لها ولمن معها في كل مكان عياداً بالله يقول النبي ﷺ: (المرء على دين خليله فلينظر أحدكم من يخالل)

ويقول: (لا تُصاحب إلا مؤمناً)

👉 أختي الفاضلة: نعم عليك من الذنب الكثير ، بل قد يصرف عنك شؤم هذا أبواباً من الخير لا يعلمها إلا الله

ولكي نبين لأخواتنا كيف أن الشباب يتوجسون خيفة من أخت صالحة عرفت عنها أنها تعرف فلانة أو فلانة من المتبرجات المنفلتات فيكفينا أن نوجه السؤال للشباب 👉 هل تقبل أن تتزوج بأخت تلتزم بكامل حجابها الشرعي ومن بيت صالح ، ولكنك سمعت عنها أنها تُصاحب أو تسير في طريق أو لها علاقة بفتاة متبرجة ؟

[#تصحيح مفاهيم الزواج](#)

مجهول : منذ 5 ساعات

يا شيخنا صحبتي بتخط ميكب ولما بقولها حرام تقولي دا خفيف بصي ع باقي البنات وبيبين نص شعرها وتقولي بيتزلق من الطرحه وكمان بتبين رقبته وكمان الطرحه بتكون شفافه ف الكعكه بتاعتها بتبان وهي مقتنعه انها صح وكلمتها كتير اوي مقتنعتش انا عليا ذنب لو مشيت معاها ؟ اقصد ف الشارع او كذا انا الحمد لله بلبس لبس شرعي ولا ابعد عنها ؟



يقول النبي ﷺ: (طُوبَى لِعَبْدٍ آخَذَ بَعْنَانَ فَرَسِهِ فِي سَبِيلِ اللَّهِ، أَشْعَثَ رَأْسَهُ، مَغْبِرَةً قَدَمَاهُ، إِنْ كَانَ فِي الْحَرَّاسَةِ، كَانَ فِي الْحَرَّاسَةِ، وَإِنْ كَانَ فِي السَّاقَةِ كَانَ فِي السَّاقَةِ، إِنْ اسْتَأْذَنَ لَمْ يُؤْذَنْ لَهُ، وَإِنْ شَفَعَ لَمْ يُشَفَّعْ)

إن كان في الحراسة (مقدمة الجيش) كان في الحراسة

وإن كان في الساقة (مؤخرة الجيش) كان في الساقة

شغال في أي موقع الدين محتاجه فيه

شغال مش كل همه أنا دلوقتي فين وبعمل إيه ومتصدر وللا لأ

شغال حتى لو مش هيشوف النتيجة بعينه

ثابت في مكانه لا يضره ذكر الناس له... (المهم يبقى شغال والله مطلع على عمله

ولو كان بسيطاً)

تعرف تكون في دين ربنا كدا ؟

تعرفي تكوني في دين ربنا كدا ؟

تعرف لما شعائر الدين تتهاجم يبقى لك أي موقع في الدفاع وإن كان بسيط ؟

تعرفوا تعملوا كدا ؟ 🤔

[#دورك فين ؟](#)



أحياناً وأنا بتابع مشاركات الناس لمنشورات الصفحة بحاول أفهم خط دعوتنا رايح فين في وسط الجو الملئ بالغيوم واللي بسببه بقى كثير من الشباب عندهم يأس في تغيير عقليات البنات والأسر بتقابلني مشاركة زي دي أخت من الأخوات ربنا يحفظها بدأت تشغل دماغها وتتفرض غبار الجاهلية دي من أفكارها تماماً وتتعامل مع شعائر الله بطريقة مختلفة الأخت فهمت إن مش علشان الواحدة عندها غيرة على الزوج فبالضرورة الغيرة دي تقتل غيرتها الأساسية على الدين فتقف موقف دفاع عنه زي

الشيخ دا متابعه من زمان وصحلى مفاهيم كثيرة جدا ربنا يجازيه خير
بعدين انا بشوف أفراح فى اندونيسيا الواحد بيقى بيتجوز الثالثة والزوجتين الأولانيين لابسين فساتين وواقفين يسقفو عادى وحواليهم دسته عيال 😂😂
غير ان الى بتكره التعدد بتكره حكم من أحكام الله وسنة من سنن رسول الله والنفوس السوية بس هي الى معندهاش مشكلة مع الموضوع اسمعو قول ابن الباز فى الموضوع دا
من كره تعدد الزوجات وزعم أن عدم التعدد أفضل، فهو كافر مرتد عن الإسلام؛ لأنه -نعوذ بالله- منكر لحكم الله وكاره لما شرع الله، والله يقول سبحانه: ذَلِكَ بِأَنَّهُمْ كَرِهُوا مَا أُنْزِلَ اللَّهُ فَأُحْضِرُوا غَمَالَهُمْ

أحمد الأهواني

كدا

أخوات كثير ياشباب بالشكل ده ، نفضوا كل فكرة نسـ.ـوية من دماغهم وقرروا يعيشوا مسلمات

← مش علشان إنت مش شايفهم في تعليقات ، ولا علشان أنا بنصحهم ميظهروش حتى في اللايكات فهذا يدعوك أن تعتقد إن الصنف دا مش موجود لا والله.... الصنف دا موجود وبكثرة ، بل دايماً لما بعرف إن فيه شاب تزوج واحدة من الصنف دا بفضل أفهمه يتعامل معاها إزاي لحسن يخلط بين كلامنا عن النواشر ويطبقه معاها وحياته تبوظ

← هذا الجيل مهمتنا جميعاً الحفاظ عليه والله

قالولي عن واحدة قفلت السكة مع زوجها خالص وعاوزه تتطلق من غير أي كلام وكل ما حد يفتح معاها حوار علشان يدخل منه ترفض تتكلم عن المشكلات ... (تتطلق وخالص)

رحت مع الزوج وأول ما قعدت معاها قالتلي: (ياشيخ ، أنا عاوزه أتطلق ومش هتكلم في أي صلح ولا هقول أي مشكلات)

قلتليها: (مين قال لحضرتك إني جاي في صلح ؟)

قالتلي: (أمال حضرتك جاي ليه ؟)

قلتليها: (أنا عرفت إن حضرتك هتتطلقي خالص ، واحتمالية وجود بعض المشكلات عند الزوج ممكن تكون موجودة ، ولو زوجك أبو عيالك اتزوج من بعدك لنفس المشكلات زواجه هيفشل ، تساعدني وتقولي مشكلاته علشان زواجه الجديد ينجح وللا هتقعد ساكته وأبو عيالك يفشل مرتين ؟) 🤔🤔🤔

الزوجة بدأت تتكلم وأنا بدأت أحلل وأقرب وجهات النظر واديتهم فرصة يصلحوا الأخطاء ويطلعوا الشيطان من البيت ومشيت 😊

[#تصحيح مفاهيم الزواج](#)



الأول يفكروا في التعدد ؟

٢/تعدد إيه في زمن الغلاء ده ، هي الناس لاقيه تعدي يومها ؟

تسبقنا وإحنا شاغلين بالناس بالمرأة ؟

٤/الرجالة يتزوجوا إزاي على زوجاتهم ، مش لازم يخبروا الزوجة الأولى ؟

شایلیں الہم لیہ ؟) 🤔

لا واضح جداً يا أختاه إنهم شاغلين بالهم وانتي لأ خالص 😊

(تفصيل الشبهات)

● أولاً : مش لما الرجالة يقدرُوا يتزوجوا واحدة الأول يفكرُوا في التعداد ؟

ومين قالك إن اللي بيعدد مش قادر يتزوج واحدة ياأختنا الفاضلة ؟

للتعدد دا يكون مبرر إن كل الرجالة بالضرورة يكونوا زي النموذج ده ؟

عید

انتي كدا عامله زي اللي بيسمع ويقرأ عن النشوز فيطلع ويقول: (جميع النساء نواشز)

كل دا غلط ياأختي ، بل معنى إنك يكون عندك إحصائية معينة بوجود عدد ضخم (معظمهم كدا) فهذا خطر عليكى كامرأة .. انتي عارفه أحوال الرجال منين وإزاي ؟

فيه نماذج كثيرة جداً ما شاء الله عليهم قدروا يفتحوا بيت واثنين وثلاثة وأربعة ومفيش أي مشكلة...بتتكلمي على لسان الرجالة ليه ؟

●ثانياً : تعدد إيه في زمن الغلاء ده ، هي الناس لاقية تعدي يومها ؟
أنا معاكى إن العامل المادي مهم جداً في مسألة التعدد ، ولكن... فيه عدد كبير جداً من الرجالة عندهم فائض والغلاء مش مآثر عليهم بأي شئ
أنا مش هكلمك إن التعدد في حد ذاته سبب كبير من أسباب الرزق أصلاً ، ولكن أنا نفسي عمري ما شفت رجل قاعد من شغله مثلاً أو حالته المادية صعبة بيعدد ، كل النماذج الظاهرة بتكون لواحد لما عدد قدر يفتح بيت تاني... (هو فيه حد قدامك لما عدد اتزوج الزوجة في بير السلم مثلاً) ؟

مقدمات التعدد أساساً بتثبت إن فيه معاه فائض
هل لو وُجد الفائض المادي يأخت عبير هتلمزميه يعدد مثلاً وللا هتطلعي انتي وغيرك تخترعوا شبهات تانيه ؟

●ثالثاً : ناقشوا موضوعات مهمة ، كفاية تفاهات ، شاغلين نفسكوا ليه بالمرأة ، الأمام تسبقنا وإحنا شاغلين بالناس بالمرأة ؟

موضوع التعدد لو حسبتي كلامي فيه على الصفحة هتلاقي منشوراته لا تتجاوز ٣ % من جملة المنشورات

الـ ٣ % دي عمالك انتي وغيرك أزمة وللا الموضوع نفسه هو اللي انتوا عاوزيننا منتكلمش فيه علشان فيه صنم عندكوا بيتهدم وانتوا لسه مصرين تطوفوا حواليه ؟
ثم....لو افترضنا إن ١٠٠ % من المنشورات بتتكلم عن التعدد.. ما المانع ؟

ما يمكن دا ثغر وشعيرة مهجورة بنحاول نرجعها تاني ونرد كيدالنـ..سويات
المشركات في القضاء عليها؟..إيه اللي يزعلك وانتى أخت مسلمة محترمة بتهتمي
بأمر شعائر الدين ؟

ثم يأختي الفاضلة ، دا الأمة مرجعتش ورا غير لما تخلت عن شعائر دينها ،
اليـ سود نفسهم يأختي بتلاقي عندهم عدد من العيال كبير علشان عارفين إن
العز في الذرية

● رابعاً : الرجال يتزوجوا إزاي على زوجاتهم ، مش لازم يخبروا الزوجة الأولى
؟

مين قال لحضرتك بوجوب إخبار الزوجة الأولى في أمر خاص بالزوج زي التعدد
؟

لو عندك دليل مثلاً إحنا مش عارفينه نبهينا علشان نتوب
إحنا ياما نصحنا أزواج يعددوا بدون علم الزوجة المريضة اللي صحتها ممكن تتأثر
بالخبر أو الزوجة المجنونة اللي ممكن تقتل زوجها
يعني لو المصلحة الراجحة دي عندنا إحنا فاهميتها غلط ياريت توضيح
● خامساً : إحنا بنقدم المصلحة مش أكثر ، خافين على العيال اللي بيتشردوا بسبب
التعدد

قلبك كبير يأخت عبير فعلاً وعلشان كدا اتشجعت أوضح لحضرتك
بس العيال هيتشردوا ليه؟..دا التعدد دا شعيرة إسلامية الهدف منها زيادة النسل
وتكثير سواد المسلمين في المقام الأول
العيال هيتشردوا ليه ؟

تكوني عاوزة تقولي إن الزوجة الأولى مثلاً لما زوجها يعدد هتطلب الطلاق والعيال
هيتربوا في عدم وجود أب؟..وللا عاوزة تقولي إيه ؟
طب ما دي مشكلة تخلف الزوجة اللي هتقف قدام الزوج... مال التعدد بالموضوع
ده ؟

الزوجة نفسها لو مؤمنة بالله واتهملت عادي العيال هيبقى لهم إخوة جدد وزوجة
أب جديدة ودائرة المحرمية هتزيد وهيبقوا عزوة

ليه التشرده جه في بالك مش فاهم!
ياأختنا عبير ، بلاش تبقي انتي وغيرك أداة من أدوات النسب..وية في قتل وهدم
كل ما يخص العفاف... واطلعي منها بارك الله فيكي

[#تصحيح مفاهيم الزواج](#)



أنا وشهادة الزور 🙄

في مشكلة بين زوجين وقد كنت تدخلت فيها وجلست مع كل الأطراف تقريباً
والذي دعاني للتواجد في المشكلة هو أخو الزوجة (شاب نحسبه على خير يتابعني
منذ فترة)

جلست مع والد الزوجة والزوجة ومع الزوج ووالدته ، وبالرغم من عدم تعنت
الزوج (الذي وافق على كل ما قلته له تقريباً) طلبت الجلوس مع أخو الزوجة الثاني
الأخ الثاني هو الذي ذهب وأخذ الزوجة من بيت زوجها بغير إذن زوجها ساعة
المشكلة ، وعرضت عليه التوبة وإصلاح ما أفسد ، إذ أنه لم يتوقع أن تتفاقم الأمور
لهذا الحد

تعنت الزوجة ووالدها الغير مبرر جعلهم يرفعون القضايا على الزوج....(ذهبت
الزوجة لمحامي غير محترم وقواها بالقضايا ووجود الطفل معها ونقضت كل ما
قيل معنا)

أول ما عرفت بموضوع القضايا قدمت النصح للزوج وفهمته يتحرك زي ما
المحامين يقولوله بالضبط ويستعين بالله عليهم فالله يسمع ويرى ولا تخفى عليه
خافية

إمبارح كان عندي أخو الزوجة (الأخ اللي بيتابعني) ، جايلي في حالة صعبة جداً
حسيت منها إنه داخل في دور نفسي مش حلو
بيقوللي: (أنا مش عارف أتعامل مع أختي ولا أهلي خالص بعد اللي حصل)

بسأله عن ملابسات الموضوع وإيه الجديد اللي وصله لكدا
قاللي: (عرفت إن أختي اتهمت زوجها بأنه ضربها ، وهو مضربهاش ، ولما بسأله
ليه قالت كدا قالتلي إن المحامي قال لها تقول كدا)

دا وضع موجود في المجتمع يا إخوة ومُشاهد ، يحمل الذنب الأكبر من الأمر في
بدايته هذا الأخ الثاني الذي ذهب وخبب أخته على زوجها والذي نصحته من قبل
بالتوبة وبإصلاح ما أفسد

قلت للأخ: (لا توافقهم في شئ ، ولا تشترك معهم ، وإن كنت لم تحضر كامل تفاصيل
المشكلة فإن دُعييت للشهادة فاشهد بما رأيت أو سمعت ولا عليك ، استمر معهم
بالنصح ولا تقطع علاقتك بزوجها وكن في جانبه ما دمت تعلم أن الحق معه)
يقول النبي ﷺ: (أَلَا أُنبِئُكُمْ بِأَكْبَرِ الْكِبَائِرِ قُلْنَا: بَلَى يَا رَسُولَ اللَّهِ، قَالَ: الْإِشْرَاكُ بِاللَّهِ،
وَعُقُوقُ الْوَالِدَيْنِ، وَكَانَ مُتَكِنًا فَجَلَسَ فَقَالَ: أَلَا وَقَوْلُ الزُّورِ، وَشَهَادَةُ الزُّورِ، أَلَا وَقَوْلُ
الزُّورِ، وَشَهَادَةُ الزُّورِ فَمَا زَالَ يَقُولُهَا، حَتَّى قُلْتُ: لَا يَسْكُتُ)

انظر إلى عِظَمِ الإِثْمِ الذي تتعرض له هذه الزوجة المجرمة لأجل متاع من الدنيا قليل
؟

يقول النبي ﷺ: (ليسَ مِنَّا من خَبَّبَ امرأةً عَلَى زوجها)
انظر إلى الذنب العظيم الذي باء به الأخ الثاني هو ووالد البنت... ولا حول ولا قوة
إلا بالله

يا إخوة...كونوا هكذا مثل هذا الشاب ، لا تقف في صف باطل أبداً وإن كان من
أقرب الناس إليك

سَلْ عَنْ دِينِكَ وَلَا يَحْمِلَنَّكَ أَحَدٌ أَنْ تَكُونَ يَوْمًا فِي صَفِّ الظَّالِمِينَ

[#تصحيح مفاهيم الزواج](#)



رسالتها بخصوص الخوف من التعدد وهي لسه
متزوجتش

وزي ما توقعت .. الوسط السيء هو السبب
بنصح الأخوات يخلوا بالهم دائماً بيتابعوا مين
[#ربنا يثبتك](#) 🌸

والله يا شيخ بعد متابعة حضرتك كنت
كويسة بشأن أمر التعدد بس مؤخراً لما
بشوف تعليقات البنات عن التعدد بقيت
بستغرب نفسي وبقيت مشتتة وبقي
خايفة يكون أنا اللي فيا حاجة غلط
عشان كدة بعث السؤال لحضرتك عشان
أتأكد، وكمان أن البيئة الحمد لله مش
أحسن حاجة فبدأت مقعدش مع نساء
أصلاً ميطلعش من البيت أساساً الحمد لله
بس اللي أثر فيا كدة هو بنات السوشيال
وبحاول قدر الإمكان أبعد عنها ويارب
يثبتني يارب يارب.

حذف

إظهار

من المرسل؟



👉 هذه ليست غيرة ، بل ما تشعرين به أنتِ
وغيرك تجاه نفس الموضوع حتى قبل الزواج
عبارة عن رواسب متكونة لدى العقل سببها
كثرة التشنيع الناتج من السماع 🌸
[#مثال](#) : لو انتي عايشه في مجتمع بيشجع
على شعيرة التعدد ، كل ما واحد يعدد
بتسمعي في مجتمع النساء كلمات من نوعية
(جزاه الله خيراً ، عالج مشكلة أختنا فلانة
المُطلقة) (ربنا يبارك فيه رجل محترم ، وافق
يشيل مصروفات عيال فلانة الأرملة ويعفها
دي كانت بتشتكي)

سلام عليكم ورحمة الله وبركاته، من
فضلك هل من الطبيعي أن تغير المرأة
من التعدد وهي ليست بمتزوجة
أصلاً، لأنني أحياناً أحس في تناقض مع
نفسي يعني لا أحس أنني غيرانة مثلاً
لأنني لست متزوجة أصلاً وهذا الذي عدد
ليس بزوجي فلماذا أغير إذاً وعقلي
يشتتني إني لازم أبقي غيرانة فهل هذا
طبيعي أم ماذا؟

ساعاتها وبعد فترة هتحتسي في نفسك أول ما تسمعي عن حالة تعدد بفرحة داخلية
لأختك اللي لقت عائل وزوج لها في مجتمع ملئ بالفتن
ولكن الحاصل بسبب غياب بعض النساء وكرههن الخير لبعضهن ، وحالة النفسنة
الموجودة في المجتمعات النسائية بقيتي كل ما تسمعي عن حالة تعدد تسمعي واحدة
بتقول (منه لله المفتري ، راح اتزوج على فلانة وهي مش مقصرة معاه في شئ)
(الله يخرب بيته المجرم اتزوج واحدة قال علشان يعفها ، طب ما كنت تكفي زوجتك
دي حتى بتشتكي)

➡ علاج حالتك ياأختي إنك تحطي إيدك على أساس المشكلة اللي سببت ليكي السماع
تغيري الوَسَط الخبيث اللي انتي بتتعرضي له ، تشوفي نفسك بتتابعي مين وتبدأي
تضبطي بوصلتك علشان تقابلي ربنا بقلب سليم
فيه فإاااارق شاسع بين الغيرة المحمودة واللي كانت موجودة عند أمهات المؤمنين ،
وبين كره الخير لبعض النساء واللهث خلف النسـ.ـويات المشاركات المحاربات
لكل شعيرة أنزلها رب العالمين

[#أصلح_الله_قلبك](#)

[#تصحیح_مفاهيم_الزواج](#)



👉كنت قاعد بقرأ في سيرة الصحابي (مُحمَّد بن مَسَلَمَة) رضي الله عنه ، زوجتي
شافتني بقرأها فسألتنني عن حكايته
قعدت أشرح لها خطته وهو رايح يقتل (كعب بن الأشرف)..[اليهودي اللي كان
بيهجو المسلمين بالشعر]
فزوجة كعب بن الأشرف لما سمعتهم بينادوا على زوجها قالت له: (إني لأسمع صوتاً
كأنه يَقْطُرُ منه الدم)
كعب قال لها: (إن الكريم إذا دُعِيَ إلى طَعْنَة بليل أجاب)

يعني مينفعش حد يحتاجني بالليل ومعبروش حتى لو دعاني للقتال
بقول لها: (واخذه بالك يا أم زياد الستات زمان كانت دماغهم عامله إزاي؟...زوجته
عرفت نية واحد بينادي من الصوت بس)
قالتلي: (طب إنت مش واخد بالك يا أبو زياد إنه علشان مخدش بنصيحة مراته اتقتل
؟)🤔🤔🤔

#الأنثى_أنثى_برضو_ياجدع🤔



شغل دماغك

كان قاعد معايا بيكلمني عن مشكلته مع أهله ، مشكلة منتشرة في غالب البيوت
اللي بيطلع فيها شاب ملتزم وبيحاول ينقل الالتزام لباقي أفراد البيت
بيصطدم بعقلية الأب والأم وبعض الأقارب ، بس مشكلته الكبيرة واللي كان شايل
همها هي أخته... (يعمل مع أخته إيه؟)
الوالد بيوافق البنت تروح دروس في أي وقت والشاب شايف دا خطر عليها من
اللي بيشوفه ، عاوز يكلمها في الدين بس مفيش تقبل للأمر نهائي
دار بيننا الحوار ده 🗨️

مش عارف أعمل إيه ياشيخ ، عارف إني مسير في اختيار أهلي بس برضو أنا
زعلان إن أختي تكون بتقع في المخالفات دي ، خايف قلبها يتعلق بحد مش كويس
بسبب الخروج والدراسة وكل اللي بنشوفه يومياً
=طب وإنت بتعمل إيه؟

-أنا تقريباً بقيت أنعزل عنهم ، لو كلمتها في حاجة أبويا يزعلني ويقوللي طول ما
أنا عايش ملكش حكم على أختك خالص
=كلامك معاها بيكون في حدود الحلال والحرام وكده؟
-أكيد ياشيخ ، أmaal هتكلم معاها في إيه؟

=شوف ياطيب ، أنا هديك طريقة تتعامل بيها مع أختك وبإذن الله هتلاقي ثمرات
كدا بسرعة جداً

-ياريت والله

=أم المؤمنين عائشة كانت بتقول إن (أول ما نزل من القرآن ذكر الجنة والنار) ،
يعني القرآن في بداية نزوله على قلوب الصحابة كان فيه كلام عن الجنة والنار
والتفكر في خلق الله وهكذا ، ثم تقول: (حتّى إذا تابَ النَّاسُ إلى الْإِسْلَامِ نَزَلَ الْحَلَالُ
وَالْحَرَامُ)

يعني لما الناس دخلوا في الدين بدأت الأحكام تنزل
بتقول: (ولو نَزَلَ أَوَّلَ شَيْءٍ: لا تَشْرَبُوا الْخَمْرَ، لَقَالُوا: لا نَدْعُ الْخَمْرَ أَبَدًا، ولو نَزَلَ:
لا تَزْنُوا، لَقَالُوا: لا نَدْعُ الزِّنَا أَبَدًا)

يعني الأحكام الشرعية والحلال والحرام محتاجين قلب مهياً لقبولهم... مش كده ؟
-حقيقي

=قلب أختك دا عبارة عن قلب أنثى ، اللي هيخليها تتأثر بمدرس شاب أو تتأثر
بزميل في وسط المجتمع والبيئة اللي إنت مش عارف تعمل فيها حاجة دي هي
العاطفة تجاه الطرف الآخر ، العاطفة دي ممكن تيجي عن طريقك إنت
-إزاي تيجي عن طريقي ؟

=إمتى كانت آخر مرة قعدت مع أختك لوحدكوا واتكلمت معاها عن مشكلة خاصة
بيك وفهمتها إنك مش عاجز تقول المشكلة لحد ، ووصلتلها إنها بقت سرك في البيت
وإنك شايف فيها حد مسؤول ؟

-لا مبيحصلش كدا

=طيب... إمتى آخر مرة دخلت عليها بهدية صغيرة جداً وكانت لها لوحدها
؟...يعني مفيش حد بياخد الهدية دي غيرها ؟

-لو بجيب بجيب أكيد للبيت كله

=عارف الهدية الخاصة دي ممكن تكون إيه ؟

-لا مش عارف

=قطعة مصاصة 🍭.. باكو لبنان !... وردة تقطفها من الشارع... آه والله... هي عقول البنات في السن دا بتنهار قدام حاجة بسيطة مش هتكلفك حاجة وإنت رايح جاي... (حتى لو أختك دي في الجامعة على فكرة)

الهدية عند البنات بتتاخذ من قيمتها المعنوية مش المادية

عارف هتبدأ أختك تفكر في إيه ؟

-إيه ؟

=بعد شهرين هتكشف إن إنت الراجل اللي في حياتها ومهتم بيها ، الأب عندك غالباً بيتغافل عن العاطفة دي ، وهنتفاجئ بعد فترة بيها هي كمان بتبدأ تحكيك بعض مشكلاتها على سبيل التجربة ! اوعى تعرف مشكلاتها لحد نهائي.. لازم تحس معاك بالأمان

=وبكدا بقى أبدأ أكلمها عن المخالفات اللي هي واقعة فيها ؟

=لا خالص ، اوعى تحسسها إنك بتعمل دا علشان حاجة معينة ، إنت هتعمل كدا وهتخط في دماغك إنها مش في ميزانك أصلاً.. (كدا كدا أبوك اللي شايل الليلة)

-أمال أنا هعمل كدا ليه ؟

=هتعمل كدا علشان إنت نفسك هنتفاجئ بأختك بتبدأ بشويش تدخلك في أمورها ، تسألك ، تاخذ برأيك ، هتلاقىها هي نفسها بتشوف إنت كمان بتهم بإيه علشان تقلدك وترضيك

قدوة الفتاة هو الشخص اللي بتشوفه مهتم بيها !النساء تغلبهن العاطفة

=وبعدين ؟

=هنتفاجئ بمرحلة خطيرة جداً ودي هتعمل عليك مسؤولية كبيرة ، إن أختك علوزه تعمل اللي إنت شايفه صح ، وبتتجنب الحاجات اللي ترعلك ، هتتزوج عن طريقك علشان بقى عندها فكرة إن اللي شبهك هيكون بنفس العاطفة ، هتدخلك في مشكلاتها بعد الزواج علشان عارفه إنك كدا كدا بتحبها وحنين عليها ، إنت كدا دخلت بدعوتك لقلبها بدل ما تدخل لعقلها ، النساء مبيستعملوش العقل زينا أكثر من قلبهم

-آه فهمتك ياشيخ ، فعلاً.. أنا غالباً مكنتش بعمل حاجة من دي

=خلي بالك من الصدام اللي هيحصل لما والدك يحس بعد فترة إنها بقت تميل لك
، هيجي يقولك ويزعق كدا (البنت دي ملكش دعوة بيها ، إنت مش هتجرها لسكتكوا)
وهكذا

-أعمل إيه ؟

=دا صراع تملك مش أكثر ، هو هيحس إنك بتاخذ حنة خاصة بيه ، متصطدمش
بیه خالص ، واكسبه كمان وفهمه إنك تحت جناحه

هتلاقي أختك بتدافع عنك ، وفي الكواليس بتعمل كل اللي إنت عاوزه

=بس الموضوع دا هيطول ياشيخ ، هسيب كل المخالفات دي وأقعد ساكت ؟
-لو قعدت تكلمها في الدين لحد ما تموت مش هتاخذ منك كلمك من غير ما تعمل
ده ، إنت ربنا أمرك بتبليغ الدعوة كما بلغها النبي ﷺ ولم يأمرك بنتيجة

=طب بنتي يعني بعد كدا لما أشوف وضع زي دا أسيبها تخالف وأنا اللي شاييل ؟
-هو إنت هتستلم بنتك كدا ؟...بنتك دي بعد كدا إنت بتشتغل معاها أساساً من وهي
في سن قبل سن التكليف ، وزوجتك إنت بتختارها من البداية على دماغك... أرحامك
التانيين هما اللي خارج ولانيتك وإنت استلمتهم على كدا

-فهمت ياشيخ

=أختك دي هي الإرث الحقيقي اللي هتستلمه بعد موت والدك ، هتحتاج تكون إنت
اللي في حياتها علشان حياتها تستقر ، هتحتاجك جنبها في الأوقات الصعبة ، لو
هتشوفك ماشي غلط معاها في الدعوة مش هتدخلك ، لو بدأت دعوتها من دلوقتي
إنت اللي هتكسب بيت مسلم وهيكون لك رصيد كمان في حياة عيالها اللي إنت
هتكون خالهم بعد كدا

مش هي دي دعوتنا ؟

-آه والله عندك حق ياشيخ

=وإنت راجع بقى ابقى اشتري المصاصة أو الشيكولاتة اللي أختك هتشوفك بسببها
مريض أو جايلك دور هلوسة 🤪

-ماشي ياشيخنا ..بإذن الله نبدأ والله المستعان

[#شغل دماغك](#)



من الأمور التي دائماً بتصطدم بعقول بعض الأخوات كل ما نتكلم عن مسألة شرعية هي إن الناس وقعوا في المخالفة ثم تعايشوا مع المخالفة ثم بعد ذلك بدأت مرحلة التكيف مع المخالفة توجد عندهم مبررات للتعايش معها

يعني...بقينا نبحث على سبل سهلة وميسرة تسهل لنا العيش في وسط المخالفة [بس] بما لا يخالف شرع الله في أذهاننا

تعليق أختنا دا كمثال بسيط يوضحك الموضوع بتسافر سفر بعيد علشان تروح الجامعة ، بيجيلها صدام من السواقين والأغاني والبهذلة التي الشباب أنفسهم بيستعيزوا بالله منها ، المهم الأخت بدأت بدل ما تدور على حل لمخالفاتها بدأت تدور وتبحث عن شئ يعدي عليها المخالفات دي

كلها ومتحسش بيها

الحل عندها بقى السماعه التي مش هتتعبد ودانها

تلاقي أخت ماشيه في الشارع والسيارات حوالها من كل جانب وهي لاغيه حاسة السمع تماماً

تلاقيها راكبه المواصلات وكذا واحد بينادي عليها علشان لم الأجرة أو ساعة نزول أي حد وهي فين وفين على ما تنتبه وتتجاوب والباخرة يقولولي: (كان قلبنا مولى وواحد قذر بيقول آدي ياعم المنتقبات ، سمعهم ثقيل وبيلبسوا الهباب دا كمان)

ماهو حضراتكم مركزتوش أن الايربودز أو حتى الهاند فري العادية بتكون مؤذية جدا تحت الخمار والنقاب وبتكون متعبه بشكل مش طبيعي احنا أعلم بالشئ المتعب احنا بنقعد فترات طويله مواصلات للجامعه وبتكون صدام كثير غير السواقين والأغاني وبتبقي برضو حابين نستفاد من الوقت فاما مش من المنصف ابدا اننا نعقد البنات في حياتهم ونعقدهم لمجرد أنهم حبوا يلتزموا باللبس الشرعي وكل حاجه نعمل فيها ألف موضوع يعني انتوا لو محطوطين تحت الضغط التي بتتحط فيه الملزمات بالزي الشرعي مش هيكون دا كلامكم ابدا خصو أن السماعه مفيش فيها أي شئ ملفت وك الناس ، يتمش ، عامله ذا بس ، له منتقبه عمل

دا الواحد بقى يشوف واحدة حاطه السماعات بتتكلم في الهاتف وواحد من الأوباش بيعاكسها وهي بتضحك على كلام صاحبته أو الإفيه اللي الشيخ بيقوله في الشريط الوعظي والناس شايفينها مبسوبة بالمعاكسة! 😊

دا كله كوم والأخت اللي بقت تدخل تشتري من مكان والبيع يقعد يكلم فيها وهي بكل بلاهة كدا بتنتبه لما الكل يبدأ يشاور واللي جنبها تنغزها وتقولك: (آه...سوري مكنتش واخده بالي) 😊

هو انتوا كنتوا فاكرين الموضوع عبارة عن سماعة كبيرة 📞 أو سماعة صغيرة هتتعب الأذن أو تكون زينة مينفعش مؤمنة تعملها وبس ؟

إحنا بنتكلم عن ظلمات بعضها فوق بعض
ظلمة المخالفة في الخروج لفترات طويلة خارج البيت ، ثم ظلمة الاختلاط ، ثم ظلمة التعمية وعدم الحذر والانتباه وأخذ الحيلة بإلغاء حاسة من حواسك تماماً
دا الشباب بقوا يقعدوا يكلموني عن كل اللي بيشفوه وردود فعل الناس تجاه الأخوات دول وهما ببيكوا والله يا أخواتنا ، فلما تلاقي رجل دمه حر بينبهك لكل ده من البداية ابدأي افهمي واتعلمي علشان اللي عاوز يشوفك بمنظر غير اللي ربنا أراده لك ورسوله كتير

{ وَاللَّهُ يُرِيدُ أَنْ يَتُوبَ عَلَيْكُمْ وَيُرِيدُ الَّذِينَ يَتَّبِعُونَ الشَّهَوَاتِ أَنْ تَمِيلُوا مَيْلًا عَظِيمًا
[سُورَةُ النَّسَاءِ: ٢٧] }

[#اللهم احفظ الصالحات](#) 🌸



البوست دا مهم جداً للأخوات وياريت
يركزوا مع الكلام اللي هقوله دا كويس أوي

الحجاب الشرعي بمشتملاته مش مجرد
مسمى لغطاء رأس المرأة المسلمة بتلتزم بيه
، الحجاب الشرعي له شروط وقواعد لو
اختلفت فمسمى الشرعية عنه بيروح

#صفات وشروط الحجاب الشرعي

1/ استيعاب جميع البدن: أي يستوعب كامل
بدن المرأة ويغطيه، ولا ينكشف منها جزء
دون جزء. (وكشف الوجه والكفين فيه خلاف
معتبر).

2/ ألا يكون زينة في نفسه: فلا يكون ملفتاً للنظر بألوان تجذب الانتباه أو تلفت
الأنظار.

3/ أن يكون صفيقاً لا يشف: فلا يكون حجاباً هذا الذي يكشف ما تحته من بشرة
المرأة، ويظهر أجزاء من بدنها.

4/ أن يكون فضفاضاً غير ضيق: ويشترط فيه الاتساع حتى لا يجسم ما تحته من
بدن المرأة، فتظهر نحيفة في مكان كذا، أو سمينة في مكان كذا وكذا.

5/ ألا يكون مبخرًا مطيبًا: فلا يجوز لامرأة أن تضع عطرًا أو أي رائحة على حجابها
أو لباسها الشرعي ليشمه الرجال عند الخروج.

6/ ألا يشبه لباس الرجل: فلا يجوز لها لبس البنطلون أو أي لباس يشتهر للرجال.

7/ ألا يشبه لباس الكافرات: ويحرم على المسلمة أن تتشبه بالكافرة ، لا في لباس
ولا في غيره.

8/ ألا يكون لباس شهرة : وهذا منهي عنه في حق الرجال أيضا ؛ فلا يجوز أن
تلبس المرأة لباساً لا يشتهر لبسه في البلدة التي تعيش فيها، فيكون ذريعة للفت
الأنظار إليها بهذا اللباس الجديد غير المشتهر.

مجهول : منذ 22 ساعة

يمكن حضرتك ترد بعد اذنك، هو حرام لو
ليست السماعة دي فوق النقاب ؟
في بعض الناس يقولوا حرام وملفتة
ومينفعش ألبسها بس هي مريحة مش
اكثر اما الانواع الثانية بتوجع ودني بس
معلش يا شيخ الله يباركك رد عاوزه
اشترىها



← الشرط الثاني دا من الشروط اللي كثير من الأخوات للأسف لا ينتبهن له... (الزينة في نفس الحجاب)

أخت حاطه فيونكه أو دبوس له شكل معين على صدرها
أخت ماشيه بسماعات بالشكل اللي بنشوفه دا في الشارع
أخت لابسه حجاب له رفرف كدا على جنب
(هو دا اللي بي جذب نظر الشباب يا أخواتنا)
أي شئ لافِت للنظر يجذب النظر إليكي لا يجوز شرعاً ، بل هذا مما يُخل بهدف
وغرض الحجاب وهو صرف الأنظار عنك
يا أخواتنا الطيبات... الرجال أعلم بنظر الرجال ، فلما تلاقى واحد بينبهك لشئ لأنه
يعرف بني جنسه بي فكروا إزاي متستغريش ولا تقيسي الموضوع بتطلعائك ولا
برغباتك كـ (بنت)

انتي نفسك لما تتزوجي هتتفاجئي إنك بتعلقى لزوجك على طريقة في الكلام أو
التصرفات مع النساء وهتقوليله: (لما بتعمل كدا هتجذب فلانة لك مثلاً)
ودي حاجة مُعتبرة فعلاً لإنك تعرفي أكثر من الزوج نفسه بنظر بني جنسك
وعاوز أنبهكوا لشئ... التفاضل عند الشباب في اللي اختياراتهم للزوجة الملتزمة
بيتم بالحاجات اللي انتوا بتشوفوها صغيرة دي.... (فاهماني ؟)
الخلاصة... السماعه دي لو هتجيبها للشارع فهي لا تجوز ، ومينفعش كمان أخواتنا
في وسط كل اللي بنشوفه في الشوارع دا يمشوا مشغلين حاجة وميسمعوش اللي
حواليهم ... ربنا يستر كل أخت بتحافظ على نفسها ويهدي كل أخت غير ملتزمة
بالستر

#اللهم_احفظ_الصالحات🌸



من إمبراح وأنا مش
عارف أتخطي المشهدين
دول!

وعارف إن الرجوع للحق
يُحمدُ لصاحبه ، ولكن
عاوزين نقف مع نفسنا وقفة
كدا للتأمل.. (وقد حذفت الاسم
رعايةً لمقام التوبة والاعتذار)
الأخ عمرو أحمد تكلم في
مقطع عن العلماء ، والرجل
شبه عَرَض كدا تعريض



بسيط بأحد المشايخ ميفهموش غير اللي متابع الأحداث متابعة جيدة
واحد من الناس اللي بيتبعوا الشيخ ده قال لعمرو الكلام الخطير اللي بتشوفوه في
تعليقه قدامكوا

(بيقول له لو مش هتسكت هطلعك الوساخة بتاعتك مع النسوان) !
الأخ بعدين طلع بيان باعتذار على صفحته... (دا الأخ اللي بيتهم عمرو)
بيقول في البيان إن الكلام كان في ساعة غضب... (عفا الله عنا وعنه)
يعني مفيش نسوان ولا حاجة ؟.. مفيش فضايح لعمرو ؟
لا أبداً والله أنا قلت كل دا في ساعة غضب

[#هذه_هذه_الحزبية_ياإخوة](#)

لأجل حرمة شيخ (تبع حزبي) ممكن أقول أي شئ في الشيخ اللي من (خارج حزبي)
الفكرة مش غلطة وخلص... (ما كلنا معاصي وذنوب)
الفكرة هي إن التحزب يجعل على عينيك غشاوة تحجب عنك أي شئ وتجعلك
تتحدث بلسان هذه العصبية

[#دعوها_فإنها_مننتة!](#)

حقاً والله مُنتنة ، ويفوح ننتها كلما تدرج المرء فيها فصار لا يرى إلا بمرآة التحزب
ولا حول ولا قوة إلا بالله

لذا أكرر يا إخوة... لا ينبغي عليك كولي أمر أن تجعل ابنتك تحت شخص حزبي أو
متعصب لشخص أو لجماعة

لما تفكر تنقل ولاية ابنتك لرجل آخر فأنت تجعلها تحت رهن قوامته... (هو نفسه
مسلم نفسه وجاعل قوامته لمجموعة من الأشخاص ومش ماشي بدماعه)

الزواج من الحزبي أو الحزبية هو الشقاء بعينه

[#والله المستعان](#)

[#تصحيح مفاهيم الزواج](#)



فيه نوعين من النساء يكون لهم رد فعل كل ما بنتكلم عن مقومات الاختيار اللي
بنصح بيها الشباب

● النوع الأول : واحدة قاعدة تتابعنا في صمت وتتعلم من كلامنا وتطور من نفسها
وتشوف الدين بيامرها بآيه علشان تعمله

● النوع الثاني : كل همها تدخل تقاوح وتجادل وتقول لا إحنا مش كذا إحنا صحيح
خرجنا واطرطنا واتبهدلنا علشان النفع العام وأكد دا هيكون تأثيره إيجابي على
شخصياتنا

● النوع الأول دا هو اللي في الحقيقة هينفع نفسه ، مشغله ودانها وساييه لسانها في
مكانه وبتتعلم وبتطور كل يوم من نفسها ، حتى لو اخطأت بعد كل دا في تطبيق
بعض الأشياء فالزوج بيديها الأعذار ، وإحنا بنتعاطف معاها ، وبتلاقي ألف واحد
يسدد وراها

دا كمان ربنا بيعينها بأجر مجاهدتها لعودة فطرتها
قال تعالى (وَالَّذِينَ جَاهَدُوا فِينَا لَنَهْدِيَنَّهُمْ سُبُلَنَا)

● النوع الثاني هيفضل على كذا ، مفيش قابلية للتغيير لإن مفيش إعتراف إن الفطرة بفعل كل البلاوي اللي في المجتمع انتكست وبقت شايفه دا الطبيعي هتفضل بعد زواجها (فتاة الأندومي) وهتشوف نفسها بعد طلاقها (الإنديبننت وومان) وفي الآخر هتحاول تكرر وتعمم تجربتها على الجميع وغالباً بتفتح بوتيك إستشارات أسرية

ياصديقي.... اللي بتدور عليها مش هتلاقى في ساحات الجدل ، فاهمني ؟ 😞
(كل اللي حضرتك بتدخل في التعليقات تشرحلهم الفطرة راحت فين دول في جروبات المشاكل مش هيتغيروا..دي فطرة يا حاج)

[#يارب نفهم](#) 🌸



👉 دي رسالة لأخت من أخواتنا على الصفحة (ربنا يحفظها) واضح جداً إن الأخت لسه بتتابع الصفحة جديد

وأنا كل فترة بتعمد صياغة كل ما نتكلم حوله علشان أي متابع جديد للصفحة يقدر يفهم الموضوعات اللي بنتكلم فيها
الأخت بتتكلّم عن التيسير على الشباب ، هل لما الشاب يجيب كل حاجة هو دا التيسير اللي بنتكلم عنه ؟

[#تعالوا كذا نفكر مع بعض شويه](#) 🗣️

مجهول : منذ 8 ساعات

السلام عليكم ورحمة الله وبركاته ممكن اعرف ايه مفهوم إن العريس يجهز على الشرع هل مطالب أنه يجيب الشقة ويوضبها ويفرشها وكمان يجيب الرفابع اللي اى عروسة بتجيبها هل ده كده تيسير على الشاب →
أنا مش بانتقص أنا بجد عاوزه افهم العريس يجيب الصينى والكوبيات والبلاستيك والملايات والفوط ؟
واللا العروسة اذا جابت الحاجات دى يبقى كده خالفنا الشرع؟ جزاكم الله وبركاته

فيه كلمة هتلاقيني حاططها في المستطيل من كلام الأخت وهي بتقول: (وكم ان يجيب الرفايع اللي أي عروسة بتجيبها؟) 🧐
وهنا تكمن المشكلة !

لو فكرنا بشوئش مع بعض كذا وقلنا: (هل الشرع جاء بالتيسير أم بالتعسير ؟)
 بالطبع أي مسلم سيقول: (جاء الشرع بالتيسير)
 طيب... هل جاء الشرع بإلزام الشاب وحده بالتجهيز ؟
 نعم.. جاء الشرع بإلزام الشاب وحده بالتجهيز
 إذن (التجهيز بالنسبة للشاب هو التيسير)

التعسير جه منين ؟...التعسير جه من كلمة الأخت وغيرها من أخواتنا اللي تقاليد المجتمع وأعرافه طغت عليهن بقولها: (اللي أي عروسة بتجيبها ؟)

هو دا اللي عمل تعسير في عملية الزواج

البنت بتجيب علشان الناس ، وبتجهز علشان الناس تشوف حاجتها ، وشكلي إيه يوم
الفرش قدام مرات عمي الحربوقة وبنت خالتي اللي مش طايقه نفسها ، وكمان قدام
حماتي الجعانة اللي منتظره مني أجهز شقة المحروس ابنها
تقاليد مجتمع جاهل لا علاقة للدين به لا من قريب ولا من بعيد
طب إحنا ديننا اللي بنتكلم بيه بيقول إيه ؟

هناقي النبي ﷺ مثلاً يقول في التجهيز ده: (فِرَاشٌ لِلرَّجُلِ ، وَفِرَاشٌ لِأَهْلِهِ ، وَالتَّالِثُ لِلضَّيْفِ ، وَالرَّابِعُ لِلشَّيْطَانِ)

الملايااات والرفاااياع والشوك والملاعق وأطقم الكافيهات والفنادق دا مش تجهيز
ياأختي

دي اسمها فشخرة نهى عنها الشرع ، بل أخبر النبي ﷺ أنها بوابة الشياطين لبيوتنا
دا كذا التيسير المطلوب شرعاً من الشاب ، يعني المجتمع هو اللي عمل تعسير مش
الدين

اللي هيمشي مع الدين هيلقي تيسير ، واللي هيمشي مع المجتمع هيلقي العكس
👉فيه جانب كمان عليكى انتى وأهلك فى التيسير انتوا بتفهموه غلط

الناس في مصر فاهمين إن علشان نيسر على الشاب نلزم نفسنا نساعدته علشان
يجيب الفشخرة

طيب لو هنشيل الفشخرة من المعادلة؟....(شفتوا بقى ؟)
أم المؤمنين عائشة تقول: (إِنَّ مِنْ يُمْنِ الْمَرْأَةِ: تَيْسِيرَ خِطْبَتِهَا ، وَتَيْسِيرَ صَدَاقِهَا ،
وَتَيْسِيرَ رَحْمَتِهَا)
الفاروق عمر يقول: (وإنَّ الرَّجُلَ لِيُغْلِي بِصَدَقَةِ امْرَأَتِهِ ، حَتَّى يَكُونَ لَهَا عِدَاوَةٌ فِي
نَفْسِهِ)

يعني فيه جوانب من التيسير في حقك وحق أهلك أهوه....(تيسير صداقك)
عاوزه تيسري اطلبي صداق قليل [يعني مهر قليل] ، التيسير مش معناه إنك تجيبي
معاه وتلزمي أهلك بحاجات لن تنتفع بها المسلمة وبعدين نقول بنيسر على الشاب!
[#تصحيح مفاهيم الزواج](#)



ربنا سبحانه وتعالى يقول: (وَأَتُوا النِّسَاءَ صَدُقَاتِهِنَّ نِحْلَةً) أي تعطيها هذا الصداق فريضة وعطية عن طيب نفس منك

الصداق هو المال الذي تدفعه للمرأة إذا أردت الزواج منها ، والصداق هو المهر وهو نفسه الشبكة التي يعطيها الزوج لزوجته عندنا في مصر

-يعني لما أتزوج ياشيخ لازم مع تجهيز شقتي أدفع المهر أو الصداق ده ؟
=أيوا يامصطفى...النبى ﷺ حتى في الصحابي اللي مكنش معاه قال له: (اذهبْ فَالْتَمِسْ وَلَوْ خَاتَمًا مِنْ حَدِيدٍ)...يعني أتزوج بأي حاجة حتى ولو بسيطة
مفيش زواج ببلاش

-طيب ياشيخ فيه عندي برضو حاجة كدا ، سمعت يعني إن المهر دا بندفعه للمرأة
علشان لا مؤاخذه يعني هي هتملكني من نفسها
=تقصد يعني أجر لقضاء شهوتك ؟

-اممم.. فهمت كدا 😊
=يامصطفى هو إنت بتقضي شهوتك لوحداك ؟...هي شاذة مثلاً ملهاش في الرجالة ؟
😊؟

-هاه...أمال إيه ؟
=يامصطفى اللي قالك كدا مش واخد باله إن نصف المهر دا هيكون من حق المرأة
لو طلقته بعد العقد وقبل الدخول...إيه اللي أخذته منها بقى ؟
أكلت إيه تشرب عليه مايه زي ما بيقولوا ؟
-آه فعلاً

=كمان لو مات عنها العاقد قبل الدخول لها المهر كاملاً.. بالرغم إنه معملش حاجة !
طب الموضوع إيه ياشيخ ؟..دا ربنا سماه (أجر)

يعني الست بتاخذ أجر ياشيخ
ربنا يقول: (فَمَا اسْتَمْتَعْتُمْ بِهِ مِنْهُنَّ فَآتُوهُنَّ أُجُورَهُنَّ فَرِيضَةً)
وبيقول: (وَالْمُحْصَنَاتُ مِنَ الَّذِينَ أُوتُوا الْكِتَابَ مِنْ قَبْلِكُمْ إِذَا آتَيْتُمُوهُنَّ أُجُورَهُنَّ)
وبيقول: (يَا أَيُّهَا النَّبِيُّ إِنَّا أَحْلَلْنَا لَكَ أَزْوَاجَكَ اللَّاتِي آتَيْتَ أُجُورَهُنَّ وَمَا مَلَكَتْ يَمِينُكَ)
=جميل كلامك...المهر زمان كان بيروح لولي المرأة مش للمرأة خالص

شَايَفْ شُعَيْبٌ فِي تَرْوِيجِ بِنْتِهِ مِنْ نَبِيِّ اللَّهِ مُوسَى قَالَ إِيَّاهُ: (قَالَ إِيَّيْ أُرِيدُ أَنْ أُنْكَحَكَ
إِحْدَى ابْنَتَيَّ هَاتَيْنِ عَلَى أَنْ تَأْجُرَنِي ثَمَنِي حَجَجٍ)

الأب هو اللي كان هياخد المهر مش البنت
لما نزلت شريعة الإسلام الخاتمة بقي المهر حق خالص للبنات... ولذلك رب العالمين
سماه أجر وسماه نحلة يعني فريضة وعطية علشان بس يوضح إن مفيش زواج
ببلاش ويوصل للناس إن العقد دا زي غيره من العقود ، فتعدد الأوصاف دليل على
تعدد المهام وإعطاء المرأة مالاً تتقوى به على شراء ما قد يلزمها في حاجياتها التي
قد تحتاجها في البيت الجديد ولم يأت به الزوج

الدكتور وهبة الزحيلي في كتاب الفقه الإسلامي وأدلته يقول: (والحكمة من وجوب
المهر: هو إظهار خطر هذا العقد ومكانته، وإعزاز المرأة وإكرامها، وتقديم الدليل
على بناء حياة زوجية كريمة معها، وتوفير حسن النية على قصد معاشرتها
بالمعروف، ودوام الزواج ، وفيه تمكين المرأة من التهيؤ للزواج بما يلزم لها من
لباس ونفقة)

-جميل أوي الكلام ده ، طب أدفع كام يعني ياشيخ ؟
=المهر ملوش تحديد معين ، يعني الشريعة لم تلزم أحداً بمال معين في المهور ،
ممكن مثلاً بعد ما تخلص شفتك وتيجي تتزوج تروح للناس وتقول لهم أنا هدفع مهر
كذا من الأموال

الناس لهم يقبلوا ولهم يرفضوا

-دا غير الشبكة ياشيخ ؟

=الشبكة يا مصطفى صورة من صور المهر

-إزاي مش فاهم

=المهر في الأصل مش محدد بشئ معين.. يعني مثلاً لو دخلت بيت وقالوك مهر
بننتا موبایل آيفون مثلاً...لو جبت الآيفون تبقى دفعت مهر...بيت تاني يقولك عاوزين
المهر ٢٠,٠٠٠ ج..ساعتها هتدفعه فلوس

في مصر بقى غالباً بيطلبوا المهر ذَهَب..اللي هو الشبكة.. يعني لو طلبوه ذهب عادي ولو طلبوه فلوس عادي ولو قالوا لك هات لبنتنا جاموسة والجاموسة تكون مهرها برضو عادي

-هههههههه...الله ينور ياشيخ...طب ينفع مثلاً علشان الأمور تمشي معاهم أدفع جزء فلوس وجزء ذهب ؟

=عادي برضو...تقول لهم مثلاً مهر بنتكوا ٥٠,٠٠٠ج...يقولوا لك عاوزين منه ٣٠,٠٠٠ج شبكة والباقي تديه لهم فلوس ، وهكذا

-طب ياشيخ لو رحت لهم وقتلهم مثلاً أنا مقدرتي ٣٠,٠٠٠ج.. وهما قالولي إحنا عاوزين ٥٠,٠٠٠ج أعمل إيه ؟

=قدامك أمرين 🙌

1/ممكن يكون البيت مش مناسب لك...ودا عادي لأن الكفاءة في الزواج مطلوبة ، والمبلغ الكبير عليك ممكن ميقاش مبلغ أساساً في الوسط بتاعهم..وساعتها متلومش الناس خالص لأن دا شيء ملوش تحديد ولا سقف

قال تعالى: (وَإِنْ أَرَدْتُمْ اسْتِبْدَالَ زَوْجٍ مَّكَانَ زَوْجٍ وَءَاتَيْتُمْ إِحْدَهُنَّ قِنْطَارًا فَلَا تَأْخُذُوا مِنْهُ شَيْئًا أَتَأْخُذُونَهُ بُهْتَانًا وَإِثْمًا مُّبِينًا) [النِّسَاء: ٢٠]

قال ابن كثير رحمه الله: (وَفِي هَذِهِ الْآيَةِ دَلَالَةٌ عَلَى جَوَازِ الْإِصْدَاقِ بِالْمَالِ الْجَزِيلِ) 2/ممكن تقول لهم إنك معاك مثلاً ٣٠,٠٠٠ج (عاجل الصداق) يعني مهر مُعَجَّل ، ويبقى للناس بعد كذا ٢٠,٠٠٠ج (مؤخر صداق) يعني مهر مؤجل

-يااااه...هو دا بقى المؤخر اللي بيقلوا عليه ؟...دا أنا افكرت المؤخر دا حاجة تانيه

=أنا خالص...الصداق ممكن يكون عاجل..هتدفع الـ٥٠,٠٠٠ مرة واحدة ، وممكن يكون آجل..يعني هتدفعه بعد الدخول زي ما تتفقوا ، وممكن يكون جزء عاجل وجزء آجل زي ما قلناك دلوقتي

-بس أنا سمعت ياشيخ إن المؤخر دا مش شرعي ، أنا بصراحة مش عاوز أقع في أي مخالفة

=المؤخر يامصطفى مكنش موجود على عهد النبي ﷺ ولا صحابته الكرام ، ولكن ظهر فيما بعد ، بمجرد اتفاقك عليه سيكون حق خالص للمرأة ودين في رقبتهك ، والأفضل طبعاً إن الزواج يكون بلا مؤخر خالص ويتم بمقدم المهر فقط

-طب ياشيخ لو كتبت المؤخر ده ، أدفعه إمتى ؟

=المؤخر دا جزء من المهر...حق خالص لزوجتك ، ودين متعلق برقبتهك وعلشان كذا مش مستحب ، للزوجة الحق تطالبك بيه في أي وقت ، ولو مات الزوج المؤخر دا بيطلع من التركة قبل تقسيمها زي الديون العادية وبعدين كل واحد ياخذ نصيبه

-بعض الزوجات ياشيخ في كل مشكلة بيطلبوا المؤخر علشان يذلوا الزوج

=حقيقي...الكلام دا حصل على عهد شيخ الإسلام ابن تيمية (رحمه الله)

-على عهد ابن تيمية !.. هو الموضوع من زمان كذا ؟

=أيوا...وساعتها الإمام ابن تيمية حدد طلب المؤخر بالموت أو الطلاق وقال كما نقل

عنه ابن القيم في كتاب الطرق الحكمية: (قَالَ شَيْخُنَا[يعني ابن تيمية]: وَمِنْ حِينَ سَلَّطَ النَّسَاءُ عَلَى الْمُطَالِبَةِ بِالصَّدَقَاتِ الْمُؤَخَّرَةِ، وَحَبَسَ الْأَزْوَاجَ عَلَيْهَا، حَدَّثَ مِنَ الشَّرُّورِ وَالْفَسَادِ مَا اللَّهُ بِهِ عَلِيمٌ.وَصَارَتِ الْمَرْأَةُ [إِذَا أَحَسَّتْ مِنْ زَوْجِهَا بَصِيَانَتِهَا فِي الْبَيْتِ، وَمَنْعَهَا مِنَ الْبُرُوزِ، وَالْخُرُوجِ مِنْ مَنْزِلِهِ وَالذَّهَابِ حَيْثُ شَاءَتْ]: تَدْعِي بِصَدَاقِهَا، وَتَحْبِسُ الزَّوْجَ عَلَيْهِ، وَتَتَطَلَّقُ حَيْثُ شَاءَتْ، فَيَبِيتُ الزَّوْجُ وَيَظَلُّ يَتَلَوَّى فِي الْحَبْسِ، وَتَبِيتُ الْمَرْأَةُ فِيمَا تَبِيتُ فِيهِ فَإِنْ قِيلَ فَالْشَّرْطُ إِنَّمَا يَكْتَبُهُ حَالًا فِي ذِمَّتِهِ تَطَالِبُهُ بِهِ مَتَى شَاءَتْ)

يعني بقى يلزمهم يحددوا وقت للمطالبة بالمؤخر مشروط مثلاً بالطلاق أو الموت ، علشان تكون له قوامه على زوجته مش كل ما يأمرها بأمر تغضب وتطالبه بالمؤخر وتسجنه

-طيب ياشيخنا الشريعة لما جعلت الموضوع دا إلزامي أكيد هنلاقيها خففت فيه علشان واقع الشباب يعني

معلش يعني ياشيخنا إنت دايماً بتقول إن ربنا سبحانه افترض علينا هذا الشرع وهو يعلم أحوالنا ليوم القيامة..إحنا بنكح تراب يامولانا 🌈

=تقصد يعني إن الشباب دلوقتى مش قادرين على غلاء المهور والمفروض الشريعة تراعي ده ؟

-بالضبط ياشيخنا ، الشاب اللي هيجوز ويعمل كل دا مطلوب منه كمان مبالغ باهظة تحت مسمى المهر!؟

=الوضع دا كان موجود زمان برضو يامصطفى ، النبي ﷺ كان بيزوج الفقراء .. وكان يحثهم على الزواج

-يعني الفقير يتزوج ياشيخ ؟..أمال إيه بقى حديث: (يَا مَعْشَرَ الشَّبَابِ مَنْ اسْتَطَاعَ مِنْكُمْ الْبَاءَةَ فَلْيَتَزَوَّجْ ، فَإِنَّهُ أَغْضُ لِلْبَصْرِ ، وَأَحْصَنُ لِلْفَرْجِ ، وَمَنْ لَمْ يَسْتَطِعْ فَعَلَيْهِ بِالصَّوْمِ فَإِنَّهُ لَهُ وَجَاءٌ)

يعني الفقير يصوم أهوه ميتزوجش

-يامصطفى ، الباءة مش تكاليف الزواج بس ..الباءة من معانيها القدرة على النكاح كمان ، والنبي ﷺ زوج الفقراء ، بل الرزق أساساً بييجي بالنكاح -الرزق بييجي بالنكاح؟ 😊

=طبعاً يادرس ، قال علي بن أبي طلحة ، عن ابن عباس: " رغبهم الله في التزويج ، وأمر به الأحرار والعبيد، ووعدهم عليه الغنى ، فقال : (إِنْ يَكُونُوا فَقَرَاءَ يُغْنِهِمُ اللَّهُ مِنْ فَضْلِهِ)

وقال ابن مسعود : (التمسوا الغنى في النكاح)

يعني الزواج سبب من أسباب الرزق

-طب وتيسير الشريعة للفقراء دول كان إيه بقى ؟

=شوف مثلاً حديث النبي ﷺ: (خَيْرُ الصَّدَاقِ أَيْسَرُهُ)

وشوف عمر بن الخطاب رضي الله عنه لما وجد الناس في زمانه بيغالوا في الصداق قال: (لَا تُعَالُوا صَدَاقَ النِّسَاءِ ، فَإِنَّهَا لَوْ كَانَتْ مَكْرَمَةً فِي الدُّنْيَا ، أَوْ تَقْوَى عِنْدَ اللَّهِ ، كَانَ أَوْلَاكُمْ وَأَحَقَّكُمْ بِهَا مُحَمَّدٌ ﷺ ، مَا أَصْدَقَ امْرَأَةً مِنْ نِسَائِهِ ، وَلَا أَصْدَقَتْ امْرَأَةً مِنْ بَنَاتِهِ أَكْثَرَ مِنْ اثْنَتَيْ عَشْرَةَ أُوقِيَّةً ، وَإِنَّ الرَّجُلَ لَيَنْقِلُ صَدَقَةَ امْرَأَتِهِ ، حَتَّى يَكُونَ لَهَا عِدَاوَةٌ فِي نَفْسِهِ ، وَيَقُولُ : قَدْ كَلَفْتُ إِلَيْكَ عِلْقَ الْقَرَبَةِ)....يعني جبت لكم كل

حاجة حتى العلق [الحبل] اللي بيربطوا بيه القربة اللي بيحبوا بيها مايه من البئر ...
يعني كلفتوني بكل حاجة

-وهي الأوقية دي أد إيه ياشيخنا ؟

=الـ ١٢ أوقية من الفضة دول يعادلوا ٤٨٠ درهماً ، ودرهم الفضة حوالي (٢,٩٧٥ جرام)

يعني أعلى صداق كان لزوجة أو بنت من بنات النبي ﷺ لو قلنا إن جرام الفضة
دلوقتي بـ ٤٢ ج

يبقى الصداق كان (٤٨٠ درهم \times ٢,٩٧٥ جرام \times ٤٢ سعر جرام الفضة) =
٥٩,٩٧٦ ج

يعني أعلى مهر في وقتنا هيكون حوالي ٦٠,٠٠٠ ج

-طيب وهو لازم نجيب مهر زي النبي ﷺ ياشيخ ؟

-علا مش لازم ، بل كثير من العلماء قالوا أن السنة ألو يتعدى مهر المسلمة مهر
زوجات وبنات النبي ﷺ

-هو المهر بتاعهم بقى من السنة عدم تعديه ؟

=السنة عدم زيادته عن مهرهن يامصطفى ، شايف الإمام ابن تيمية بيقول إيه في
مجموع الفتاوى: (السنة: تخفيفُ الصداق ، وألّا يزيدَ على نساءِ النبي ﷺ وبناته ،
فَقَدْ رَوَتْ عائشةُ - رضيَ اللهَ عنها - عَنِ النَّبِيِّ ﷺ أَنَّهُ قَالَ: (إِنَّ أَعْظَمَ النِّسَاءِ بَرَكَةً
أَيَسْرَهُنَّ مَثُونَةً)

وكذلك الإمام النووي (رحمه الله) قال: (والمستحب أن لا يزيد على خمسمائة درهم،
لما روت عائشة رضي الله عنها قالت: (كان صداق رسول الله ﷺ لأزواجه اثنتي
عشرة أوقية ونشاً ، أتدرون ما النش ؟ نصف أوقية، وذلك خمسمائة درهم)

-طيب ياشيخ أمال إيه حكاية مهر المثل ده ؟..كل ما أكلم صديق ليا يقول لي شوف
بنت عمها وقرابها مهرهم كام ؟

=مهر المثل دا يامصطفى بيحكموا فيه عند التنازع ، مش طبعي يعني تتقدم لواحدة
والدها حالته زي حالتك وتطالبك بمهر بنت عمها اللي أبوها من الأغنياء مثلاً

مهر المثل دا بنرجعله لما منبقاش عارفين نحدد في وجود مقدرة عندك أو حال
التنازع أو في حالة إنك تكون بتبخسها في مهرها مع ثرائك وسعة حالتك المادية
ليا صديق اتفق على مهر كبير ودفع منه جزء صغير مقدم وقال كدا كدا مش هدفع
المؤخر بتاعه

=حرام يامصطفى..المهر دا من الديون واجبة الوفاء ، بل صاحبك ده مُهدد بحديث
النبي ﷺ: (أَيُّمَا رَجُلٍ تَزَوَّجَ امْرَأَةً عَلَى مَا قَلَّ مِنَ الْمَهْرِ أَوْ كَثُرَ ، لَيْسَ فِي نَفْسِهِ أَنْ
يُؤَدِّيَ إِلَيْهَا حَقَّهَا ؛ خَدَعَهَا ، فَمَاتَ وَلَمْ يُؤَدِّ إِلَيْهَا حَقَّهَا ؛ لَقِيَ اللَّهَ يَوْمَ الْقِيَامَةِ وَهُوَ
زَانٍ)[صححه الألباني]



-ياستير يارب...زاني

=مفيش تهاون في الحقوق يامصطفى

-طب ياشيخ دا فيه ناس بياخدوا مهر زوجاتهم بعد الزواج.. دول حكمهم إيه ؟
-يعني بياخده برضاء نفس منها مثلاً وللا غصب عنها ؟
-أأ ياشيخ ، أقصد برضاء نفس ، ماهو أكيد اللي هياخده غصب عنها دا هيكون
سارق

=ربنا بيقول: (وَأَتُوا النِّسَاءَ صَدُقَاتِهِنَّ نِحْلَةً فَإِنْ طِبَّنَ لَكُمْ عَنْ شَيْءٍ مِّنْهُ نَفْسًا فَكُلُوهُ
هَنِيئًا مَّرِيئًا){[سُورَةُ النِّسَاءِ: ٤]}

يعني ممكن تأخذ من صداقها برضاها ، ودي عامله زي اللي زوجته بتشوفه في
ضائقة وتديه ذهبها على سبيل الهبة لا القرض
=حلو أوي الحتة دي ياشيخ 🙏، طب لو الواحد مدفعش مهر أصلاً هل زواجه باطل
؟

=لو مُعسرَ وقبلت الزوجة فالزواج صحيح بلا شك ، جاء في الموسوعة الفقهية: فإذا
تزوجته عالمة بإعساره بالمهر، لم يكن لها طلب التفريق بذلك، وكذلك إذا علمت
بإعساره بعد العقد وسكتت، أو رضيت به صراحة، فإنه لا يكون لها حق في طلب
التفريق للإعسار بالمهر بعد ذلك، قياساً على العنة. انتهى)

ولكن لو تزوجها وهي رضىت ولم يُسمَ مهرًا فالنكاح صحيح لأن المهر ليس ركنًا
ولا شرطًا في النكاح ولكن الله فرضه فحسب

طب وفي الحالة دي المهر كدا خلاص ؟

=ما مش خلاص...أهي دي حالة بقى بيتم فيها تحديد مهر المثل يامصطفى..لو طلبت
مهر أو مات عنها ولم يتفقوا على مهر.. (يؤخذ مهر المثل من تركته لها)

-الله يفتح عليك ياشيخنا ، طب أنا دلوقتي أعمل إيه ؟

=ادخل البيت وقول للناس إمكانياتك ، لو قبلوا بيها كمل عادي ولو مقبلوش شوف
حد يناسبك وربنا يعوضك خير

-شكرًا ياشيخنا

=العفو يا حبيبي ❤️

[#تصحيح مفاهيم الزواج](#)



👉بلاقي بعض المغيبين اليومين دول
لسه بيهاجموا أي حد عاوز يفوقهم من
الغيوبة اللي هما عايشين فيها ،
والفراعة اللي بيقلوها لأي حد هي:
(هتفضلوا عايشين في نظرية المؤامرة
لحد إمتى ؟)

ما يسمى بدمج الأديان [لو تماشنا مع
الكلمة] ، ثم التجنـس..يس الواحد للجميع
رجالًا ونساءً واستقطاب بعض
المشاهير للقيام بهذه المهمة هي من



أولى مهمات المـ.ا So كنية العالمية والموضوع يزداد هذه الأيام على أشده

دعوات الـشـ.ـشـ.ـZ — ٩ ذ والتهوين منها خطر كبير جداً على أولادنا اللي بيتابعوا المرحلة دي وبيترسخ في عقولهم إن الرجل يلبس لباس امرأة عادي.. ودي مرحلة خطيرة لصهر كل شئ في بعضه ثم مرحلة اللادين ركز مع كل واحد بتظهر عليه أو بيعمل علاماتهم وابتحث عن الموضوع لأنه خطير جداً جداً فوق ما تتخيل والله ، ولو مش هتكتسب نسبة وعي عالية عمرك ما هتكون شئ في جيل التمكين وعيالك هيضيعوا منك



👉 قعدت معاه وبسأله: (هو إنت عندك كام سنة ؟)

فقاللي: (عندي ٢١)

سألته عن مشروع زواجه عمل فيه إيه فقاللي إنه صرف نظر عنه لحد ما يخلص الجامعة قلته: (طب الجامعة دي لسه فاضل عليها أد إيه ؟)

قاللي: (باقي سنة ونصف)

قلته: (بس إنت كنت بتشتغل كويس إيه اللي



(حصل ؟)

قاللي: (الشغل عطلني عن الدراسة فتركته وقلت أتفرغ لدراستي أفضل ، وللسبب دا أجلت الزواج)

قلته: (طب ونية الزواج فين ؟)

قاللي: (ما خلاص أنا صرفت نظر عنها ، مين يعني اللي هدخل أخطبها وتقعد منتظراني سنة ونصف)

قلته: (يا بني لازم نية الزواج دي تكون مستحضرها ، حوار صرف النظر دا بيسرف عنك خير كثير)

وبالفعل... الشاب قاللي: (والله عندك حق ، أنا لما كنت حاطط النية دي في دماغي وماشي بيها كان ربنا بيكرمني أوي ، خلاص يا شيخ ، ننويها وربنا يقدر ليا اللي فيه الخير)

والله يا إخوة ، وإحنا لسه قاعدين لقيت صديق ليا جه وقعد معنا وبيقوللي: (عاوز واحد يمسك الشغل في الشركة عندنا براتب كويس يكون عن طريقك)

قلته: (طب ما الأخ قاعد أهوه)

قال له: (إنت كنت بتشتغل إيه ؟)

قال له: (كنت شغال في البرمجيات في شركة بس عطلتي عن الدراسة)

قال له: (لا متقلقش ، الشغل معنا خفيف خالص ومش هيعطلك)

الشاب قعد يضحك ومش مستوعب الموضوع ، قلته: (إيه بقي ؟)

قاللي: (عندك حق والله يا شيخ إحنا شغالين غلط)

استلم الشغل من أسبوعين ربنا يباركله ويرزقه بالزوجة الصالحة

النية يا شباب متغلوش عنها ، عظم ربنا في قلبك واستعن بيه بجد

[#تصحيح مفاهيم الزواج](#)



اسأل الله تعالى أن يبارك لك في أهلك

ومالك وأن يرزقك الزوجة الصالحة

ركز معايا ياطيب واعمل باللي هتقرأه ده

مرحباً يا شيخ أحمد جزاك الله خيراً على ما تقدمه

معايا حوالي 300 ألف جنيه ومحتار بين الزواج أو افتح مشروع علما بأن المبلغ مش هيجوزني ياريت نصيحتك علشان هتفرق معايا وجزاك الله خيراً

١/ابدأ نية الزواج من دلوقتي ، والنية دي هتفرق معاك جامد جداً في كل اللي جاي
٢/بعد النية هتبدأ تبحث عن زوجة ، ومرحلة البحث دي ممكن تقعد معاك ٦ شهور
، وممكن نضيف عليهم كمان ٦ شهور خطوبة لحد ما تتزوج
٣/إحنا بنتكلم دلوقتي في عام كامل يسبق الزواج ، العام دا هتعمل فيه جمعيتين من
دخلك الشهري 🙌

الجمعية الأولى هتستمر ١٠ شهور وهدخل فيها بـ ٥,٠٠٠ ج وهدقبضها الأخير ،
والجمعية الثانية هتدخل فيها بنفس المبلغ وهدقبضها الثاني
وبكدا هتكون داخل مشروع زواجك بـ ١٠٠,٠٠٠ ج زيادة على اللي كان معاك
٤/ الخشب هيعمل حوالي ٧٠,٠٠٠ ج ، والأجهزة كمان ٥٠,٠٠٠ ج والرفايع
والفرش كمان ٣٠,٠٠٠ ج وهددفع مهر ٥٠,٠٠٠ ج ، والفرح هيطلع من المسجد
بمصروفات هيجيبها النقاط بعدين عادي
(الحسبة دي علشان إنت معاك فلوس بس ، غيرك لو مش معاه بيعمل أقل من كدا
بكثير)

٥/عارف دلوقتي إنت متزوج ومعاك كام ؟
300.000 ج مبلغ كان معاك + ١٠٠,٠٠٠ ج جمعيات عملتها وقبضتها قبل الزواج
_ ٢٠٠,٠٠٠ ج خشب وأجهزة ورفايع ومهر)

إنت تزوجت وتبقى معاك ٢٠٠,٠٠٠ ج تعمل بيهم مشروع 😊
اتحرك في المشروع بسرعة علشان تنتهز فرصة ورزق اللي جت بيتك دي وربنا
هيبارك بسبب نيتك ، كل مقومات نجاح مشروعك موجودة
المقومات بتاعة نجاح المشروع هتزيد لما ربنا يرزقك بعد عام بطفل إن شاء الله


[#تصحيح مفاهيم الزواج](#)



لو تقصدي بـ (يستقل) إنه ياخذها في
حيازته.. فهذا صحيح 😊

لكن لو تقصدي إن تيسيرهم له (يقلل) من
شأنها فهذا وهم منتشر في مجتمعات
النساء المنفلتات ممن ليس لهن قيمة بغير
المهور

وقع معايا أكثر من مشكلة لنساء
(نواشز) بمعنى الكلمة ، الزوج متوقف في



تطليقها بسبب تيسير الأب معه في بداية الزواج
أحدهم قال لي: (والله هي مطلعه عين اللي جابوني بس أنا مراعي والدها الراجل
المحترم اللي زوجني وأنا فقير ولم يشق عليا ، مش علوز أزعله)
كثير منهم متحمل بسبب دي ... (دي طبائع غالبية الرجال ، حتى غير الصالح منهم
تلاقيه كدا)

الشاذ عن القاعدة دي كدا كدا هيفضل شاذ عنها سواء تم التيسير أم لم يتم
وبعدين يا أخواتنا إحنا بناخد ديننا وأفكارنا من مين ؟
أم المؤمنين عائشة تقول: (إِنَّ مِنْ يُمْنِ الْمَرْأَةِ: تَيْسِيرَ خِطْبَتِهَا ، وَتَيْسِيرَ صَدَاقِهَا ،
وَتَيْسِيرَ رَحِمِهَا)
الفاروق عمر يقول: (وإنَّ الرَّجُلَ لِيُغْلِي بِصَدَقَةِ امْرَأَتِهِ ، حَتَّى يَكُونَ لَهَا عِدَاوَةٌ فِي
نَفْسِهِ)

#يارب_نفهم 🌸

#تصحيح_مفاهيم_الزواج



-السلام عليكم ورحمة الله وبركاته ، الشيخ أحمد معايا ؟
=وعليكم السلام ورحمة الله وبركاته ، معاك ياغالي ، اتفضل
-أنا بكلمك من برا مصر وكنت عاوز آخذ رأيك في حاجة
=خير إن شاء الله
-أنا شاب عندي ٢٥ سنة وعاوز أتزوج ، والدنيا صعبة أوي ياشيخ
=إيه اللي صعب الدنيا عليك ؟
-لسه لحد دلوقتي ملقيتش وظيفة ثابتة ياشيخ
=أنا برضو لسه لحد دلوقتي ملقيتهاش زيك
-ملقيتهاش ؟ 😞
=أيوا والله ، بس يعني هو إنت زواجك واقف على إنك تلقى وظيفة ثابتة ؟
-اممم ، يعني 😞
=ياابني إزاي بس ؟...إنت كدا مش هتتزوج خالص
-أمال أعمل إيه ؟
=عندك وظيفة بتاكل وتشرب منها ؟
-الحمد لله مستورة
=لو معاك واحدة مسؤولة منك ، هتلقى أكل وشرب لها ؟
-الحمد لله ، مش للدرجادي يعني
=طب ما تنجز وتجييها ، مستني إيه ؟
-مش عارف ياشيخ ، كنت بقول يعني لازم أوصل لمرحلة كدا من الإستقرار المادي
الأول وبعدين أفكر في الزواج
=طب وليه متفكرش في الزواج الأول وبعدين تُرزق بسبب زواجك وبسبب الخلفة
؟
إيه سبب التغافل يعني عن كل مسببات الرزق دي ؟
ياشيخ إنت قلبت دماغي خالص
=عارف أنا ساعات بنصح الشباب يسيبوا بيوت الأهالي إمتى ؟
-إمتى ؟

لما والد البنت يكلمه في الإستقرار المادي ده 😊

معقولة 🤖

طبعاً ، ياغالي إنت لازم تشتغل على إن الزواج دا هو مشروعك الأول ، متقعدش تكبر في السن والفرص قدامك بتتصعب وإنت غافل عن الزواج ، عيالك يشوفوك وإنت لسه بصحتك يبقى فيك حيل تربيههم وتتابعهم ، إنت عندك شك إن الزواج من ضمن أسباب الرزق ؟

لما أبداً والله ياشيخ

=إنت بتقول كذا بلسانك وبس ، بس قلبك مش مصدق ، صح ؟

-يعني ياشيخ ، الله المستعان

=إنت لما تقع في ضائقة .. تزوج

ولما تقع في ضائقة بعد الزواج.... خَلِّف

فاهم دي ؟

-آه ، آه فاهمها ياشيخ

=ناوي تعمل إيه لما تاخذ أجازة وتنزل مصر ؟

-ناوي أجيلك تقوللي الكلمتين دول تاني ، دا أنا كنت في غيبوبة والله ياشيخنا 🙏

[#تصحيح مفاهيم الزواج](#)



أسأل الله تعالى أن يرزقك بما يُقر عينك
أختي الفاضلة : مرور قطار الزواج حتى تصل
الفتاة لسن معين ليس معناه أن المعادلة عندها
صارت أن الحياة ستستمر بلا زوج
بالعكس... أنتِ وإن كان الخلل من عندك أو من
عند أوليائك فينبغي عليك البحث عن الزوج
الصالح بأي طريق متاح شرعي
يمكن للفتاة تقديم بعض التنازلات كما هو الحال
للشباب الذي يختار على حسب ظروفه... (هذا
ليس عيباً)
التحسر والبكاء على الفرصة الضائعة ..

السلام عليكم ورحمة الله وبركاته جزاك
الله خيراً انا انسه دكتورة صيدلانية 40
عام وبدأت في متابعتك منذ فترة قصيرة
كل كلامك صح وسبحان الله بعض
الزيجات كانت لم تكتمل بسبب ما تتطرح
من تصحيح للمفاهيم لكن ياريت كل
الناس تعرف وتفهم وخاصة الاهالي
والبنات الصغيره والله بتحسر علي نفسي
وانا من غير زوج ولا أسرة ووحيدته الحمد
لله على كل حال ربنا ينتقم ممن زرع مثل
هذه الأفكار الخاطئه في بيوت
المسلمين ربنا يعينك علي تصحيحها
وياريت الناس تفهم وتعقل قبل فوات
الأوان
أتمنى تقرأ رسالتى وتشاركها وانا كل م
فى داخلى

(قمة العجز)

بل على المسلم مع الاستعانة والدعاء أن يأخذ بالأسباب

[#استعيني بالله ولا تعجزى](#)



الخطة 🤖

يبدأ الشيطان في رسم خطة التفريق ، إنه سيتفنن في ذلك منذ الوهلة الأولى لإنشاء
وإقامة البيت

يظن البعض أن الشيطان يحضر فحسب ساعة المشكلات ، وهذا خطأ ❌
إنه قد رمى البذور مبكراً جداً حتى صارت المشكلة هي نفسها الحصاد
جذور تدخله تتجذر حالياً في دولااب ملابسك ، تتجذر في النيش ، تستقر على أرفف
المطبخ ، معلقة على الجدران التي تسترونها بالستائر ، إنه يعيش على كل هذه
الزوائد التي ما حضرت إلا بفضل الكتالوج الذي وضعه لطرفي العائلتين 🙌

❖ قال النبي ﷺ: (فِرَاشٌ لِلرَّجُلِ ، وَفِرَاشٌ لَأَهْلِهِ ، وَالثَّالِثُ لِلضَّيْفِ ، وَالرَّابِعُ لِلشَّيْطَانِ) كان معك ويلازمك في تجهيز بيتك ، لم يتركك لحظة واحدة.. إنه لم يكتف بما يعينك وزوجك وضيئك إن حضر ، لاااااا...سوف يجعلك تُحضر له ما يلزمه طوال الحياة لقد كان يلعب على كل الأطراف ، فها هو يلعب على أم العروسة ويقول لها النص الشيطاني: (بنتي مش أقل من أي حد)

وها هو يدخل لأم العريس بدورها ويقول لها: (هتجهز ابننا أحسن جهاز) الفشخرة والفخر والتباهي فيما لا طائل منه كان نصيبه من البيت ، (في كل رابع أربعة سيستقر ويؤسس تنظيمه هناك 🐱)

👉 ليس هذا فحسب ، بل لن يكتفي بذلك ، إنه سيحافظ على هذا الرصيد كي لا يقل قد تتكسر الأواني ، تتمزق الوسائد ، يبلى الخشب ، تضعيع الملاعق 🍴 لا تقلقوا.....كل هذا مكتوب في ورقة شيطانية تحفظ للشيطان دوره في الرجوع إليها

ها هي الزوجة عند الخلاف أتى لها وقال على لسانها: (والله لأبهدله بالقايمة) القائمة التي هي رصيد الفشخرة والفخر مما قبله الزوج على نفسه ووقع عليه وكان الشيطان شاهداً على أول عتبات تضعيع القوامة

❖ هل لا زال فينا من يظن أن المشكلات الزوجية أمر طارئ لم يعد له ؟ إن الشيطان من الوهلة الأولى يعيش في البيت ويسكنه قبل ساكنيه المهم...أن رب البيت دوماً يحافظ على عدم وجوده بتعليمه لأولاده هذا الدرس: (سموا الله قبل الأكل علشان الشيطان مياكلش معاكوا)

والشيطان أساساً يعيش في الأطباق الزائدة 🍴

[#فهل سنفهم موقعه 🤔](#)



النشور باستخدام النصوص

لما كنت في مرحلة الإعدادي ظهرت أمامي أول صورة لامرأة متدثرة في حياتي في الوقت ده كنت صغير وهي كانت جارتنا وكانت دائماً تتكلم بالشرع والنصوص الشرعية ، وفي الوقت ده كنت صعب جداً تسمع من النساء التحدث في التفاصيل الفقهية دي

ساعتها كنت معجب جداً بكلامها ، وكانت دائماً تيجي تزور والدتي وتقعّد عندنا وتحكي أحياناً لوالدي عن مشكلاتها مع زوجها

كان والدي رحمه الله مهتم بحل مشاكل الناس ، لما أتيت له فرصة الجلوس مع زوجها فوجئ إن الراجل طيب أوي والست دي ناشز وجايه بطريقة جديدة كان والدي أول مرة يشوفها (ناشز بصبغة شرعية)

أبويا في يوم رجع مرهق من الشغل وصحي علشان يصلي العصر ، وأنا توضأت ونازل أصلي معاه ، فوجئ بالست دي بتشرب الشاي مع أمي في الصالة

قبل ما ينزل قال لها: (اشربي الشاي بسرعة علشان أنا هنزل)

الست ظهر عليها التوتر وفهمت إنه بيطردها فقالتله: (ياأستاذ جمال..أنا بحترمك وبقدرك ، صحيح أنا أكبر منك سنّاً لكنك ياأستاذ جمال أكبر مني مقاماً)

أبويا قال لها: (ليه؟..هو انتي مواليد سنة كام؟)

قالتله: (مواليد ١٩٥٧)

قال لها: (أنا مواليد ١٩٤٨ ..انفضلي اشربي الشاي)

وإحنا رايعين نصلي قلت لأبويا: (إنت عملت معاها كدا ليه؟)

لإن والدي كان لطيف جداً مع الناس ودي مش عادته

قاللي: (الوليه بنت الـ بوظت بيتها وجايه تلعب في دماغ أمك)

#حد_فهم_حاجة؟

اوعى تسيب بيتك لكل من هب ودب يدخل يفرغ سموم أفكاره النسوية وإنت

مغتر بالكلام والحجاب الشرعي

➡ أبويا عارف إن أمي على الفطرة ودماعها مش هتجيب إن اللي بتتكلم كدا ممكن تكون ناشز بس مستترة بالكلام الشرعي الجميل وبدل ما تاخذها قدوة ليها وتتشرب من أفكارها كان لازم الحزم

➡ أمي ربنا يحفظها لما سألتها عن دا بعدها (لإني لقيتها متقبلة جداً قرار أبويا ولم تعتبره إهانة لها والست قاعده معاها) قالتلي: (أبوك يا حبيبي هو صاحب القرار في بيته ويعرف نوعيات الناس أكثر مني)

➡ من الأمانة اللي ربنا هيسألك عليها (أهلك) هيسألك عن عقيدتهم وأفكارهم... (فلازم تكون أد الأمانة وتتابع هما بيتعرفوا على مين)

[#تصحيح مفاهيم الزواج](#)




#أحكام قائمة المنقولات

👉 أثارت قضية قائمة المنقولات المعمول بها في مصر جدلاً واسعاً بين مؤيد ومعارض ، ولأجل بسط هذه المسألة كان لا بد لنا من حوار يُجلي أصل المسألة ومآلاتها بما هو موجود على أرض الواقع

👉 وإليكم الحوار

-السلام عليكم ورحمة الله وبركاته ،
إزيك يا شيخنا ، أنا اتلخبطت جامد في الموضوع اللي إنت بتكلمنا فيه بتاع



قائمة المنقولات دا ، مش فاهم الدنيا رايحة فين وجايه منين خالص
=وعليكم السلام ورحمة الله وبركاته ، الله يسلمك يامصطفى ، إيه اللي عاملك
لخبطة يادرش وأنا أوضهولك

-ياشيخنا ، مش إنت كنت بتكلمنا إن ربنا جعل للنساء مهر عند الزواج ؟..وإنت
اللي كنت بتشرح لنا قوله تعالى: (وَأَتُوا النِّسَاءَ صَدُقَاتِهِنَّ نِحْلَةً)
وقلت لنا إن المهر مش لازم يكون في شكل مُعِين ، يعني ممكن يكون فلوس أو
ذهب أو فضة أو عقار أو أي شئ ، دا حتى سيدنا (ثَابِت بن قَيْس) [رضي الله عنه]
أعطى زوجته عند الزواج حديقة ، وممكن كمان المهر يكون مُقَدَّم أو مُؤَخَّر أو جزء
منه كدا وجزء كدا ؟

=تمام ، قلت كدا فعلاً ، فين المشكلة ؟
-ياشيخ ماهو المشايخ التانيين قالوا طالما ينفع يكون بالصور دي كلها فإيه المشكلة
يكون عبارة عن عِزَال [عَفَش] ويتكتب بالعِزَال دا ورقة لضمان الحقوق ، ومش
هنختلف بقى نسميها قايمة نسميها نايمة المهم إنها لضمان الحقوق مش أكثر
=يعني القايمة دي علشان ضمان الحقوق يامصطفى ؟

طبعاً ياشيخ ، فين المشكلة في كدا ؟
=المشكلة إنك تركز كويس جداً على ضمان الحقوق دا لنهاية الحوار ومنتراجعش
😊

-أترجع عن إيه ياشيخنا ؟..مش فاهم 😊
=شوف يامصطفى ، التوصيف القانوني للقائمة عبارة عن عقد من عقود الأمانة ،
ملهاش علاقة بالزواج ولا بالطلاق خالص
-عقد أمانة دا يعني إيصال أمانة ؟

=أيوا كدا بالضبط ، إيصال أمانة ملوش أي علاقة بزواجك أو بطلاقك ولا بيبكون
مُعْتَرَف بيه في التنازع في أحوالك الشخصية
-طب وفين المشكلة ياشيخنا ؟..ما هو الحاجات دي هتكون في ملكية الزوج بالفعل
وهو مسئول عنها طالما اعتبرناها مهر

تمام ، لو بتعتبرها مهر فعلاً فهل هناك حالات لرد المهر الزوجة بتكون ملزمة
ببها ؟

-اممم ..أكيد زي حالة الخلع مثلاً

تمام ، وفي الوقت ده علشان القائمة عقد أمانة ملوش علاقة بزواجك ولا بطلاقك
فمش هيكون له علاقتك بخُلعك وهيتقال لك ساعتها ملكش تطالب بمهرَك اللي في
القايمه ، دي مش وثيقة متعلقة بالأحوال الشخصية أصلاً ، المُعترف بيه في الحالة
دي فقط هو مؤخر الصداق المكتوب في قسيمة زواجك

-يعني إيه ياشيخ ؟..يعني اتخلع وتأخذ القايمه ؟

-وبالقانون ، بالقانون يامصطفى حتى لو هي اللي رفعت دعوى خلع بدون أي سبب
، وعلشان كذا متستغربش إن ٨٧% من حالات الطلاق في مصر بقت خلع ، والسبب
إن القايمه خارج الموضوع ، تختلع وتأخذ كل حاجة بغير وجه حق
-إزاي ياشيخ ؟..طب لو الزوج مثلاً اكتشف على زوجته أمر من أمور النشوز يعمل
إيه في ظل القايمه دي مثلاً ؟

-يامصطفى ، الزوج لو اكتشف إن زوجته بتزني والمهر في الحالة دي شرعاً بيتم
إسقاطه هيقولولك (القايمه ملهاش علاقة بحياتكوا الشخصية مع بعض) هتزني ولو
مش عاجبك هتخلعك وتأخذ القايمه اللي إنت وغيرك بتفتكروها مهر أو جزء من
المهر

-ياخبر إسود ...دا على كذا بقى الراجل لو هيتكلم بكلمة في بيته هيتسلوَح

-يامصطفى ، القايمه معموله أساساً علشان الراجل ميقاش له كلمة في بيته ، بقولك
الزوجة لو زانية الزوج بيلزَم يديها القايمه بالرغم من حكم ربنا في القرآن: {يَأْتِيهَا
الَّذِينَ ءَامَنُوا لَا يَحِلُّ لَكُمْ أَنْ تَرِثُوا النِّسَاءَ كَرِهًا ^ص وَلَا تَعْضُلُوهُنَّ لِتَذْهَبُوا بِبَعْضِ مَا
ءَاتَيْنَهُنَّ إِلَّا أَنْ يَأْتِيَنَّ بِفَلْحَشَةٍ مُبَيَّنَةٍ وَعَاشِرُوهُنَّ بِالْمَعْرُوفِ فَإِنْ كَرِهْتُمُوهُنَّ فَعَسَى
أَنْ تَكْرَهُوا شَيْئًا وَيجْعَلَ اللَّهُ فِيهِ خَيْرًا كَثِيرًا }[سُورَةُ النِّسَاءِ: ١٩]

واحد بالك من (وَلَا تَعْضُلُوهُنَّ لِتَذْهَبُوا بِبَعْضِ مَا ءَاتَيْنَهُنَّ إِلَّا أَنْ يَأْتِيَنَّ بِفَلْحَشَةٍ مُبَيَّنَةٍ)

حتى في وجود الفاحشة مبقاش لك إنك تُعضلها علشان تترك لك المهر [عفشك وذهبك] اللي بقى مش من حقها

-طيب ياشيخ ما هو المشايخ لما بيفتوا بجواز القايمه بيفتوا بده على أساس الحكم الشرعي ، اللي حضرتك بتتكلم فيه دي أحكام قضاء وضعي هما ملهمش فيه ؟ بل أنا سمعت كذا واحد فيهم بيقول بحكم الشرع وبيحكم برد المهر في مثل الحالات دي =علشان أوضحك الشبهة دي هتكلم معاك في ٣ نقاط يامصطفى

-اتفضل ياشيخ

=النقطة الأولى يادرش هسألك: (إيه هي مقومات الشيخ اللي له يُفتي الناس ؟..وليه بيفتيهم ؟)

-مقوماته إنه يكون عالم بالشرع ويطبق علمه على واقع الناس ، وبيفتيهم علشان يدلهم على خيرى الدنيا والآخرة في اتباع الشرع

=تمام...كلامك دا ينطبق على واحد بيفتيك بفتوى وبعد ما تعمل بالفتوى بتاعته تتفاجئ إنك خسرت حق شرعي لك ؟

-لما طبعاً مينفعش

=الشيخ اللي بيفتيك بالقايمه يامصطفى بيفتي في ورقة قانونية مش ورقة شرعية ، ورقة محل النزاع فيها هيكون المحاكم مش المساجد ، يعني ملوش حجة بعد ما يفتيك وتتفاجئ إن الناس راحوا للمحكمة علشان القايمه ورقة قانونية يقولك أنا أفتيتك بالشرع ومليش دعوة الناس هيعملوا معاك إيه ، طب ما هو إنت ياشيخ قبل ما تتكلم بالشرع لازم تكون فاهم الواقع بيقول إيه ؟..الشيخ مش جهة تنفيذية يامصطفى علشان يفتيك بشئ يضيع حقوقك ولما ترجعله بحقك ضايع يقولك اصبر واحتسب فقد ابتليت في مالك

-صحيح فعلاً ، وكمان مينفعش الفتوى تكون بتصب في صالح طرف بأي وجه والطرف الثاني متكونش الفتوى بتحفظله حقه ، طب والنقطة الثانية ياشيخ ؟

=النقطة الثانية هو إن المفتي المفترض يدل الناس على الصدق مش الكذب

-أكيد طبعاً ، بس إيه علاقة دا بموضوعنا ؟

=ما هو القائمة دي يامصطفى ما هي إلا عبارة عن ورقة كلها كذب × كذب

مثلاً: إنت بتشتري العفش بتاعك ، والزوجة بتشتري العزال بتاعها ، وحضرتك بتدفع مهر [اللي هو ببسموه شبّكة] وبعدين كل ده بيتكتب في القايمه تحت مسمى المهر وبيتكتب فيها إنها من حر مال الزوجة وإن الزوج استلمها على سبيل عارية الإستعمال وسوف يقوم بردها وقتما تطلبها الزوجة

-يعني الحاجات دي مكتوب إنها على سبيل الأمانة عنده وإنها من حر مال الزوجة ؟..طب ما هي فعلاً ياشيخ تعتبر من مال الزوجة بعد ما الزوج سلمها لها كمهر وهو عارف

=يامصطفى ، عارية الإستعمال مبنية على الإنفراد ، يعني لما أستعير منك شئ لا بد أكون أنا اللي بستعمله لوحدي ، ينفع آخذ منك عربيتك لمدة شهر وتكون بتركبها معايا وبعد الشهر تطالبني باللي تلف في عربيتك واللي كنت إنت السبب فيه ؟ لما طبعاً

=تمام ، يبقى العارية دي لازم تكون إنت بس اللي هتستعملها علشان تضمنها ، هل المحكمة بتعترف بالنقطة دي ؟

-لما طبعاً ، دا أنا ابن خالتي لما زوجته خلعتة واستلمت قايمتها قعد يشتري في أطقم كاملة من النيش بالرغم إن بنت المجنونة هي اللي كانت كل ما تزهق تفعد تكسر فيه 🍷🍷

=لما وكمان لو قالت العفش دا مش بتاعي بيتم الحكم عليه ويجيب غيره ، ودي قضية اسمها (تبديد عفش)

-طب والذهب الزوج هيعمل فيه إيه ؟

=بالرغم إن الذهب مع الزوجة إلا إنه بيتكتب كمان على الزوج ، ولو الزوجة تركت البيت وأخذت الذهب ورفعت القايمه فالزوج ملزم يرد الذهب تاني يرد الذهب تاني ؟

=طبعاً ، ومفيش شئ ينقذه من ده غير أمانة الزوجة اللي المشايخ عولوا عليها من البداية وخونوا الزوج


-أمانة الزوجة ..😏أنا فهمت ليه ابن خالتي جاب الذهب تاني 🧑🏻

=والنقطة الثالثة بقى إن الزوج بيتم حبسه في المهر ، ودا شئ غير جائز مطلقاً ، بل إن شيخ الإسلام ابن تيمية رحمه الله قيد على الزوجات أخذ المؤخر إلا عند الطلاق أو الوفاة لما شاف الأزواج بيتحبسوا فيه ، شوف ابن القيم رحمه الله يقول إيه في كتاب الطرق الحكمية نقلًا عن شيخه ابن تيمية :

(وَمِنْ حِينَ سَلَطَ النِّسَاءُ عَلَى الْمُطَالَبَةِ بِالصَّدَقَاتِ الْمُؤَخَّرَةِ، وَحَبَسَ الْأَزْوَاجَ عَلَيْهَا، حَدَّثَ مِنْ الشُّرُورِ وَالْفَسَادِ مَا اللَّهُ بِهِ عَلِيمٌ. وَصَارَتِ الْمَرْأَةُ [إِذَا أَحَسَّتْ مِنْ زَوْجِهَا بَصِيَانَتِهَا فِي الْبَيْتِ، وَمَنْعَهَا مِنَ الْبُرُوزِ، وَالْخُرُوجِ مِنْ مَنْزِلِهِ وَالذَّهَابِ حَيْثُ شَاءَتْ]: تَدْعِي بِصَدَاقِهَا، وَتَحْبِسُ الزَّوْجَ عَلَيْهِ، وَتَتَطَلَّقُ حَيْثُ شَاءَتْ، فَيَبِيتُ الزَّوْجُ وَيَظَلُّ يَتَلَوَّى فِي الْحَبْسِ، وَتَبِيتُ الْمَرْأَةُ فِيمَا تَبِيتُ فِيهِ فَإِنْ قِيلَ فَالْشَّرْطُ إِنَّمَا يَكْتَبُهُ حَالًا فِي ذِمَّتِهِ تَطَالِبُهُ بِهِ مَتَى شَاءَتْ)

يعني بقى يلزمهم يحددوا وقت للمطالبة بالمؤخر مشروط مثلاً بالطلاق أو الموت (علشان تكون له قوامة على زوجته مش كل ما يأمرها بأمر تغضب وتطالبه بالمؤخر وتسجنه)

-تمام ، أنا كدا فهمت ، بس هو المشايخ عارفين كل دا ياشيخ وساكتين ؟
=المشايخ يامصطفى اللي بيفتوا بالقايمة منهم مشايخ مغيبين تماماً عن الواقع ، بيكون حبيس مكتبته ميعرفش الدنيا فيها إيه وبالتالي بيفتي فتاوى تدبس طرف على حساب طرف تاني ، ولما تيجي تكلمهم في كل الأبعاد دي تلاقىهم مغيبين تماماً عنها ومنهم مشايخ اتأثروا بالخطاب النسوي وهما نفسهم مضغوط عليهم بقوايم وبيزوجوا بناتهم زي ما الناس ماشيين فبقوا يبرروا الباطل ده علشان مش عارفين ولا قادرين يواجهوا كل البلاوي دي ، هتلاقىهم مثلاً في الفتوى يقولوك: (وهذا مما عمت به البلوى)

فبدلاً من القضاء على البلوى بحملات الوعي للرجوع لأصل الشرع بقوا يسايروا البلوى علشان ضعفاء 

-طب ياشيخ كنت سمعتك بتتكلم إن القايمة دي كمان عبارة عن ثغرة ممكن تهدم البيت في أي وقت

=القيامه يامصطفى عبارة عن إيصال أمانة الزوج بيكته على نفسه بمقتضاه مش ممكن يكون له قوامة على زوجته ، متخيل زوج عليه إيصال أمانة وعليه كمية الزور ده يقدر يمارس القوامة ويقول لزوجته لأ على أي شئ هو يرى المصلحة في خلافه ؟

-معتقدش طبعاً

=ولذلك المشايخ اللي مش عارفين طبيعة النساء وفطرتهن اللي بسببها ربنا سبحانه جعلهن تحت ولاية رجل في كل مراحل الحياة مينفعش يدوها سلاح مضاد للقوامة والولاية دي ، إنت نفسك بتشوف البنت اللي بتغضب وتروح بيت أبوها الأب مبيعرفش يقولها كدا غلط ليه ؟..ما هو كمان مش عارف يمارس القوامة من اللي زوجته عاملها فيه ، وهل ينفع أو يصح إن زوج يعيش بإيصال أمانة ماضي فيه على عزال شقة كامل والمفتاح في إيد الطرف اللي ممكن يحبسه لو مثلاً سرق الشقة أو كسرت العفش هي وأهلها مع أي مشكلة وطالبته بيه جديد ؟...هو ليه المشايخ بيفترضوا خراب الذمم في الشباب فقط ومفيش ولا بند واحد يأمن الشباب لو العكس حصل ؟...هو الزوجة دي معصومة هي وأهلها من الزلل ؟...وبسبب كدا بقينا نلاقي الجهاز المركزي للتعبة العامة والإحصاء بيقول إن كل دقيقتين فيه حالة طلاق بتحصل ، شايف الشيطان لعب على ثغرة نقل الولاية إزاي ؟

-طب ياشيخ إيه اللي واجب علينا نعمله ؟

=الواجب الناس يرجعوا لأصل الشرع يامصطفى ، الشاب يجهز شقته بإمكانياته من غير فشخرة وحاجات ملهاش لزمة ويقدم للبنت مهر يكون في حدود إستطاعته ، والبنت وأهلها مش مطلوب منهم شئ نهائي غير التيسير على الشاب لو كان صاحب دين ، ونحفظ حق البنت في المهر كمان تحسباً لأي زيغ ممكن يطرأ على الشاب ، ولو فيه جزء من المهر مؤخر يتم كتابته في القسيمة بوضوح شديد لا تنازل فيه ، الإيمان يزيد وينقص يامصطفى مينفعش نعول على النوايا أو الثقة في الأشخاص في كتاباتنا للعقود

-طب ولو أهل البنت عاوزين يساعدوا ياشيخ ؟

=مساعدة أهل البنت عمرها ما تكون شئ إلزامي عليهم ، دا شئ هما مش مجبرين عليه ، لو عاوزين يقدموا لبنتهم هدية مفيش مانع ، لكن إنهم يقدموا هدية وبعد كدا يكتبوا الشاب إيصال بالهدية علشان مش مآمنينه والهدية تفضل تحت إيد بنتهم كمان ؟..شئ عجيب جداً وكمية تناقضات وأكل أموال الناس بالباطل ملهاش حد

هاه... لسه فاكّر مسألة ضمان الحقوق اللي كلمتني عنه في بداية الحوار ؟
ضمان حقوق إيه بس ياشيخ ، واضح إن المشايخ اللي بيفتوا بالقايمة دول بيفتوا بشئ مش عارفين عنه حاجة أصلاً 😊

طب ياشيخ هل فيه حاجة تاني ممكن تكون ثغرة لحياة الزوجين لو مفيش قايمة ؟
=أيوا ، إنهم ميكونوش موضحين إن مفيش قايمة ، لأن القانون في بعض دوائر القضاء ممكن يحكم للست بقايمة حتى وهي مش معاها قايمة وواخده كل حاجتها وتاخذ حاجة الزوج بغير وجه حق بـ(قائمة المثل)

طب ودا الحل فيه إيه ياشيخ ؟
=الحل إن المآذون يكتب في القسيمة (مُقدم المهر + المؤخر إن وُجد) ويكتب بكل وضوح في خانة الإشتراطات الخاصة إن كل محتويات الشقة ملك خالص للزوج لا يجوز للزوجة المطالبة به وأنها تسلمت مهرها بالكامل ، ولو المآذون رفض ممكن يتعمل ورقة خارجية بالكلام ده والزوجة ووالدها يمضوا عليها وممكن تتسجل في أي شهر عقاري

الفتوى بغير كده تعتبر فتوى لطرف دون طرف والشيطان أساساً لا يجد مجال عمله إلا في الثغرات لكي يوقع النتس في المظالم

بس ياشيخ الواحد يعني هيتزوج من بيت ناس محترمين أكيد محدش هيقبل الحرام
=الناس المحترمين دول هما اللي مش هيفرق معاهم يأمنوا غيرهم (مش هيكونوا شايفين نفسهم يعني)

وكمّان موضوع قبول الحرام دا كانت حجة كل الشباب اللي في المحاكم دلوقتي واللي منهم ناس محبوسين بالفعل ، هو الشباب دول كانوا دخلوا بيوت شايفينهم نصابين من البداية؟..الكل كان بيقول كدا والشيطان كان له رد فعل تاني)

-على رأيك والله ياشيخ ، ١٢ مليون قضية أسرة في المحاكم أكيد يعني العدد دا مش جاي من فراغ
 =الفراغ هو اللي إحنا سمحنا للشيطان بالدخول من خلاله يامصطفى لبيوتنا ، ولو رجعنا للشرع الكل هيستريح
 -الله ينور عليك ياشيخنا ، بإذن الله مش هتزوج بغير الشرع ، شكراً جداً يامولانا
 =الله يبارك فيك يادرش ❤️

#بيارب نفهم

#قائمة المنقولات حرام شرعاً ❌



فكرة تربية جيل وبث العقيدة فيه دي مش مجرد فكرة ولا شئ...دا هو دا طريق الأنبياء على مر العصور
 والقول أن كل الأجيال يُفعل معها هذا وسنظل في حلقة مفرغة ، فهذا فهم خاطئ تماماً
 إذ أنه يتوجب على المصلحين القيام بدورهم ولا عليهم هل مكن لهم أم لا
 هل هذا الجيل يستحق النصر ؟
 دا جيل الأم فيه مبتعرفش تعيش مع زوج غير بإيصال أمانة خشية وجود قوامته... هو دا جيل

لدي سؤال... ارجو الا يتم فهمي بشكل خاطئ، لماذا نستمر بقول ان افضل شيء لنصرة الامة مثلاً هو التركيز على جانب الاسرة و تربية اطفال عسى ان يكونوا هم قادة الامة... واعتقد ان هذا الكلام تم توجيهه ايضا للجيل السابق و الان لجيلنا و لا استبعد ان يقال نفس الكلام للجيل القادم ، اعني لما لا نكون نحن من يرفع لواء التمكين هذا بدلا من القاء هذه المهمة على الجيل القادم؟ هل سنستمر فى هذه الحلقة المفرغة؟

النصر اللي بتكلموني عنه وإن الدعاة اشتغلوا عليه!

#افيقوا يرحمكم الله



أخي صاحب المشكلة ، اسمع مني أنت
وغيرك هذه الكلمات

كانت تعيش معك وتحسن عِشْرَتَكَ ، ثم ابتلاها
الله بمرض لا بإرادتها ولا بإرادة أحد ، فكرت
في الزواج الثاني لتعف نفسك في زمن ملئ
بالفتن

أَيكون أول ما تكافئها به أن تُعَلِّق على شكلها
بعد مرضها بطريقة فيها ما يجرحها ؟

أحسب أن المشكلة في رفضها ليست في
زواجك بقدر ما هي في توقيتك وكلماتك التي
ربما كانت سبباً في قهرها

تعيش في مرضها بين صراع الصبر على

ابتلائها وبين زوج نَفَرَ منها بسبب البلاء ويُصرح لها بذلك

سَقَطَ من نظر أولادك ، هذا السقوط ربما كان هو نفس تصرفهم لو فعلت هي
معك ذلك

سألني أحدهم قبل زواجه في نفس حالتك فنصحته أن يتزوج لإعفاف نفسه دون
أن يخبرها.. (ويحك أخي لا تقتلها مرتين)

لا تكونوا عوناً للشيطان على صاحب البلوى

اصلح ما بينك وبين أولادك.. أنا لا أري لهم أبداً قطيعتك وأنت (الأب) مهما
فعلت... كي لا يكون مبرراً لولد أن يقطع صلته بأبيه

انصحك أن تتصدق عنها ، تستغفر لها ، تفعل الخير الذي لو كانت عاشت معك
لفعلته

يا شيخ كان عندي زوجة عشنا مع بعض
16 سنه وكانت فعلا انسانه كويسه جدا
ومقتصرتش في حقى ايدا ولكن هي
اتصابت بالسرطان فبسبب الكيماوي
وتساقط شعرها طبعاً والمرض فشكلها
كان منفر جدا فكنت عايز اتجوز ثاني
عشان اعف نفسي وقتها هي رفضت
وقلت ادبها معايا قالت اني ندل وانا
بصراحه علقت بطريقة جارحه على شكلها
وقتها فهي عيطت واصرت عالطلاق
وطلقتها ومن حوالي شهر هي توفت
من المرض واولادي 15 و 12 سنه مش
بيكلموني والمعظم بيلومني وكانت
بتقول انها مش مسامحاني وهي بتموت
هل عليا ذنب او ظلمتها ؟

انتبهوا....ليست المشكلة في زواجه فقد يكون واجباً ، المشكلة في تجريحها بدلاً من مواساتها

[#تصحيح مفاهيم الزواج](#)



👉 في لقاء تليفزيوني مع د/ محمد المسير (رحمه الله) تم سؤاله عن خبر انتشار في الصحف وقتها وهو (سن قانون برفع سن الزواج)..ويومها قال المشايخ أن هذا القانون يشجع الزنا



➡ وهذا هو نص الحوار بين الدكتور والمذيع

-المذيع: أكيد الصورة مش قاتمة كدا يادكتور ، يعني مش كل البلاوي دي هتحصل لما يترفع سن الزواج

=الدكتور: المشكلة في إن إحنا بنعالج ظاهرة ليست هي الظاهرة المؤرقة في المجتمع ، إحنا عايشين دائماً في وهم

(لا للزواج المبكر_لا لتعدد الزوجات_لا مش عارف إيه) ودي قضايا مش موجودة في المجتمع بالشكل المؤرق ، إحنا عندنا قضايا أشد وأنكى..هذه القضية قضية الزواج المبكر.كام في المائة بيتزوجوا زواج مبكر؟

-المذيع: قليل

=الدكتور: دا النهارده الناس كلها مش لاقية تتجوز

-المذيع: بس الأرياف يادكتور مش كدا

=الدكتور: أرياف إيه معدش فيه أرياف دلوقتي الريف زي المدينة كل بنات وأبناء الريف في الجامعات

-المذيع: بيجيبوا في الجرايد يادكتور عيال ٩ سنين و ١٠ سنين متجوزين

=الدكتور: لا مكنش كده..مكنش فيه الأخلاقيات المؤسفة دي

-المذيع: مكنش فيه زواج عرفي

=الدكتور: لا جواز عرفي ولا العلاقات المفضوحة دي، دا دلوقتي إحنا دلوقتي بنعاني

أزمة أخلاق في الجامعات ، تعالى في الأفراح بتاعتنا ، بنبدأها بإيه؟..إحنا بنبدأها
بأسماء الله الحسنى بتنتهي بإيه؟..بالرقص 🍷

-المذيع: لا مبقاش فيه رقاصات دلوقتي في البلد

=الدكتور: أمال فيه إيه؟

-المذيع: بقت نادر دلوقتي

=الدكتور: لأ...الناس المدعوين بيقوموا يرقصوا ، هو لازم أجيب واحدة رقاصة؟

-المذيع: آه حرام طبعاً..😄بس خرينا الأول نتكلم في التليفون اللي جالنا دلوقتي

(انتهى السؤال...ورحم الله فضيلة الشيخ)

[#واخدين بالكوا؟](#)

السؤال كان عن رفع سن الزواج..الدكتور قعد يبحث في المصايب التانيه اللي الإعلام
بيتغافل عنها ، شايفين اتكلم عن أي مصيبة؟#...[الجامعات](#) اللي شبهها بالـ

[#كباريهات](#)

👉الدكتور المسير (رحمه الله) مات في عام ٢٠٠٨

يعني بيحكي عن وضع الجامعات من ١٧ سنة

الدكتور لو جه أيامنا دلوقتي وبعد كل الفساد ده وشاف حفلات التخرج والرقص اللي
بقي عالمكشوف ، هيقول إيه؟

إحنا عايشين أزمة دعاة بعدوا عن الواقع واكتفوا بكلمتين قرأوهم زمان عن أحكام
الشرع..أو كانوا بيحضروا دروس علم فعلاً بس غالباً كانوا بيناموا والمشايخ
بيشرحولهم الواقع ده..علشان كذا ساعة التطبيق للأسف بتلاقى بلح

[#ربنا يرحمنا 🙏](#)



إشارات في تربية الأبناء

فيه حاجة كدا لازم الإخوة يراعوها في تربية أبنائهم الذكور [بالذات]... (متسيش ابنك من غير ما تصاحبه وتأخذه معاك قعدات ناس كبار) لو هتسييه يتعرف على اللي في سنه فقط بحجة إن دي قعدة ناس كبار وكدا هيطلع طفل دماغه صغيرة جداً... (معظم الجيل اللي طالع دا تافه ومعدوش هدف) معنى إن ابنك الذكر تكون كل جلساته عائلية بصحبة الأم هيتعود على قعدات الستات.. (حتى وإن كانت الأم صالحة) المنسـونين اللي بيهاجمونا كل شوية دول غالب قعداتهم وهما صغيرين كانت مع نساء للأسف ، اللي فلاح في الجيل اللي فات كانوا أطفال قعداتهم مع مشايخ ورجالة وكان أهاليهم بيسيوا لهم مساحة من التعاملات من وهما صغيرين بل غالب مشايخنا اللي بنشوف فيهم نزعة الرجولة آبائهم كانوا بيشغلهم من وهما في الابتدائي ودا كان بيساعدهم على الإحتكاك بالناس والتجارة من الصغر بعض الإخوة بيحبسوا عيالهم علشان خايفين عليهم من سماع ورؤية كل ما يحدث بالخارج ، الممنوع مرغوب يا إخوة ، واللي هتخليه يسمعه اليوم وتصوبه له أفضل مليون مرة من اللي هيسمعه بعدين وهو شايفه حاجة جديدة بينبهر بيها اللي عنده بنت بقى يحاول يديها عاطفة على أد ما يقدر ، وامنعها من قعدات أصدقائك ، متعودهاش على التبسط مع الرجال حتى من الأقارب .. خلي كل معاملاتها مع نساء عن طريق الأم فحسب

#ربنا يحفظ أولادنا



حت الحرم لقت الرجال والنساء كذا مع بعض عادي .. رجعت من هناك لقتني بتكلم عن الاختلاط وخروج النساء وهكذا طبعاً شبهتها منطقياً جداً..(أنا يعني هفهم أكثر من المشايخ اللي هناك وساكتين؟)🙄

#هجاوبك ياأختي👉

👉الأصل في ديننا إننا لما بنختلف في شئ بنرجع فيه للكتاب والسنة شوفي مثلاً النبي ﷺ لما بيقول: (صَلُّوا كَمَا رَأَيْتُمُونِي أُصَلِّي)...يبقى هنصلي زي ما كان

السلام عليكم ورحمة الله وبركاته
جديدة على الصفحة بس استوقفتني شوية حاجات لقيت حضرتك مركز عليها وهي حرمة الاختلاط وخروج النساء وكذا وكذا
ياشيخ أنا كنت في العمرة وكنا بينطوف مع الرجالة عادي فهل حضرتك افقه واعلم من مشايخ المسجد الحرام ؟ مش فاهماك بصراحة ليه التشدد ده ياريت تنشر رسالتني وترد على الشبهة من فضلك

بيصلي حتى لو الكل خالفه

ولما يقول: (خذوا عني مناسككم)..يبقى هنتعلم فعله في المناسك كان إيه وهنعمل زيه

#هل الحج زمان كان مختلط؟🤔

👉في صحيح البخاري برقم (١٦١٨) يقول عطاء وهو يصف طواف أم المؤمنين عائشة رضي الله عنها (كانت عائشة رضي الله عنها تطوف حجرة من الرجال لا تخالطهم) [وحجرة معناها معتزلة]

دي صفة حج أمك وأما عائشة رضي الله عنها

بل كمان في الرواية التي بعدها برقم (١٦١٩) يقول النبي ﷺ لأم سلمة رضي الله عنها (طُوفِي مِنْ وَرَاءِ النَّاسِ وَأَنْتِ رَاكِبَةٌ) وكانت في هذا الوقت مريضة...(دي صفة حج أمهات المؤمنين..مفيش إختلاط مطلقاً)..كله بعيد عن الرجال

بل لما كانت خلافة عمر بن الخطاب رضى الله عنه ورأى ابتعاد الناس عن هذا الأصل .. (نهى أن يطوف الرجال مع النساء.. فرأى رجلاً معهن فضربه بالدرّة) أى بالسوط الذى فى يده 😞 أخبار مكة للفاكهي)

عمر لقي راجل ييطوف مع النساء فضربه 😞

تتعجبي أكثر لما تشوفي الشرف اللي وصلته امرأة وراحت لأم المؤمنين عائشة تبشرها وتقول لها (يا أم المؤمنين طفت بالبيت سبعا ، واستلمت الركن مرتين أو ثلاثا) فتفكري عائشة قالت لها إيه؟

أم المؤمنين عائشة قالت لها (لا أجرك الله ، لا أجرك الله .. تدافعين الرجال ! ألأ كبرت ومررت ؟!)

شايفه...للدرجادي الموضوع كان شديد عندهم

لما خالفنا الأصل دا .. أصبح ما نحن فيه هو الأصل.. وأصبحت أفعال أمهات المؤمنين هي التشدد.. ولو رجعنا لدينا لما وجدنا مخالفة

[#معنى الكلام](#)

اللي موجود في الحرم دلوقتي وضع خاطئ .. وفكرة إن مشايخ المسجد الحرام والفقهاء هناك ساكتين عليه فدا ميخليش الحرام حلال مطلقا ... (بدليل إنهم ساكتين عن حاجات أكبر من كذا بكثير عادي)

كمان فيه حجة الناس بيرددوها في الموضوع ده وهو إن العدد كبير ومنقدرش نقيم الشرع هناك حجة ضعيفة جداً لأن هذا اتهام لله أنه لم يكن يعلم أن الأمة سيصل عددها لهذا العدد فيستثنى ذلك بنص في قرآن أو سنة وحاشاه .. (وما كان ربك نسياً)

والعجيب بقى إن بعض الناس بدأوا يرتبوا حگم وعبر ومواعظ من الكوسة دي ويقولولك: (الاختلاط فى الحرم بيكون علشان الناس يفتكروا يوم القيامة وعلشان يتعلموا إن كل واحد ينشغل بنفسه مش باللى حواليه) 😞

طيب الناس دول هيسمحوا لنا بعد كده نطوف بالبيت عراة زى ما هنكون يوم القيامة وللا إيه؟ 😞😞

[#يارب نفهم](#)



المقطع اللي بعرضه قدام حضراتكم ده لشيخنا
العلامة الشيخ / محمد بن صالح العثيمين (رحمه
الله)

الشيخ بيتكلم في هذا المقطع عن (حرص أعداء
الإسلام على اختلاط الرجال بالنساء)
بيجاوب وبيشرح السبب الخفي الذي جعلهم
يحرصون على هذا....الشيخ يقول عن نتيجة
كده



(يُصبح الناس وكأنهم كالحَمِير لا يهتمهم إلّا بطونهم وفروجهم وتُصبح النساء وكأنهن
(دُمى) أي صور فلا يهتم الناس إلّا بشكل المرأة ، جعلها كصورة من البلاستيك لا
يهمها عبادة ولا أولاد ، ثم يريدون إقحامها في وظائف الرجال فيتسكع الشباب في
الأسواق ليس لهم شغل ويحصل من فراغهم شر كبير وفتنة عظيمة لأن (الشباب
والفراغ والغنا) من أعظم المفاسد ، وكذلك توظيفها يحدث به الاختلاط والزنا
والفاحشة سواء (العين أو اللسان أو اليد أو الفرج) كل ذلك محتمل إذا كانت المرأة
مع الرجل في الوظيفة

ثم إنها إذا وُظِّفَت ستتعزل عن بيتها وزوجها وتصبح الأسرة متفككة ثم بعدها سيحتاج
البيت لخدام فنستجلب نساء العالم من كل مكان وعلى كل دين وعلى كل خُلق ولو
كان الدين على غير الإسلام ولو كان الخُلق فاسداً
نجلب نساء الخارج ليعملن في بيوتنا ونسائنا يعملن في محل رجالنا فيحدث تفكك
الأسرة

فالطفل الذي يتربى ليس أمامه لا أمه ولا أباه فيفقد الطفل تعلقه بهما فتفسد البيوت
قد يقولون هذا لا يعارض العقيدة ، ولكننا نقول هو يهدم العقيدة

قال النبي ﷺ: (ما تركتُ بعدي فتنةً أضرَّ على الرجالِ من النساءِ)
وَجَبَ على الأمة المسلمة أن تعارض هذه الأفكار وهم يعلمون أن آخر معقل لهذا
الدين هذه البلاد
يجب علينا شباباً وكهولاً وشيوخاً وعلماء ومتعلمين أن نعارض هذه الأفكار وأن نقيم
الناس كلهم ضدها حتى لا تسري فينا سريان النار في الهشيم فتحرقنا 🔥)
انتهى كلامه رحمه الله

👉 انظر كيف أن الشيخ قد وضح وبيّن وربط رحمه الله بين مساعي الغرب الكافر
في خروج النساء وبين هدم العقيدة وتفكك الأسر
ثم قارن بين كلامه منذ ما يزيد عن ثلاثين عاماً وما يحدث اليوم وكيف أن النساء
والغناء والاختلاط كما حذر سيكون آخر حجر في هدم ديار التوحيد
#رحم_الله_مشايخنا 🌟



👉 الإستشهاد ببعض مواقف النبي ﷺ
من غير ذكر تربيته لأصحابه
الذين قد غرس في نفوسهم
وعقولهم تبشيع الكفر
والموبقات ومن غير ذكر الفارق
الكبير بين فهمهم بما تربوا عليه
وبين جيلنا (نوع من أنواع
التدليس الذي نبرأ بأهل الفضل أن

كان رسول الله ﷺ إذا نصره مُرابي أو كافر مشراً
بالله أو أجاره من الظلم فإنه كان يقبل نصرته
وجواره ولا يشنع عليه، ولا ينكر عليه- في وقتها-
أعظم ذنب في العالم وهو (ذنب الكفر)!

بل كان ﷺ يحفظ له الجميل ويذكر جميله بين
الناس ويمدحه به. وما كان (أبو طالب) ولا (بن
أريقط) ولا (بن مُطعم) من الكفر ببعيد!

أحمد الأهواني
7 أبريل الساعة 2:34 م

أحمد الأهواني
7 أبريل الساعة 2:31 م

يقعوا فيه)

يحكي لنا النبي ﷺ أن بغياً من بغايا بني إسرائيل سقت كلباً فغفر الله لها

يحكي هذا وهو يذكر لك وصفها ونعتها ، وما كان من تربيته لهذا الجيل أن يفهم من ذلك تساهلاً في المحرمات ثم (سقيا كلب) 🐕

النبي ﷺ يأتيه علياً ليقول له: (إِنَّ عَمَّكَ الشَّيْخَ الضَّالَّ قَدْ مَاتَ فَمَنْ يُوَارِيهِ) يتحدث بهذا عن رجل من أكثر الذين انتفعت بهم الدعوة ولكنه مات مشركاً لم ينكر عليه تضليله له مع صنيعه في حياته

فالعائد لا تعرف المداهنات !

يسمع خالداً يسب الغامدية بعد رجمها ، فيدفع السب عنها ويخبره كيف قبل الله توبتها

في وقت يعلم من أصحابه تبشيعهم للحرام والموبقات ، بل ربما ما انتهوا من رؤيتها في صورة المرجومة ثم تأتي أنت ، نعم أنت

في زمان لا تعلم المسلمات ما هو المطلوب منها ، ولا الغاية المنشودة منها ، بل لا تعلم المسلمة بأي طريق يتحقق الـ(كارير) لها كمسلمة وتنتهي على امرأة قالت كلمة من غير توضيح ماذا تفعل ؟

إن هذا الغرب لا يخشى من كلمة خرجت من هنا أو من هناك كما تزعمون ، فقد وصل بالمرأة التي تعيش بينهم لما أرادوا إنه يخشى من هذه المرأة التي تعي أن مهمتها التي ستؤرق مضاجعهم هي القارة في بيتها ، التي تربي جيلاً يهزمهم

لا هذه التي ذهبت وعاشت واختلطت بينهم وأعطت لهم أولادها يربوهم في مدارسهم لا تكونوا فتنة للمؤمنات أكثر من هذا ، لا ترى منك المسلمة أنك تتجاهل كل هذه الموبقات أمام كلمة ! فالإيمان قول وعمل فلا تكونوا مرجئين

اثنوا عليها إن كان عندكم أقل درجات الوعي الذي يصل للمسلمات منكم ...أنتم في زمان لا تعي المسلمة أصلاً لماذا خلقت

[#افيقوا_يرحمكم_الله](#)



👉 الأخ زياد اللي معايا في
الصورة دا كان كل شوية
يعدي عليا يقوللي: (مش
لاقي عروسة من اللي إنت
بتقول عليهم) ... [زياد اللي
لابس بدلة] 😊



قعدت معاه فترة كدا أشرح
له يختار إزاي لحد ما جه في
يوم يقوللي: (أنا لقيت طلبي
وزيادة) 😊

👉 إمبراح دعاني لحضور عقد زواج أخته اللي تزوجت هي كمان زواجاً شرعياً
وكانت المفاجأة إني أقابل حماه ونسيبه هناك
حماه الشيخ محمد عبدالستار من دعاة الجمعية الشرعية [واقف جنب زياد] ، لما
سألته هو إنت زوجت زياد إزاي دا دائماً بيشكر في حضرتك
قاللي: (هو معقول أكون قاعد طوال عمري أكلم الناس في الرجوع للدين ولما أزوج
بنتي أزوجها غلط ؟)

👉 المفاجأة بقي كانت بأحمد ابن الشيخ محمد.. [اللي واقف جنبي]
أحمد بيقوللي: (إنت عارف أنا كمان اتزوجت إزاي ؟)
بقول له: (إزاي ؟)
قاللي: (كنت بكلم أصدقائي في الكلام اللي بقرأه عندك يقولولي... وإن هتلاقي دا فين
(؟)

قلت لهم: (يعني ربنا خلق كل النساء دول ولم يخلق واحدة لأحمد عبد الستار) 😊
بيقوللي: (والله ياشيخ بالنية دي دخلت بيت ومش معايا ولا مليم ، رزقت بعدها
بشهرين بشغل والحمد لله تزوجت واحدة أهلها ناس زي الفل ، مش مصدق إن
الفكر دا لسه موجود فعلاً)

[#استعينوا بالله_ياشباب](#)

تربية جيل والعمل على النية دي من أكبر المهمات اللي تشتغل عليها
متخلوش مشاهد المنفلتات تصرفكم عن وجود النموذج ده

[#تصحیح_مفاهيم_الزواج](#)



إحنا بقينا مفتقدين لقدوة المرأة الصالحة لدرجة إننا بنهمل لواحدة تعمل في بلاد
الكفار وتحت يد الكفار وتختلط بالرجال من المسلمين والنصارى والملحدين والكفار
ولكنها وقفت وناصرت القضية!

والله لقرارها في بيتها وتربية جيل التمكين خير لها من كل هذه الموبقات
بل لن تنتفع الأمة بها وبغيرها وهي تاركة ثغرها الذي ينبغي عليها أن تقف عليه
أيها الدعاة... بلاش نسونة ، اصدعوا للناس بالأصل الذي يقيم لمسلمة دينها ويصوب
عقيدتها



على مدار ٤ شهور ويوسف بيتردد
عليا يفهم مني يعني إيه زواج شرعي
يوسف كان عنده تساؤل بيردده كل
ما يشوفني: (وهلاقي الكلام اللي بتقول
عليه دا فين؟)



قلته: (لازم تستعين بالله وتشتغل
على نفسك صح علشان تُرزق ببنت
صالحة)

من شهرين لقيته جايلى

بوالده...بيقوللي: (عاوزك تقنعهولي بالموضوع) 🤔

قعدت مع والده والحمد لله والده اقتنع بالزواج الشرعي ، وكان بيقوللي: (ابني على
كدا مش هيتزوج خالص) 😊

إمبارح يوسف كان بيعزمني عالشبكة بتاعته ، بسأله حصل إيه ؟

قاللي: دخلت بيت مكنتش متخيل ألاقى زيه ، لسه بكلم والدها في الزواج الشرعي
قاللي زي ما تحب ياابني محدش هيزعل من شرع ربنا

بيقوللي: قلته هقدر أجيب ذهب بـ ٤٠,٠٠٠ ج فقاللي زي ما تحب مش عاوزين
نشق عليك

بقول له: طب حضرتك عاوز المؤخر يكون كام ؟

قاللي: المؤخر دا بيكون دين عليك ، وأنا مش حابب زوج بنتي يكون مديون ،
وساب الموضوع عليا برضو

طب الشقة يا حاج هقدر أجهز أوضتين ، قاللي ولا يهكم يا حبيبي بنتي هتعيش معاك
زي ما تحب.. إحنا ارتضينا دينك وخلص

#ياشباب أنا مش بكلمكوا في أوهام ولا خيالات... سيبك من كل اللي بيهدوا أملاك
في تكوين أسرة صالحة ولا تلتفت

انجز عمرك ومتضيعش وقتك في التفكير من غير ما تنزل عالارض

ادخل بيت واثنين وثلاثة ولا يهكم ، رزقك موجود ومنتظرك ومش هيروح لغيرك



جيل التمكين

أخ إمبراح كان قاعد معايا بيكلمني عن إحباطه من اللي بيحصل وبيتابعه ليل ونهار لإخواننا وإحنا مش قادرين نعمل لهم حاجة قعدت أكلمه إن مفيش حاجة اسمها مُسلم يُصاب بالإحباط ، بل واجب على كل مسلم يشتغل علشان لما ييجي اليوم اللي يقدر يقدم فيه شئ يبدأ فوراً وميتأخرش ، وقعدت أرفع من روحه المعنوية وأرسمله الطريق ولما سألني: (طب إنت بتعمل إيه علشان تكون حاسس إن فيه أمل)

قلتله: (أنا من سنوات أدركت إن الجيل دا مش متربي على أي عقيدة تأهله يكون سبب في أي نصر ، فقلت مفيش غير إننا نعمل معاه زي ما النبي ﷺ عمل مع الصحابة ، بدأت فعلياً أعلم الناس العقيدة الصحيحة ، بل بعد سنوات اكتشفت إن الناس اللي بيبتربوا عالعقيدة دول مش لاقيين بعض ، كل واحد قدرت أنا وغيري أربيه عالعقيدة يروح يتزوج واحدة زواج غلط ويعيش مُكبل بشوية بدع المجتمع فرضها عليه وكل واحدة اتعلمت العقيدة بتدخل لها أفكار النسـ.ويات المدعومة بأدوات تلغي قوامة زوجها صاحب العقيدة ده واللي بيفتنها بكدا شوية مسلمات غالبيتهن بيشغلوا محفظات قرآن وشوية مشايخ بيشغلوا على مخطط النسـ.وية أكثر من النسـ.ويات أنفسهم وبالتالي بيطلعوا عيال مش رجالة ، قررت أجمع بين الطرفين علشان الجيل يطلع مضبوط....[مواقع زواج شرعي _ سلاسل تعلمك تختار _ سلاسل تعلمك تتعامل مع المسلمات علشان تقدر تفرق بينها وبين اللي هتختلط بيهن في المجتمع _ سلاسل للمسلمات تقدر بيها تفرق بين زوجها وبين الرجال اللي بتشوفهم في عيلتها ومجتمعها....دا أنا كمان اخترعت فكرة سحب مسلمة عندها عقيدة من بيت معندوش عقيدة علشان المسلمة دي محتاجينها عن طريق دعوك أهلها

للشرع وعلشان نلحقها نتزوج زواج صح....في عام ٢٠٠٥ لما بدأت بفكرتي دي كان الدعاة أصدقائي بيقولولي ياعم وإنت على كدا هتقعد أد إيه ؟..كنت بقول لهم أنا ربنا أمرني بالبلاغ كما أمرَ النبي ﷺ ولم يأمرني بحتمية وجود النتيجة... دلوقتي والقص...ف شغال أنا بنفسي شايف الفارق بين اللي ربنا وفقني أنا وغيري له وبين شغل غيرنا من الدعاة اللي بينوحوا وبس....إحنا مشروعنا بالفعل قدر يجمع بين الطرفين دول ، ربنا وفقنا إننا نترك كل بدع المجتمع دي ويكون معنا جيل جديد من المواليد جمعنا لهم أب وأم على العقيدة الصحيحة.. هيتربوا صح وهيكونوا بذرة للتمكين)

ياإخوة....طريق الأنبياء مكنش بالكلام بل كان بتأسيس العقيدة لما تقعد تنشر قضية وتطالب غيرك ينشرها من غير ما تربى نفسك.... إنت كدا بتلعب والله

إحنا لحد دلوقتي بنقنعك بقضية الرزق ، بنقنعك بثوابت في دينك تاهت منك إحنا بنقنعك تترك عمل حرام وغيرنا بيقولك متسيبهوش غير لما تلاقي البديل....(إنت عقيدتك هشة يا صديقي)

إحنا كدا بنقرب وإنت بتبعد للأسف ومش واخد بالك الداعية الصادق مبيقعدش بيكي ولا يعيط ولا ينوح زي باقي الناس...(أمال هو داعية للدين ليه ؟)

الداعية بيشتغل عالارض علشان يكون سبب في خروج جيل التمكين ولا يستبعد الطريق

{ قُلْ هَذِهِ سَبِيلِي أَدْعُو إِلَى اللَّهِ عَلَى بَصِيرَةٍ أَنَا وَمَنِ اتَّبَعْنِي وَسُبْحَانَ اللَّهِ وَمَا أَنَا مِنَ الْمُشْرِكِينَ } 🙏

[#الهم_استعملنا_ولا_تستبدلنا 🙏](#)



#الخلع وأحكامه 🤔👤

👉 في الوقت الذي صارت أحكام الخلع تمثل نسبة ٨٧% من أحكام الطلاق المقضي بها في المحاكم ، كان لا بد لنا من فهم الموضوع وأحكامه ، وكان لنا هذا الحوار 👉

-السلام عليكم ورحمة الله وبركاته ،
إزيك ياشيخ أحمد



=وعليكم السلام ورحمة الله وبركاته ، الله يسلمك يادرش ، خير ياعم طمني.. إيه اللي حصل لـ(هاني) ؟

-هاني ابن خالتي ياشيخ حصل معاه حاجة غريبة أوي ، زوجته بتقول له هخلعك ومش عاوزة تعيش معاه خالص ، لما بنسألها عن السبب بتقول لنا إنها عاوزة تحقق ذاتها وهو مانعها من الخروج للعمل ، النسوان اتجننوا ياشيخ وفاهمين إن الست ممكن يكون لها إرادة في زواجها وطلاقها أصلاً

=علا حول ولنا قوة إلا بالله ، هو بصرف النظر عن طبيعة الطلب بتاع زوجة هاني بس إيه حوار إن الست ملهاش إرادة في الزواج والطلاق دا يامصطفى ؟

-طبعاً ياشيخ.. مش النبي ﷺ بيقول: (إِنَّمَا الطَّلَاقُ لِمَنْ أَخَذَ بِالسَّاقِ)...يعني اللي أخذ بساق المرأة وهو الزوج طبعاً ياشيخنا!

ولما بتتزوج وليها هو اللي بيزوجها 🏠

=كلام جميل يامصطفى ، ولكن فيه أحكام كتير في الشرع تفهمك إن الست لها رأي وقرار أحياناً في إنشاء وفسخ عقد زواجها ، أحوال كتير جداً

-إزاي بس يامولانا ، هو الست لها من الأمر شيء ؟!

=طبعاً يادرش ، أم المؤمنين عائشة رضي الله عنها تقول: (جاءت فتاة إلى رسول الله ﷺ فقالت: يا رسول الله، إنَّ أبي زوجني ابنَ أخيه يرفعُ بي خَسيستَه، فجعلَ الأمرَ إليها، قالت: فإنِّي قد أَجَزْتُ ما صنعَ أبي، ولكنْ أردْتُ أنْ تَعْلَمَ النِّساءُ أنْ ليسَ للآباءِ منَ الأمرِ شيءٌ)[حديث صحيح]

-مش فاهم ياشيخنا 😊

=دي بنت يامصطفى والدها زوجها من ابن أخيه ، الشاب ده كان خسيس (يعني غير كُفء لهذه الفتاة _ فقير مُعَدَم مثلاً أو شئ من هذا القبيل)...فالنبي ﷺ جعل الأمر إليها....(يعني بإمكانها تطلب فسخ عقد والدها اللي زوجها بغير موافقتها)
-وفسخت العقد ياشيخ ؟

طأ...أجازت ما فعل والدها بس كانت عاوزة تعلم النساء الحكم الشرعي ده لما يطلع من النبي ﷺ علشان ميجهش حد بعد كدا يجبر بنت تتزوج من غير رضاها
-بس ياشيخنا دي حالة وإحنا غالباً عارفينها كلنا...إن موافقة البنت مهمة في الزواج
طأ أبداً ، الإمام ابن القيم مثلاً ذكر حوالي ٢٠ حالة للفرقة بين الزوجين...ممكن يكون منهم طلاق عن طريق الزوج أو فرقة بالموت أو فسخ للعقد
نصف الحالات دي تقريباً ممكن تكون عن طريق الزوجة
-عن طريق الزوجة ؟

=أيوا يامصطفى ، الشريعة بتاعتنا فيها (وإن يَتَفَرَّقَا يُغْنِ اللَّهُ كُلًّا مِّن سَعَتِهِ)...إحنا مش زي الكاثوليك ممنوع عندنا الطلاق ، وعقد الزواج دا ليس عقداً مؤبداً (فإنَّ خِفَ تَمَّ أَلَّا يُقَيِّمَ حُدُودَ اللَّهِ فَلَا جُنَاحَ عَلَيْهِمَا فِيمَا افْتَدَتْ بِهِ)

لأنه في الأساس شرع لإقامة الحدود وإعزاز الدين وإنجاب ذرية ترضي الله ورسوله
لو الغاية متحققتش أو غلب على ظن أحد الطرفين عدم تحقيقها ممكن يتم إنهاء العقد للمصالح دي

-طب إزاي الست ممكن الفرقة دي تكون عن طريقها ياشيخنا ؟
=حالات كتير يادرش..مثلاً زي حالة (المرأة المُجْبَرَة)..زي البنت اللي راحت للنبي ﷺ ولسه قايلك حكايتها

وزي مثلاً الزوجة اللي اشترطت شرطاً صحيحاً عند العقد على الزوج والزوج أخل بالشرط بعدين

-هو الست كمان ممكن تشتترط ياشيخنا ؟

=طبعاً يادرس..النبي ﷺ يقول: (أَحَقُّ الشُّرُوطِ أَنْ تُوفُوا بِهِ مَا اسْتَحَلَّكُمْ بِهِ
الْفُرُوجُ)[البخاري ومسلم]

ممكن تشتراط مثلاً أو يشترط وليها نفقة معينة تتناسب مع حالتها الإجتماعية ، تشتراط
السكن في مكان معين زي اللي بتشتراط السكن في المدينة بدلًا من الريف ، وزى
اللي بتشتراط عدم السكن في بيت عيلة

-يعني الزوج لو أخل بالشرط يحصل إيه ؟

=ساعتها الست تكون مُخَيَّرَة بين إسقاط حقها مجاناً [تتنازل عن الشرط بالتراضي]
أو تتنازل عنه على عَوَضٍ [تأخذ مُقَابِلَ عن التنازل] أو تطلب فسخ العقد خالص
برغبتها علشان الزوج أخل بشرط للعقد

-يااااه...للدرجادي ياشيخ ؟

=طبعاً يامصطفى...الشريعة فيها حلول لكل مشكلاتنا ، فاكّر مثلاً (وائل) أخوك
ومشكلته مع زوجته ؟

-طبعاً ياشيخ ، دي فضحتنا آخر فضايح 😊

=هو اللي كان غلطان يامصطفى ، كان بيسيبها فترات طويلة ويسافر وكل ما تطلب
منه يقعد معاها ميسافرش كان يقول لها (وناكل منين)

-بس هي كانت أوفر بصراحة ياشيخنا ، وائل كان بينزل لها شهر كامل كل سنتين
=أهي زوجة وائل دي لو كانت فاهمه الشرع كانت طلبت فسخ العقد من غير صياح
كثير

-تطلب فسخ العقد ؟

=طبعاً ، هو الشريعة هتسيب واحدة تتعرض للفتنة علشان زوجها كل حاجة عنده
الفلوس ؟

-أمال اللي زوجها بيغيب بقى وبيختفي دي حالها إيه ؟

=برضو لها تطلب فسخ العقد بعد التأكد أو غلبة الظن بموته..هنسيبها يعني لحد ما
تموت منتظراه ؟...برضو لو الست وجدت في زوجها عيوب زي الجنون أو

الجذام أو العنة...عيوب ستحول بين عيشتها معاه وبين مقاصد الزواج الشرعية

-على كدا بقى ياشيخنا الست ممكن تطلب التفريق بضياح الكفاءة كمان ؟

=دي برضو من الحالات اللي تديها الحق في طلب فسخ العقد ، زي الكفاءة في الدين

يعني لو طرأ على الزوج فسق وبقي مُعتاد على الكبائر (زي الزوج الزاني أو الزوج اللي بيسب الدين)

-تطلب فسخ العقد علشان دينه ؟

=طبعا...لو ثبت إن الأمر من الأمور المُفسِّقة ومن الكبائر لها ذلك ، لإن الكفاءة في الدين شرط ابتداء واستدامة ، يعني مش بس يكون صاحب دين ، لا دا كمان لازم يستمر ويستديم على الدين ده

-إنت ناقص بقي ياشيخنا تقول الست هي اللي هتطلق الراجل مش هو اللي هيطلقها



=حقيقي ، ودي حالة اسمها الوكالة في الطلاق ، يقول لها في بداية الزواج مثلا: (أمرِك بيدِك) أو (طَلَاكُ بيدِك)...اللي هي بنسُميها كدا (جعل العصمة بإيدها) ودا ينفع ياشيخ ؟

=شرعا يجوز ، ودا شئ جائز مش لازم ، يعني ممكن الراجل يرجع في توكيله بس قبل ما تطلقه هي

-ودا يبقى راجل يعني ياشيخ ؟ 😊

=أنا هنا مش بتكلم عن الرجولة من عدمها ، أنا بتكلم عن أحكام شرعية ، إنت شايفني يعني عاجبني الراجل اللي بيخلي العصمة بإيد زوجته أو بيسببها لحد ما تُفْتَن !

-طب وفي الوضع دا ياشيخنا كدا الست اتطلقت خلاص ؟

=طأ...يبقى النكاح فُسِّخ

-اتطلقت يعني

=فيه فرق بين الطلاق والفسخ ، لو اتطلقت يبقى اتحسب عليها طَلقة ، ولكن لو تم فسخ النكاح تبقى مش طَلقة ، بس مش هترجع غير بعقد ومهر جديد

-أفهم من كدا إن اللي طلبت الفسخ لو كانت مُطلَّقة مرتين كدا متبقاش محتاجة مُحل

؟

علا مش محتاجة ، لو النكاح تم فسخه متبقاش طلقة ، بس تم التفريق بينها وبين زوجها بالفسخ

-ياشيخ إحنا نسينا حوار زوجة هاني ياشيخ ، الست اللي هتخلع زوجها دي 😊
=مفيش حاجة اسمها واحدة بتخلع زوجها ، الزوجة لا يجوز لها أن تخلع الرجل
-إزاي ياشيخنا مش فاهم ، أمال الخلع الموجود دا إيه ؟..النساء اللي خلعوا أزواجهم
دول إيه ؟

=يامصطفى الست لا يجوز لها فسخ النكاح ولكن يجوز لها طلب الفسخ ، وكذلك
الخلع...الست مبتخلعش بس بتطلب الخلع...(الفرق كبير)

-تقصد تقول إن الست تطلب الفسخ أو تطلب الخلع من حد يعني وهو اللي يقرر ؟
=أيوا يامصطفى...الست مفيش في إيديها التفريق مباشرة ، ودي حالة حصلت في
عهد النبي ﷺ من حالات طلب التفريق

-حالة إيه ياشيخنا ؟

=سيدنا عبدُ الله بنُ عباسٍ رضيَ اللهُ عنهما يحكي أنَّ جَمِيلَةَ بنتُ أَبِي ابنِ سَلُولَ
(رَضِيَ اللهُ عنها) امرأةُ ثَابِتِ بنِ قَيْسٍ رَضِيَ اللهُ عنه أَنَّتِ النَّبِيَّ ﷺ فَأَخْبَرَتْهُ أَنَّهَا لَا
تَعِيبُ عَلَى زَوْجِهَا ثَابِتِ بنِ قَيْسٍ شَيْءٍ يَنْقُصُهُ مِنْ جِهَةِ دِينِهِ أَوْ مِنْ جِهَةِ خُلُقِهِ
قَالَتْ جَمِيلَةُ عَنْ زَوْجِهَا: (أَمَا إِنِّي مَا أَعِيبُ عَلَيْهِ فِي خُلُقٍ وَلَا دِينٍ ، وَلَكِنِّي أَكْرَهُ
الْكُفْرَ فِي الْإِسْلَامِ)

عاوزه التفريق

-يعني إيه تكره الكفر دي ياشيخ ؟...هو كان عاوزها ترتد عن دينها ؟

=علا يامصطفى... جَمِيلَةُ كانت شابة جميلة وثابت كان دميم فكانت تُبَغِضُهُ لِإِمَامَتِهِ ،
وَقُبْحِ صُورَتِهِ ، وَتَخْشَى أَنْ يُؤَدِّيَ بِهَا هَذَا النُّفُورُ الطَّبِيعِيُّ مِنْهُ إِلَى كُفْرَانِ الْعَشِيرِ ،
والتَّقْصِيرِ فِي حَقِّ الزَّوْجِ ، وَالْإِسَاءَةِ إِلَيْهِ ، وَارْتِكَابِ الْأَفْعَالِ الَّتِي تُتَافَى الْإِسْلَامَ مِنْ
الشَّقَاقِ وَالْخُصُومَةِ وَالنُّشُوزِ وَنَحْوِهَا مِمَّا يَتَوَقَّعُ مِثْلُهُ مِنَ الشَّابَّةِ الْجَمِيلَةِ الْمُبْغِضَةِ
لِزَوْجِهَا أَنْ تَفْعَلَهُ

-يعني كانت عاوزه تفترق عن زوجها ؟

=أيوا...شاييف إزاي مفيش واحدة بتفترق كدا من نفسها ؟...راحت للنبي ﷺ علشان هو اللي يحدد يجوز الفرقة وللا لأ

طب والنبي ﷺ عمل إيه ؟

=النبي ﷺ قال لها: (أتردين عليه حقيقته ؟ قالت : نعم قال رسول الله ﷺ لثابت: اقبل الحديقة وطلقها تطليقة)

-هو دا بقى العوض اللي بيقلوا عليه ياشيخ ؟

=أيوا يامصطفى...الست لما تطلب من القضاء الاختلاع من زوجها بترد له اللي دفعه في بداية زواجها منه (المسمى لها في بدء زواجها)

طب ولو الزوج طلب زيادة ياشيخ عن المهر نظير إنه يخلعها ؟...ما هو علشان يتزوج غيرها برضو محتاج يدفع مهر والمهر أكيد سعره زاد عن مهرها

=فيه خلاف بين العلماء في زيادة العوض عن المسمى لها ، بعض العلماء يرون ذلك من الدناءة ، ومنهم اللي استدل برواية تانيه صحيحة ، إن النبي ﷺ قال لها: (أتردين حقيقته التي أعطاك ؟ قالت : نعم وزيادة ؛ فقال النبي ﷺ : (أما الزيادة فلا ؛ ولكن حقيقته قالت نعم)

يعني النبي ﷺ رفض الزيادة

-يعني دلوقتي لو الزوج طلب منها الزيادة عن مسمى المهر مينفعش ؟
علا طبعاً...أنا بنقل لك الرأيين بس وإلا فالمذاهب الأربعة على جواز الخلع بأكثر من الصداق ، وذلك لقوله تعالى: (فَلَا جُنَاحَ عَلَيْهِمَا فِيمَا افْتَدَتْ بِهِ) الآية عامة، فتشمل القليل والكثير

وكمأن لأن (الربيع ابنة معوذ ابن عفراء) قالت لزوجها أختلع منك بكل شيء أملكه، فقال الزوج: نعم

وقبل الزوج وتم الخلع ولم ينكره السلف وقتها

ياشيخ دا زوجة هاني أصلاً عاوزة تختلع وتأخذ مهرها كله

=هههههه..شاييف إحنا بنتكلم في خلاف السلف بين رد الصداق أو زيادة عنه ودي عاوزة تختلع وتطلع بمهرها كمان 😊

ما هو القاضي هيحكم لها بكدا يامولانا ، سمعت إن القاضي هيحكم لها بالخلع وهيرد المؤخر بس ، لكن مُقدم الصداق غالباً مش مكتوب في القسيمة اللي تحت إيديه ، كدا الخلع صحيح برضو ؟

طبعاً.. مش صحيح ، لازم ترد المهر كاملاً وإلا الخلع يكون باطل لعدم وجود العوض ، القاضي بيحكم بناءً على الأوراق اللي قدامه ، والأوراق اللي قدامه مفيش فيها ورق متعلق بالزواج غير القسيمة فبيرد المؤخر بناءً على ذلك

ولو اتزوجت بعده ياشيخ ومعملتش ده ، إيه الوضع ؟
=هتبقى زانية ، هي لسه على ذمة الأول إلا لو الأول طلقها فعلياً وارتضى بما أخذه بس الخلع ياشيخ دلوقتي مفيهوش طلب طلاق من الزوج في الغالب ، يعني القاضي بيطلق على طول

=شوف يامصطفى...القاضي ملزم يعمل زي ما النبي ﷺ فعل...قال لثابت (طلقها تطليقةً)

طب لو الزوج مرضيش يطلق ياشيخ ، القاضي ينفع يخلعها منه ؟
=المسألة دي اختلف فيها العلماء خلاف كبير ، الإمام ابن مفلح مثلاً في كتاب الفروع قال : (وقد اختلف كلام شيخنا في وجوبه [يقصد شيخ الإسلام ابن تيمية] ، وقد ألزم به بعض حكام الشام المقدسة الفضلاء)

بيوضح أن شيخ الإسلام أوجبَه مرة ولم يوجبَه أخرى
(حسب حال القضاة من الديانة)

يعني هو ينفع ياشيخ زوجة كدا تختلع من زوجها والزوج مش راضي ؟
=يعني يامصطفى عاوز تعتقد إن الفقهاء هيسيبيوا وضع واحدة عايشه مع زوج بقى مدمن مخدرات ومش راضي يطلقها والمخدرات ضيعته جنسياً ، مش هيلاقوا لها حل ؟

عاوز أخت تعيش مع زوج مش هتقدر تقيم حدود الله معاه ؟
أنا يامصطفى اتعرض عليا حالة لزوجة هربت من زوجها لأنه كان عاوز يصورلها فيديوهاات إباحية في غرفة النوم

ياخبر إسود 🌈

=عاوز الفقهاء يقفوا أمام حالة زي دي وميلاقوش للنساء دول حل ؟

-طب ياشيخ معلش يعني...جابوا كلامهم دا منين ؟

=من حديث ثابت بن قيس نفسه...اللي فهم إن الرسول ﷺ أمره بتطليق زوجته شايف إن الأمر يوجب التنفيذ ، فلو الزوج تعنت بعد استيفاء كل المناطات والأسباب الشرعية المُعتَبَرة والضرر الواقع على الزوجة عند القاضي الشرعي فللقاضي تخليص الزوجة ورد العوض للزوج

واللي شايف إن كلام النبي ﷺ لثابت من باب الإرشاد هيكون له رأي ثاني
بس كدا ياشيخ كتير من النساء هيختلعوا بسهولة ، ما هو دا سبب الـ ٨٧% من حالات الطلاق تكون خلع

=طبعاً يامصطفى ، ودا لعدة أسباب 🖱

1/إن الخلع لا يكون بفعل الزوجة ، بل ترفع الزوجة شكواها للقاضي الشرعي هو الذي ينظر في حالها

2/اللي يخلع ويطلع حكم لازم يكون عالم بالشرع ومقدر لحالات الضرر المُعتَبَر (هيئة شرعية)

3/لازم يكون فيه عوض..الزوج يستلم الصداق اللي دفعه أو زيادة كمان لو عاوز
4/الشرعية قيدت الموضوع فالنبي ﷺ يقول: (أَيُّمَا امْرَأَةٍ سَأَلَتْ زَوْجَهَا طَلَاقًا فِي غَيْرِ مَا بَأْسٍ فَحَرَامٌ عَلَيْهَا رَائِحَةُ الْجَنَّةِ)[صحيح سنن أبي داود]

-كدا بدأت أفهم ياشيخ ، تقصد يعني إن الشريعة جعلت نطاق الخلع ضيق ولكنها لم تغلقه بالكلية لمصلحة بعض الأفراد ؟

=طبعاً يامصطفى ، حالات الخلع في عهد النبوة والخلافة الراشدة كانت نادرة جداً ، تكاد تكون منعدمة ، دلوقتي وللأسف بقت هي الأصل في حالات الطلاق بالرغم من ندرة وجود قضاة شرعيين يحكموا بشرع الله بين الطرفين ، وبأخذ المرأة مالا حراماً لا تستحقه بدلاً من دفعها للعوض

-مال حرام ؟

=طبعاً يامصطفى ، المختلعات في بلادنا بيتم الحكم لهن بقائمة المنقولات اللي قالوا في بداية الزواج إنها مهر ، علشان الخلع بيكون عند قاضي بيعتبر القائمة إيصال

أمانة ملوش علاقة بالزواج بناءً على الأوراق اللي عنده ، فبيتم رد المؤخر فقط
علشان في القسيمة... طب والقايمه ؟

-دي كدا سُحت ياشيخ ؟

=طبعا يامصطفى.. سُحت وأكل مال الزوج بغير وجه حق

-طب لو الزوجة لم ترد العوض وكان معاها حق في دعواها وتم الخلع ، وضعها
هيكون إيه ؟

-دي لسه على ذمة زوجها لم تختلع منه شرعاً ، لو تزوجت صارت زانية عياداً
بالله

-أمال هتقول إيه بقى في الخلع الغيabi ياشيخ

-دي مصيبة تانيه يامصطفى..حتى اللي قال بتطليق القاضي بيقول ده عند تعنت
الزوج..يعني لازم يتم عرض الطلاق على الزوج في البداية زي ما النبي ﷺ عمل
طب هو دا كدا ياشيخ ممكن ياخذ حكم الإكراه ؟

=يامصطفى...كل طلاق أمام القضاء لا يُطعن فيه بالإكراه ، القاضي الشرعي لا
يكره أحداً ولكن يفصل بين الناس

-طب واللي بتطلب الطلاق علشان زوجها هيتزوج بغيرها دي ياشيخ بقى وضعها
إيه ؟

-دي للأسف واقعة تحت وعيد هذا الحديث برضو : (أَيُّمَا امْرَأَةٍ سَأَلْتَ زَوْجَهَا طَلَاقًا
فِي غَيْرِ مَا بَأْسٍ فَحَرَامٌ عَلَيْهَا رَائِحَةُ الْجَنَّةِ) لأنها بتطلب طلاق لأجل سبب غير
شرعي

دا شئ خاص بزوجها ملهاش دعوة بيه مطلقاً

-طب زوجة هاني اللي عاوزة تختلع دي علشان هو مش عاوز يخرجها تشتغل
-دي واحدة مش فاهمه دينها ، لازم هاني يعلمها دينها كويس ومفيش قاضي محترم
هيشوف واحد بيحافظ على زوجته وهيعتبره بأس أكيد ، وربنا يهديها
شكراً جداً ياشيخنا

=العفو يادرس 🙏

[#تصحيح مفاهيم الزواج](#)



👉 الخاطب شخص أجنبي تماماً عن المخطوبة ، لا يجوز له الخروج معها ولا الحديث منفرداً بغير

محرم

والتوسع في الكلام حتى مع وجود محرم خطر جداً جداً

الخطوبة مجرد وعد بالزواج..(ليست زواجا والمخطوبة ليست امرأة معقود عليها)

👉 يا شباب....من الأمور التي توفقك في زواجك ألا تعصي الله قبله

ستجد كل ما تركته لأجل الله بعد ذلك فيه البركة وإن طالت بك الحياة ، وما أخذته في الحرام والله لن تجد لذته في الحلال وأدعو الأخوة والمشايخ الذين يتساهلون في ذلك بالتوبة إلى الله من كلامهم في هذه الأبواب التي ما جرت على الناس إلا الويلات

[#تصحيح مفاهيم الزواج](#)



👉 واحدة من المشكلات التي غالباً بتقابلني مع الشباب هي حالة التصحر العقدي التي الأمة عايشه فيها

تقعد تكلم واحد ساعات في حاجات بديهية.. لازم كل مسلم يكون متربي عليها
الاستعانة بالله _ التوكل عليه _ حسن الظن به _ وهكذا
👉 شاب كان قاعد معايا بيحكيلي عن تفاصيل خطوبته
قلته: (التفاصيل دي فيها حاجة مش مضبوطة عند أم البنات)
قاللي: (بس دي ست زي الفل وبتحبني أوي)
قلته: (المواقف اللي بتحكيها بتوضح حاجة مش مضبوطة عندها)
ولما سألني طب والعمل إيه.. قلته: (لما بنعجز عن كشف شئ بنلجأ لله وننفي حولنا
وقوتنا لأنه يعلم ما في القلوب ، ولو استعنت بيه صح سيكشف لك ما خفي عنك ،
وعمرك ما هتتدبس ولا تختار وإنك ماشي في طريق ربنا)
بدأت أقول له على شوية حاجات يعملها على ما يروح لهم
هتقيم في ثلث الليل الآخر تسأل ربنا يظهر لك كل حاجة ، هتعمل ورد صلاة على
النبي ﷺ بنية كفاية لهم ، هتحافظ على العبادات والنوافل والطاعات ، وهكذا
الشاب راح زيارة لهم وقعد معاهم ولقيته بيتصل بيا بعدها وهو مش مصدق
بيقوللي: (قعدنا زي كل مرة والست بتوددها المعهود قعدت معانا ، وأنا ماشي لقيتها
بتحكيلي عن واحدة تعرفها في البلد اللي جنبهم رفعت على زوجها قضية قايمة مثل
وهي ملهاش قايمه ، واستعانت بـ ٢ شهود زور في قضايا تانيه علشان الواد كان
بيعاملها وحش ، ولما قلناها بس كدا حرام قالتلي أمان تجيب حقها إزاي يا حبيبي ؟)
الشاب طلع يجري من البيت ويقوللي أنا خلاص فهمت الطريقة اللي كنت بعيد عنها
للأسف

👉 واحد تاني جه ليا وفي قلبه داء عشق لبنات البنات ، أكلمه وأحكيه إن البيت
دا لا يصلح له وإنه مش هيعرف يتفاهم مع والدها
يقوللي: (دا راجل محترم جداً)
أقول له: (إنك لإنك واصل معاها للمرحلة دي مش شايف)
يقوللي: (لا أنا زي الفل)

قلته: (طيب...إيه رأيك لو تعمل كذا كذا في اليومين اللي جايين لحد ما تروح
[وقلته على الدعاء والصلاة على النبي والذكر] ، واديني أبوها أكلمه واسمع إنت
المكالمة وهخليك تسمع منه كل حاجة ، بس تشتغل مع ربنا صح)

قاللي: (هسمع منه هو ؟)

قلته: (باذن الله ، بس اشتغل في الدعاء مضبوط وربنا هيظهر لك كل شئ ، وأنا
كمان هشتغل معاك على ده من باب الأخوة)

الشاب راح واتصل عليا علشان أكلّم والدها أدرّش معاه ، ولسه بقول له: (فلان
ياحاج بيشكر فيك جداً وبيقول عنك كلام طيب ، إيه رأيك ياحاج لو الولد يجهز كل
حاجة بنفسه وإنت متكلفش نفسك أي حاجة ؟)

الراجل قفل في وشي السكة وقال للشاب وهو متعصب: (ولما بنتي تخلّك هتاخذ
إيه ؟)

الشاب طلع جري من البيت وكأن الله نزع حب البنت من قلبه نزاعاً

[#أين_الله_في_حياتكم_ياشباب](#)

كل واحد دلوقتي بقى منشغل بكل الأوفر اللي بيشفوه في الدنيا وتايه ومش عارف
حاجة

وكأنه هو الذي بيده مقاليد الأمور

إحنا عبيد ياجماعة شغالين عند مالك المُلْك ، لك رب تلجأ له لما تضيق بك الأحوال
لو فهمت ده واستقرت عظمة ربك في قلبك عمرك ما هتقول في يوم إن فيه عندك
مشكلات

تيجي إيه مشكلاتك في ملكوت خالقك ومولاك ؟

[#فلنرجع_لله_يهديني_ويهديكم](#)

[#تصحيح_مفاهيم_العقيدة](#)



من كام سنة كنت بشتغل في تجارة المواد الغذائية بالجملة ، لقيت أخ وقتها بيسألني على شغلانة ، ولما درست ظروفه لقيت عنده سيارة نقل ومش عارف يستغلها اقترحت على الأخ دا يشتغل شغلانتي .. وأخذته من إيده ودليته على كل خباياها وأماكن بيع الجملة ، والأصناف الكويسة اللي ممكن يفتح بيها سوق قتلته يومها: (إذا كنت أنا شغال بسيارة ملاكي ، إنت معاك سيارة نقل هتشتغل أحسن مني بكثير بإذن الله وتفتح بيتك)

لما لقيته متردد وبيقوللي: (طب وأفتح سوق إزاي والسوق مليان تجار !)
دليته على كل المحلات بتاعتي (زبايني يعني) .. وقتلته لو سألوك إنت تبع مين قول لهم إنك تبغي

(علشان أشجعه ويشتروا منه)

الأخ نزل فعلاً على المحلات وباع هناك على إسمي ... ولما جيت أنزل على المحلات دي في اليوم اللي كنت محدده بتاعهم لقيتهم بيقولولي: (صاحبك اللي شغال معاك باع لنا...شكراً ياشيخ إحنا عندنا النهارده)

روّحت يومها من غير مبيعات خالص بس كنت فرحان جداً إني شجعت أخ زي ده ... ولما الأخ دا نزل ثاني لنفس المحلات قالوله إنهم مشتروش حاجة مني علشان اشتروا منه

صاحبي قال لهم أنا مش تبعه ولا حاجة وقعد متعجب مني وجه يفهم مني أنا عملت كدا ليه

فوجئت كمان بأصحاب المحلات بيسألوني: (هو إنت سايبنا ناخذ منه وهو مش تبعك إزاي؟!)

قلت لهم: (سبحان الله !..هو أخذ من رزقي شئ؟!..النبي ﷺ بيقول: (إن الله قدر مقادير الخلائق ، قبل أن يخلق السماوات والأرض بخمسين ألف سنة) هنتخترع في الدين بقي ونعتقد إنه أخذ رزقي !..عادي.. مكنش مكتوب ليا أبيع في اليوم ده 🙏
الموقف دا كان سبب في توفيق ربنا ليا في شغلي في أبواب مكنتش متخليها ...وبسببه بقيت أضحك على كل واحد فاكرها شطارة وفهولة وتشغيل دماغ

👉 النظر المادية الأرضية اللي كثير من الناس بيعتقد فيها جديرة إنها تهدم بنيان عقيدتك بالكامل...عقيدتك في (الرزق _ التوكل _ الاستعانة _ عبادتك القلبية اللي مهما الذنوب غلفت قلبك هيئصف بيها _ محبتك لإخوانك وبذل كل ما تستطيعه لهم طالما كان دا في مقدورك...للأسف.. أشياء بقت نادرة في زماننا الناس لإنهم معتقدين في خلافاها بيمشوا في حياتهم غلط)

وَصَدَقَ النَّبِيُّ ﷺ حينما قال: (إِنَّ رُوحَ الْقُدُسِ نَفَثَ فِي رُوعِي ، أَنَّ نَفْسًا لَنْ تَمُوتَ حَتَّى تَسْتَكْمَلَ أَجَلَهَا ، وَتَسْتَوْعِبَ رِزْقَهَا ، فَاتَّقُوا اللَّهَ ، وَأَجْمِلُوا فِي الطَّلَبِ ، وَلَا يَحْمِلَنَّ أَحَدُكُمْ اسْتِبْطَاءَ الرِّزْقِ أَنْ يَطْلُبَهُ بِمَعْصِيَةِ اللَّهِ ، فَإِنَّ اللَّهَ تَعَالَى لَا يُنَالُ مَا عِنْدَهُ إِلَّا بِطَاعَتِهِ)

ياإخوة: (مَنْ اسْتَطَاعَ مِنْكُمْ أَنْ يَنْفَعَ أَخَاهُ فَلْيَنْفَعْهُ)

✓ [احسبها_صح](#)



👉 بعض الإخوة لما بيتقدموا لبعض البيوت بيقولوا إنهم يعرفوني وإن فيه صداقة بيني وبينهم ، ممكن يدعم دا عند الناس ببعض الصور معايا... (أنا بتصور مع أي حد عادي عندي مفيش مشكلة ، ومعنديش مانع حد يقول كدا ولا عندي أي مشكلة في ده لأن غالبيتهم بكون مشيت لهم في حل مشكلات قبل كدا)

الفكرة إن غالب الزيجات بتقف لما أهل البنت بيرجعولي يسألوني عن الشخص نفسه ياإخوة...أنا واحد لا يستحل لنفسه المداواة في حال شخص داخل مشروع زواج... (دي أمانة)

لو الحال لبنت من البنات برضو أو واحدة كان فيه موضوع معاها... (أنا بقول كل شئ أعرفه عن الحالة لو الموضوع فيه زواج وبكل أمانة)

أحياناً كمان ممكن أكون فهمت عنك حاجة إنت مش واخذ بالك منها في نفسك وأنبه الناس لها

دا أنا كمان بديهم طرق لاكتشافها..(دا زواج مش لعب)
بقول كدا علشان الشباب ميفهموش إن دي حاجة في مصلحتهم ، ولا أهالي البنات
يفتكروا إن وجودي في مشكلة بنتهم هيخلصها أي حوار بعده ، ومن باب إبراء
الذمة
فرجاءاً...لما تلاقي حد بيقولك كدا ارجعلي مباشرة

[#اللهم_بلغت](#)



بعد خسارة كبيرة كان اتعرض لها أحد أصدقائي ، راح قعد يحكي لشيخ من
مشايخنا عن خسارته ، فوجئت بالشيخ وباستهانة كدا وهو بيرفع راسه لفوق مع
حركة من شفافيه تدل على اللامبالاة فقال له: (مفيش خسارة في الدنيا ، الخسارة
خسارة الآخرة)

ثم قرأ قوله تعالى: (قُلْ إِنَّ الْخَاسِرِينَ الَّذِينَ خَسِرُوا أَنْفُسَهُمْ وَأَهْلِيَهُمْ يَوْمَ الْقِيَمَةِ أَلَا
ذَٰلِكَ هُوَ الْخُسْرَانُ الْمُبِينُ)

مش متخيلين بعد كلمة الشيخ دي الأمر هان على صديقي إزاي .. ولا متخيلين
مشهدنا ونظرتنا للدنيا بقت عامله إزاي!

من كام سنة قابلت شاب من الشباب في العاشر كان مهموم جداً بديون كانت عليه
كان مركز جداً في سدادها

قلته الإمام ابن القيم بيقول: (فرِّغْ خاطرك لله بما أمرت به، وَلَا تشغله بما ضمن
لك، فَإِنَّ الرِّزْقَ وَالْأَجَلَ قَرِينَانِ مَضْمُونَانِ، فَمَا دَامَ الْأَجَلُ بَاقِيَا كَانَ الرِّزْقُ آتِيَا)

قاللي يعني إيه ؟

قلتلته يعني لو ركزت في اللي ربنا أمرك بيه من العبادة كل ديونك هتتسد ، متشغلش
بالك برزق ولا غيره ، عليك بس السعي بجد ، أما القلب فلا ينصرف عن مولاك
في عدة أشهر كل شئ عنده اتحل !
إحنا بنصدق ربنا ؟

النبي ﷺ ينقل عن رب العزة قوله في الحديث القدسي: (يا ابن آدم : تفرغ لعبادتي
أملأ صدرك غنى وأسد فقرك وإن لا تفعل ملأت يديك شغلاً ، ولم أسد فقرك)
إحنا فعلاً موقنين بالكلام ده ؟

إحنا عندنا ناس خافين يتزوجوا علشان مش ضامنين المستقبل هيكون فيه إيه!
خافين يخلفوا علشان مش عارفين قدام هيصرفوا على عيالهم إزاي!
بيتملقوا أصحاب الأعمال وكأن صاحب العمل رزاق ليس بمرزوق مثله !
قابلت واحد رايح ياخذ قرض ربوي من جمعية ربوية عندنا في العاشر
قلتلته: (ليه تاخذ قرض ربوي ؟)

قاللي: (طرقت كل الأبواب والله بس مفيش ومُضطر)
قلتلته: (قمت في ثلث الليل الآخر وطلبت من ربنا سداد الدين ؟)
قاللي: (لأ)

قلتلته: (قلت دعاء قضاء الدين ؟)

قاللي: (لأ)

قلتلته: (عملت ورد صلاة على النبي ﷺ بنية تفريج الهم والكرب ؟)
قاللي: (بصراحة لأ)

قلتلته: (يا أخي...إنت عامل زي العامل اللي شغال في شركة قاعد يطلب الزيادة من
العمال اللي زيه ومطلعش مكتب صاحب العمل)
تاني يوم اتصل بيا قاللي: (ربنا فرج كربي)
إحنا بعيد أوي عن ربنا يا إخوة والله
غياب الشيخ المُربي هو اللي بيخلي الشباب تايهين

أنا لما بكلم شاب في البديهيات دي ويلاقها بتجيب معاه بيبقى منبهر...دي أصلاً
أبجديات لازم تستقر في قلبك علشان تكون مُسلم صحيح العقيدة والدين

#اللهم_علمنا 🌟

#تصحيح_مفاهيم_العقيدة



🌟زي النهارده من ٦ سنوات كان اتقبض عليا نتيجة وشاية من بعض الأشخاص ،
أو إن اسمي جه في تحقيق بالغلط ، والحمد لله في غضون شهر كنت طالع براءة
أول ما دخلت لقيت واحد أكبر مني سنًا قاعد يبكي ، ولما بسأله بتبكي ليه قاللي:
(أنا متزوج زوجتين ومعايا من الأولى ٤ عيال ومن الثانية ٣ عيال)
قلته: (أيوا يعني بتبكي ليه ؟)

قاللي: (أنا الوحيد اللي كنت بصرف عليهم ، معرفش حالهم إيه دلوقتي)
قلته: (يا أخي الفاضل.. وإنت معاهم كان رزقكم انتوا الـ ١٠ على رب العالمين ،
ولما جيت هنا بقى رزق ٩ برا على رب العالمين ، أما رزقك وإنت في ضيقة فهل
ربنا ناسيك هنا علشان ينساهم ؟)

الأخ مسح دموعه وبصلي كدا باستغراب وقاللي: (لأ طبعاً)
قلته: (يبقى لازم تصحح عقيدتك علشان تعيش مسلم ، ربنا اللي سخر لك اللي يأكلك
ويشربك هنا من غير ما تشتغل له ولا شئ قادر يسخر لأهلك برا اللي يعمل معاهم
كدا... ركز في نفسك وانشغل بالدعاء وافهم حكمة ربنا علشان تعيش مسلم)
لقيت ٤ شباب هناك أقل من سن الـ ٢٠

واحد منهم بيقوللي: (كنت بخرج أعمل شغب في المظاهرات والشرطة مسكتني من
عالقهوة أنا وأصحابي بس إحنا والله ملناش علاقة بأي جماعات)
قلته: (لما ربنا بيتليك ابتلاء متقعدش تفكر في طبيعة الابتلاء على أد ما تفكر في
الاستفادة اللي هتاخذها منه)

قاللي: (يعني إيه ؟)

قلتلته: (إنت لو فضلت عايش حياتك عالقهوة كدا من غير ما تيجي هنا ، تفكر كنت

هتومت على إيه ؟)

قاللي: (دا أنا كنت مبصليش أصلاً)

قلتلته: (ودلوقتي أعتقد وضعك اتغير)

قاللي: (الحمد لله بدأت أحفظ قرآن وأصلي والتزمت)

قلتلته: (يبقى لازم تفهم إن ابتلاء ربنا كان نعمة لك ، بل المدة دي ممكن تكون سبب

في نجاتك في الآخرة)

واحد قاللي ساعتها: (طب وإنت عملت إيه ؟.. لما كنت تبع جماعات ولا تارك صلاة..

جاي هنا ليه ؟)

قلتلته: (الداعية مينفعش يسأل ربنا عن المكان اللي ربنا هيشغله فيه ، الداعية لازم

يفهم إنه بمجرد ما دخل الدعوة ميقاش له اختيار

قال تعالى { وَالْعَصْرِ (١) إِنَّ الْإِنْسَانَ لَفِي خُسْرٍ (٢) إِلَّا الَّذِينَ ءَامَنُوا وَعَمِلُوا

الصَّالِحَاتِ وَتَوَاصَوْا بِالْحَقِّ وَتَوَاصَوْا بِالصَّبْرِ (٣) }

علشان تتواصى بالحق [الدعوة للدين]

لازم تفهم إن فيه ابتلاء [تتواصى فيه بالصبر]

يا إخوة.... غالبنا دايماً يركز على الابتلاء وينسى إنه في دار ابتلاء وامتحان

دار قال الله عنها { أَلَمْ (١) أَحْسِبَ النَّاسَ أَنْ يَتْرَكُوا أَنْ يَقُولُوا ءَامَنَّا وَهُمْ لَا يُفْتَنُونَ

(٢) وَلَقَدْ فَتَنَّا الَّذِينَ مِنْ قَبْلِهِمْ فَلَيَعْلَمَنَّ اللَّهُ الَّذِينَ صَدَقُوا وَلَيَعْلَمَنَّ الْكَاذِبِينَ (٣) } [سُورَةُ

العنكبوت: ١-٣]

متزعلش في حياتك لما تمر بظرف صعب...إنت متعرفش الظرف دا ربنا نجاك

بسببه من إيه

متزعلش لما ربنا يبتليك في زوجة أو ولد ، إنت نفسك والله لو عرفت الزوجة

والولد دول من غير الابتلاء كان مصيرك في حياتهم هيكون إيه

#اللهم استعملنا ولا تستبدلنا 🌸

